


Hethadenee  
waunauyaunee vadan  
Luke Vanenāna



The Gospel According to Luke in the Arapaho Language of the  
United States of America

# Hethadenee waunauyaunee vadan Luke Vanenāna

The Gospel According to Luke in the Arapaho Language of the United States of America  
Public Domain

Language: Arapaho

Translation by: Michael White Hawk and John Roberts

2015-05-06

---

PDF generated using Haiola and XeLaTeX on 27 Jul 2020 from source files dated 22 Nov 2019

49903679-7190-57d9-b73a-1c2da4854577

Contents

Luke . . . . . 1

## Hethadenee waunauyaunee vadan Luke Vanenāna

<sup>1</sup> Hanau waunauthathee hadnedanuu hejadenenau hadjenanuu hauthase vavese hauthedau hena hayauhuhau nanāe hājavaānethauwuthajauthaunin, <sup>2</sup> Hasevenānauau nanaa hehethee jasesee vasesā hāenuu nau nejaanuu hanadedaanau; <sup>3</sup> Hasethajaunau hethadee heee nananenau jea, vavesethaugudenau vahee hayauhuhau hehetheejasesee hadnewauthaunauwunathane nedānee, javaānethadee Theauthenus, <sup>4</sup> Hadeaenauwu hethauwu hena hayauhuhau nesechauhauthehane. <sup>5</sup> Hena hese Herod, naja Judea, jasaa vevethahehe Zacharias haseede, hadauchunanede Abia: nau henene hedaunāhene Aarauneau, nau heneseadaunin Elisabeth. <sup>6</sup> Nau haenesauuthāhenauau hathaāhenith Hejavaneauthu, thaunaugudethee vahee nanavaavedaanau nau hauchuwudaunau Vahadāde dejauthauwuvade. <sup>7</sup> Nau hehauwunesaunenauau, hanau henee hehauwunesaune Elisabeth; nau wauwu haenesauu vaehahenenauau. <sup>8</sup> Nau hethauwu, henee daunauvadanedaude hathaāhenith Hejavaneauthu hāenauauchaude, <sup>9</sup> Nesedaunethe vevethahehehau, nesedaude hadnejaāde yehauthe hevadannauauwunene Vahadāhenith. <sup>10</sup> Nau haunauude henanedanede haevethahedaune jathee nauauchu jaa. <sup>11</sup> Nau haenauhauvauthauwunene Hejavaneauthu, haa hehethee hāejanese. <sup>12</sup> Nau hāenauhauwaude Zacharias, haejanethajau, nau nāthajaude haeedasaa. <sup>13</sup> Hau nuu hautheauene, jevanāthajau hathāhuk, Zacharias: havevethahede nandedauwuhuu; nau hadasea Elisabeth hadjanesewaude hāau, nau Jaun hadeseau. <sup>14</sup> Nau nananin hadaunauwuthajau nau hadeneethajau; nau hadnewauthathee neethajauthee hāejanese. <sup>15</sup> Hanau haudvasāthaa hathaāhenith Vahadāhenith, nau haudnehaunuvane daudause dadajevenenaje, wauāthe neauthunaje; nau haudnechauchaunauude Hevadannauwuthauwunene Hejavaneauthu, haa hehethee hāejanese. <sup>16</sup> Nau haudnewauthaa dāyaunenede Israel hadjaechuwauyāanaude hese Vahadāhenith Henesaunaunenau. <sup>17</sup> Nau haudnedauwaunau nau guu Vadanauwuthauwu nau neesenaudāhenith Elias hadjaechuwauyāauau vadauhau henesaunaunenau hese dāeyaunauau nau nejenedauvathee gaugauuthajaudenau hadauethadee; hadnesaanude henanedanede hesanaa hese Vahadāhenith. <sup>18</sup> Nau Zacharias naudedusaene nuu? wauwu vanaehahenenau nau nadasea wauwu vadavehahenede, hathauhuk hautheauene. <sup>19</sup> Nau hautheauene hanaāaachuhananadethāde, Nananenau Gabriel henee theaugudaunauau hathaāhede Hejavaneauthu; nau janeautheavānau haudnāedauwunathana, nau hadnauhauthehathana nuu neethajaude waunauyauau. <sup>20</sup> Nau, naune, nananin haudnejanadene nau haudnehaunwunene, haunau hese nuu hayauhuhau nauauchaugu hethauwu, hanau nananin daujethauwadauwu nadanadede, nuu hadnethauwunauauchu nauauchaugaune. <sup>21</sup> Nau henanedanede haedauyauhauvauau Zacharias, nau haegaugauanadauwu henee dauguthethaugude vadannauauwu. <sup>22</sup> Nau hāejenauāhede, haejeneanadetha: nau haeenauwu daunauhauthāde vadannauauwu: haevathasauwuna nau haejanade. <sup>23</sup> Nau hethauwu, henee, chauchaunu hese hāesevadanedaude haeyehau hese nehayau hedauauwu. <sup>24</sup> Nau heee hena hese henene Elisabeth hanaāenesaunenith, nau haegauguse nehayau hayauthaunenethe hese heee, hanaāenehede, <sup>25</sup> Hesau Vahadāde naasehānau hese hāedaugauhauvānau hadgudanauwunānau nāedayāhede henanedaa. <sup>26</sup> Nau nandedauchaunauwaude hese hautheau Gabriel haejeauthauwau hehethee Hejavaneauthu hese hedan Gananee haseenau Nazareth, <sup>27</sup> Hesāhedāeyaun haeenenehauwaune henanin Joseph haenaneesenith, hehethee hedauauwu David; nau hesāhedāeyaun Mare haenaeseede. <sup>28</sup> Nau hautheau haeedasaa, nau hanaāenehethāde, Haunauwuthajau, nananin vechauthane, Vahadāde hanedaudaunāne: hauwunaunane hesānaa. <sup>29</sup> Nau hāenauhauwaude, haejanethajaude hedanedadaunin, nau haegaugauanade daun hadnesaunenechuhude nuu hadnesauau. <sup>30</sup> Nau hautheau, Jevanāthajau, hathāhuk, Mare: hanau nananin vechauthāne Hejavaneauthu. <sup>31</sup> Nau, naune, nananin hadnesaunin, nau hadneahene, nau JESUS hadeseau. <sup>32</sup> Hadvasāthaa, nau Vā Hejavaa hadethauva: nau Vahadāde Hejavaneauthu hadvenaude naja theaugudaun henesaunaunenau David: <sup>33</sup> Nau hadnajaunauwau hededanin Jacob jethaujene; nau henajanede hadnehaunwuthauwadaunaune. <sup>34</sup> Hanaāenehethaude Mare nuu hautheauene, Haddusenesau nuu hanau nāhauwāenaunau henane? <sup>35</sup> Nau hautheau hanaāaachuhananadethāde, Hejavaneauthu Hevadannauwuthauwu hadnedasāne: nau naunauthauau Hejavaa haddugauyāanaune; henaheee jea hene Naunaudāde hadnesaunewaude Heau Hejavaneauthu hadnethade. <sup>36</sup> Nau, naune, have Elisabeth, jea wauwu henesaunede hadneahede wauwu dauvadavehahenede: nau nuu nandedauchaunethe hese wauwu hehauwunesaune neethade. <sup>37</sup> Hanau Hejavaneauthu vahee nenedede hayauhuhau. <sup>38</sup> Nau naune, Vahadāde daunūnau hahagu Mare, hadnaasauau nuu hasehene, nau hautheau hanaāenauthāde. <sup>39</sup> Nau Mare hanaāethauwauthede hena hese, nau hanaāehaude jauaudanenauwuu nauhauhaune

hesee hedan Juda; <sup>40</sup> Nau hanaejedāde hedauauwunene Zacharias, nau haenaunenechautha Elisabeth. <sup>41</sup> Nau hethauwuu, henee, Elisabeth hāenedauwauthaude daunaunenechuhunith Mare, dāeyaunaa haenauauwuja hethauwaudau; nau Elisabeth haeechauchaunade Vadanauwauthauwu: <sup>42</sup> Nau haevasanade, nau hanaāenehede, Hauwunaunane hesānaa, nau hauwunaunade dāeyaunaa hethauwaudau. <sup>43</sup> Nau naudauhuthedasaa nuu, henee henaune Navahadāhewaunade hadnedasānu? <sup>44</sup> Hanau, naune, chauchaunu hanadedau nau haunaunenechauhude hāenedauwaudau nau nau-naudau, dāeyaunaa nau nauauwujahede nau nau dauu hee haunauwuthajau. <sup>45</sup> Nau hauwunaunade hesā henee hethauwuthajau: hanau hena hayauhuhau hadnethauwunaasau nau neethāedauwunade hehethēe Vahadāhenith. <sup>46</sup> Nau Mare hanaāenehede, Navadathuwu hauwaunehāde Vahadāhenith, <sup>47</sup> Nau navadathuwu neethajaudaunade Hejavaneauthu Nānayauhāde. <sup>48</sup> Hanau nedaugauhauwau hadavenuhuhau hedaununaunau: hanau, naune, hewaunehaa heejasee vahee henaededaunau hauwunaunade hadnethanau. <sup>49</sup> Hanau hena Naunaudāde vanasaunee hayauhuhau hasehānu; nau vadanaunee heneeseede. <sup>50</sup> Nau nauwunaunade henee headaunādaunau henajāthee henaedede nau nausunee henaedede. <sup>51</sup> Nenuhauthethāde hedāhede hejadena; neneāsauaunade hes-āethajauhuhau hedāhene. <sup>52</sup> Nejananaude nau nau dāhenethe hehethēe hethēugudaunene, nau nejejananaude hadavenuhuhau. <sup>53</sup> Negaudauhaude hasenahehau nauuu hethadenee; nau nethauyā-dahehau negudanaude jessaa. <sup>54</sup> Nenedahewaude heau Israel, nedauyewuwude hedauwuyau; <sup>55</sup> Neesenehethaude havasevāene, Abraham nau hedāeyaunewau jethaujenee. <sup>56</sup> Nau Mare haenedauguva hanāenethe hesee hee, nau hanaāejaehaude nehayau hedauauwuu. <sup>57</sup> Wauhā Elisabeth hanaāevadauauade hadneejanesāde; nau hanaāeahede. <sup>58</sup> Nau henedaudevādaunau nau henethesaunau haenedauwauthaa hasauwunaunāde Vahadāhenith haenauhauthehaa vanasaunee hauwunaunade, nau haenetheneethajauvaa. <sup>59</sup> Nau hethauwuu, henee hāenasaudaunese haejenauusanauau hadgaugusenith dāeyaunau; nau haeadethanauau Zacharias, thauuu hene-seedaunin henesaunaune. <sup>60</sup> Nau henaune hegau, hāheyaugaune, Jaun hadnethade, <sup>61</sup> Nau hathauhau-gaunee hehauwuseenauau hādaunānuu nuu neseede, <sup>62</sup> Nau haevathasauwunanaunau henesaunaunin, haadeneseenethe. <sup>63</sup> Nau haenadede dasewauthaunauha, nau haewauthaunauhā, Jaun haseede, hahagu. Nau haunauude haegaugauauthajaudene, <sup>64</sup> Nau haegaunadananaunau, nau henethaune haegauchaunauaune, nau hanaāanadede, nau haevaveenethedauna Hejavaneauthu. <sup>65</sup> Nau nāthajau haeedasā haunauude henee hathāeuchaunauthee: nau vahee nuu nehedaunau haegaugau-udedaune jedauwuu hathāuau jauaudanenauwuu Judea. <sup>66</sup> Nau yahee hathāenedauvade haejenanauwuhedehenu, hauduthā naa dāeyaunaa, hahagaunee? Nau hejadenene Vahadāhenith haenedaudaunaa. <sup>67</sup> Nau henesaunaune Zacharias haeechauchaunade Vadanauwauthauwu, nau haeyānautheda, <sup>68</sup> Vaveenethedaunaa Vahadāde Hejavaneauthu Israel; hanau haenauujāda nau daujauadaunaudau hedenanedane, <sup>69</sup> Nau thauwaudanaude henenese hadnenayauhānauau jedauwuu hedauauwunene hedaununaune David; <sup>70</sup> Dau nausunanedede hedenaa Hevadanayāhewau neenaedenethe hāejeenaedenauau: <sup>71</sup> Henee hadnenanedanenauau hehethēe haujauthavene, nau hehethēe hejadena vahee hāthāsānvādaunene; <sup>72</sup> Hethauwuu hauwunaunade nesayānedauwunaude havasevāene, nau hadnedauyewuwude Hevadanenesedauwau; <sup>73</sup> Deneauwauhude yesee havasevāene Abraham, <sup>74</sup> Henee hadvenānauau, jenāthajau hethethēe hejadenene haujauthavene hadnenayauhānauau hadnevevethedaunaunau. <sup>75</sup> Nauuu vadanaunee nau chuwwu hathāhede, vahee hesee hadenaededaunene. <sup>76</sup> Nau nananin, dāeyaunaa, haeyāhe Hejavaa hadnethane: hanau nananin hadnedauwaudau Vahadāde hadnesaanudene hevaunaa; <sup>77</sup> Hadvāde haeyaude hadnenanedane hededan hadjaegudanaunade hewauchudaunenenu, <sup>78</sup> Hehethēe havathee hauwunaunade Hāsaunaunene; nanaa Naugusaje hehethēe hejavaa hadnenauujādaunānauau, <sup>79</sup> Hadvenaude hesee hathāetheaugunethe hadaueyaunee nau hadaudugayāsaa gaujauadahede, hadnedauwaudau hauauthene hesee hadaudādaunee. <sup>80</sup> Nau dāeyaunaa haeseau, nau hevadathuwu haedāeane, nau haenaadaude hadaunechaudanee haunaude hesee hadneenauhauthethāde Israel.

## 2

<sup>1</sup> Nau hethauwuu hena hese hauchuwude haeneāsanaunau hehethēe Caesar Augustus henee vahee henenanedede hadnayāadee. <sup>2</sup> (Nau nuu nayāade henedauwunesede deachuwanenene Cyrenius Syria.) <sup>3</sup> Nau vahee haeuāchudene hadnayāadee haunauude hanesāde hesee nehayau hededan. <sup>4</sup> Nau Joseph jea haeyehau hehethēe Gananee, hehethēe hedan Nazareth, jedauwuu Judea, jedauwuu hededan David Bethlehem neseee, (hanau maadhagu hedauauwunene nau nedānee David.) <sup>5</sup> Hadnethenayāade nauuu Mareheau heauthewauthādaune hadnewaune wauwu haehāthane hee henesaune. <sup>6</sup> Nau hethauwuu, henee hajesenaunenedathēe, hese haevadaunau hadneejanesāde. <sup>7</sup> Nau hanaāejanesāde henedauwusaune heau, nau haejetha, nau haesevana hewauchuachave nedau vethehenethe; hanau haeneau vethedadaunauwuu. <sup>8</sup> Nau hena

vavade vedauauwu haudānjauāhehauau haeaudenauau, haeaunaunehanaau haeanauyauhauvanauau hedajauanenau vegau. <sup>9</sup> Nau, wauhā, Vahadāde hedautheaune haedasā, nau havathee haeseenausaānauau Vahadānith; nau haevasenāthajauauau. <sup>10</sup> Nau hautheau jevanāthajauau hathāhaugaanee: hanau, naune, nauuchaudaunathana hethadee waunauyauau havathee neethajau, nanaa heee vahee henanedane. <sup>11</sup> Heee nananena janese nuu desene hededan David Henayauthāhe, nananede Chris Vahadāde. <sup>12</sup> Nau nuu hadneanenauwuna; Nananena hadveehauna dāeyaunaa hanajehede, saesee hewauchuhauchave nedauvethehethēe. <sup>13</sup> Nau nauhauhaunee hena haewauthanaau hejavaa hautheanaauau nauguu naa hautheau haevaveenethedaunanaau Hejavaneauthu, nau hasenehehaugaanee, <sup>14</sup> Havathee hauwaunede hese Hejavaneauthu hejavaa, nau dasee vedauauwu nanethauaunee, hethadee hathanavana henanedane. <sup>15</sup> Nau hethauwu, hautheanaau haejaenauthā hese hejavaa, Wauhā hadehaunau Bethlehem, hanathadagaanee nuu haudānjauāhehauau, nau nauhaudauwu nuu hayewhu javeauau, nanaa Vahadāde hāaedauwunādaunene. <sup>16</sup> Nau haenauchuhanausanauau, nau haevveehanaau Mare nau Joseph, nau dāeyaunauau haesaesene hewauchuhauchauwauwu henee nedauvethehenethe hewauchuhauchāve. <sup>17</sup> Nau hāenauhauwuthee, haenēnauthedanauau nuu hathauthedaunāhethēe heee dāeyaunauau. <sup>18</sup> Nau vahee hathāenedauvade haegaugauanadauwu henee hayauhau nuu hathauthedaunāthee haudānjauāhehau. <sup>19</sup> Nau Mare haeanaunede vahee nuu hayauhau, nau haegaugauanade hedahaa. <sup>20</sup> Nau haudānjauāhehauau haejaesanauau, haevaveenethedaunanaau nau haevaveenethedaunanaau Hejavaneauthu heee vahee hanathadauvathee nau hathauhauthāthee, neethāedauwunāhethēe. <sup>21</sup> Nau hāenasaudauchenese hadneegauguusede dāeyaunaa henesēde Jesus, haseadagu nuu haseede haeneseēde hautheanaun haunauau deejethāsee. <sup>22</sup> Nau hesee hāewaudeauchaude hasaunee hadauchuwude Moses hāevadauane, haeyehauthanaau hese Dadaunedan hadjenanaunauthēe Vahadāhenith; <sup>23</sup> (Hathauthaunauhunee hauchuwudaunaa Vahadāde, Dajee haunauahee henee nedauwusau vadade hadnethade hese Vahadāhenith:) <sup>24</sup> Nau hadnausāyaudenee neesenedaunee hauchuwudaunaa Vahadāde, Hanesethee vedāenauau, wauāthe hanesethee neauthuvedāesanaau. <sup>25</sup> Nau, naune, hena henane haenedau Dāaunedan, Simeon haeneseede; nau naa henane haechuvā nau haethauwuthajau, haejauwuwude hadneethajauthēe Israel: nau Vadanauwauthauwu haethāsade. <sup>26</sup> Nau haeeauthedaunaa Vadanauwauthauwu, henee hadjenauhauwau gaujauaudahede, haunau hadnauhauwau Vahadāhenith Chris. <sup>27</sup> Nau haejeheenausa Vadanauwauthauwu jedauwu Vadannauwuu: nau hāene henehā Hejavaneauthuau jedanāde hadnesehāde thauguu hasauu hauchuwude, <sup>28</sup> Hanaājevathenaunauade hejadana, nau haevaveenethedauna Hejavaneauthu nau hanaānehede, <sup>29</sup> Vahadāhene, hewaunehaa nanehājejenanaude hauwauwauwauve hadnaudauu nanethauaunee, hasauu hadanadede: <sup>30</sup> Heee nasesā nauuhauwauu havāde Henayauthāhe, <sup>31</sup> Naa nananin hadnesaanudene hathāhedaunee vahee henanedane; <sup>32</sup> Hese hadneesenee Hathāuau henanedane, nau havathee hadnenedane Israel. <sup>33</sup> Nau Joseph nau henaune haegaugauanadauwu hena hayauhau hanasenehethavathe. <sup>34</sup> Nau Simeon haevethasa, nau haeāedauwuna Marehau henaune, Naune, Naa dāeyaunaa hanejenanede hadneanenauudenene nau hadneejaegauhadenene hauwuhuu Israel; nau hanau nauhauthethau hadnevatheve; <sup>35</sup> (Haa, gaugachu hadneegauchuguhune nehayau havadathuva jea;) henee gaugauthajaudenau hauwuhuu vadauhau hadneauthau. <sup>36</sup> Nau hena haenesā Anna, haeyāhe, hedaunau Phanuel, hanaadāde Aser: haewauthanenau hejajenewau, nau haenethenaedeva hechu nesaudauchu jajene hehethēe neeseede; <sup>37</sup> Nau haenevesāne heee nasaudausauu yānēne jajene, nananede haeejethaunauade vadannauwuu, nau haenesedauna Hejavaneauthu nauguu nauyauade nau vevethade dajāe nau hese. <sup>38</sup> Nau haejejedā heee haevaveene jea Vahadāhenith, nau haehaethedauna vahee nethāejauwuwudethee jauadaunauthadede jedauwu Dāaunedan. <sup>39</sup> Nau hāesedaunee vahee hayauhau hasauu hauchuwude Vahadāde, haejaesanauau hese Gananee, hadahethee hedan Nazareth. <sup>40</sup> Nau dāeyaunaa haeseau, nau haedāeane hevadathuwu, haechauhaunaude haeyaude: nau Hejavaneauthu vadaude haethāsade. <sup>41</sup> Nau wauhā henehā haehaunenau hese Dāaunedan hadauchevejanene vasedanese Hadavechauthadede. <sup>42</sup> Nau denesenee hejajenewau, haehanaunau hese Dāaunedan hanau nesadaunee vasedanese. <sup>43</sup> Nau hese hāevadauane, hāejāesathee, dāeyaunaa Hejavaneauthuau haenasedaunaa Dāaunedan; nau Joseph nau henaune haejanauwu. <sup>44</sup> Nau henanedaa haenehauvā hathanauwauhaugaanee, nau haejanaugudaunee; hanaāneudehauthee henedaunene nau henedaehāhene. <sup>45</sup> Nau hāejevethaunee, haejaesanauau hese Dāaunedan, daunaudehauthee. <sup>46</sup> Nau hethauwu hāenasese hanaāveehaunee jedauwu vadanauwuu, haetheagune nahethāe hautheahau, haejaatheha, nau haenaunadedau. <sup>47</sup> Nau vahee hathāenedauwuthāthee haegaugauanadauwu hedaeyaunee nau hedauchuhanehedanene. <sup>48</sup> Nau hāenauhauwuthee, haegaugauanavanauau: nau henaune, Nā, nauu hanesehāne? hathāhuk, naune hāsanau nau nananenau nenaudehane nejeneethajau. <sup>49</sup> Nau hathauhuk, nauu haenaude-

hena? gauhajaene nauchāe wauwu hanedaudauwau Nāsaunau henesethaude? <sup>50</sup> Nau haejaenauwu hasenehethāthee. <sup>51</sup> Nau hanaēnethaunaude, nau haenauusanauau Nazareth, nau haethauwau-daunā: hau henaune haeunaunedene vahee nuu nehedaunau hedahaa. <sup>52</sup> Nau Hejavaneauthusau haeneenaneane hedaeyau nau hajejāde nau vechauthaude Hejavaneauthu nau henanedane.

## 3

<sup>1</sup> Wauhā yauthaunenee jajene wauwu neenajane Tiberius Caesar, Pontius Pinade nausunajawaudauau Judea, nau Herod nanajawaudauau Gananee, nau henauhauwauau Theneb nanajawaudauau Iturea nau vedauauwu Trachonitis, nau Lysanias naja Abilene, <sup>2</sup> Annas nau Caiaphas vevethahenajanauau, Hejavaneauthu nanadede haeedasaa Jaun heau Zacharias nauaunee. <sup>3</sup> Nau haedade vahee vedauauwu hanathaudanee Jordan, haeauthaude dusaahede haudneaugauthu gaugauuthajaudenau hadneegudanee wauchudaunenau; <sup>4</sup> Naathauthaunauhuu wauthaunauhanaa hedanadede Esaias haeyāhe, Jasaye haevasenehe nauaunee, Hesaanuu hathaāhede Vahadāhede, nesedee hevau chwuwu. <sup>5</sup> Hadauchugauaudayauau hadnechauchaunaa, nau hadaachāe hauane nau jauadane hadjananee, nau jajāvāe hadchuvanee, nau hadauhauyauau bau\* hadneyauthauau; <sup>6</sup> Nau vahee henanedane henuhauaudauau Hejavaneauthu hedenayauthaunene. <sup>7</sup> Haenaēnehethaude waunauthanee henanedane henee hedaśadaunau haddusaanaude, Hau hedenaededaunenau seseyānauau, hanaa haedauwunādaunenau haddaugauhudaunau nauthee hasenaunaude hadnausanauau? <sup>8</sup> Hethadee nesedee hadeheaunee hadnaugauthu haugaugauuthajaudenenu jvauthenehee hadahenauau, hāsaunaunee Abraham: hanau nāedauwunathana, Hejavaneauthu neene nesehaude nuu hauunagānu Abraham hedāeyaunewau. <sup>9</sup> Nau wauhā jea hauunachu janenane hethājēe hauhaudee: vahee hauhaudee jeneeaudehuk vevenaunenau haddauwauhude, nau hadneewaudeadaunee. <sup>10</sup> Nau henanedanau haenaudeadaunaa, hauddusedaune? hathāhuk. <sup>11</sup> Hanaāēadaunau, Daun nanesevechudaunade, jevena daun janevechudaunenith; nau daun hevethenede jenaśadaude, hahagu. <sup>12</sup> Wauhā haenaēenusathee hauyāhehauau haddusaahethee, Hechauthethāhe hauddusedaune, hathāhuk, <sup>13</sup> Nau hathāhauganee, javauthaunaudaunāthe henee nethauthevane. <sup>14</sup> Nau vanenanenu hanaśadaunethe, hanaasenehethāde, Nau haddusedaune, hathāhuk? Nau javauthasenehaa henaneda, hathāhauganee, javauthenanedaunevaa henaneda, nau hadnanethaunahedava haunaudaunadenenu. <sup>15</sup> Nau henanedanau hathanavāhuk, nau vahee henanedane haegaugauanavaa hedāhenenu Jaun wauau Chris haenane, nau wauāthe haje; <sup>16</sup> Jaun hanaāachuhanehethaude, hathauhuk vahee, Hadneedusaanathana heee naje; hau hanesāde javānaudāde javāhenau jaunaude hewauhugu hewauaunaa nāhauwuneaugunavane, hadneedusaanāna heee Hejavaneauthu Vadanauwauthauwu heee heseda. <sup>17</sup> Henaunasāhau nanewauunauau, nau hadgaunauhauau heyauthee nedauthauayāde, nau hadnauānauau wauchuumethauuahanau nedauthānauau jenayaunau; hau jenethauayaunau hadvadauchauauau hesedaa nedaujesadaunaahe. <sup>18</sup> Nau waunauthanee hanasejāesaunee hayauhuhau hanathauthedaunade henanedanau. <sup>19</sup> Hau Herod naja haeauunewau heee Herodias henauhauwauau Thenebeau heneene, nau vahee hathāewausaunee hanasadaude Herod, <sup>20</sup> Haewauhaunene nuu vahee henee dauaugauhude Jauneau duguhunauauwu. <sup>21</sup> Wauhā hāevahesedusaahedaunee henanedane, hethauwu henee Hejavaneauthusau haenethedusaā, nau haeevetha, hejavaa hanaāegaunanenee, <sup>22</sup> Nau Hejavaneauthuvadanauwauthauwu haejejanauhane hedanayunaa hedanayau haenaasaunee waude vedāene nau hanadede haejenauusa hethethe hejavaa, hasenehuk, Nananene vechauthauau Nāa, nananene vaveenethedaunathane. <sup>23</sup> Nau Hejavaneauthusau nehayau wauwu wauau hanasauau jajeneva, hanane (hathanavade) heau Joseph, nananenith heau Heli, <sup>24</sup> Nananenith heau Matthat, nananenith heau Levi, nananenith heau Melchi, nananenith heau Janna, nananenith heau Joseph, <sup>25</sup> Nananenith heau Mattathias, nananenith heau Amos, nananenith heau Naum, nananenith heau Esli, nananenith heau Nagge, <sup>26</sup> Nananenith heau Maath, nananenith heau Mattathias, nananenith heau Semei, nananenith heau Joseph, nananenith heau Juda, <sup>27</sup> Nananenith heau Jonanna, nananenith heau Rhesa, nananenith heau Zorobabel, nananenith heau Salathiel, nananenith heau Neri, <sup>28</sup> Nananenith heau Melchi, nananenith heau Addi, nananenith heau Cosam, nananenith heau Elmodam, nananenith heau Er, <sup>29</sup> Nananenith heau Jose, nananenith heau Eliezer, nananenith heau Jorim, nananenith heau Matthat, nananenith heau Levi, <sup>30</sup> Nananenith heau Simeon, nananenith heau Juda, nananenith heau Joseph, nananenith heau Jonan, nananenith heau Eliakim, <sup>31</sup> Nananenith heau Melea, nananenith heau Menan, nananenith heau Matthata, nananenith heau Nathan, nananenith heau David, <sup>32</sup> Nananenith heau Jesse, nananenith heau Obed, nananenith heau Booz, nananenith heau Salmon, nananenith heau Naason, <sup>33</sup> Nananenith heau Aminadab, nananenith heau Aram, nananenith heau Esrom, nananenith heau Phares, nananenith heau Juda, <sup>34</sup> Nananenith heau Jacob, nananenith heau Isaac, nananenith

\* 3:5 “Bau” probably should be “vau” (meaning “way” or “road”), in line with the rest of the text, since the letter “b” appears nowhere else except in foreign names.

heau Abraham, nananenith heau Thara, nananenith heau Nachor,<sup>35</sup> Nananenith heau Saruch, nananenith heau Ragau, nananenith heau Phalec, nananenith heau Heber, nananenith heau Sala,<sup>36</sup> Nananenith heau Cainan, nananenith heau Arphaxad, nananenith heau Sem, nananenith heau Noe, nananenith heau Lamech,<sup>37</sup> Nananenith heau Mathusala, nananenith heau Enoch, nananenith heau Jared, nananenith heau Maleleel, nananenith heau Cainan,<sup>38</sup> Nananenith heau Enos, nananenith heau Seth, nananenith heau Adam, nananenith heau Hejavaneauthau.

## 4

<sup>1</sup> Nau Hejavaneauthusau wauwu haechauchaunaude Vadanauwauthauwu haejeehedesa hehethee Jordan, nau haeyehauthaa Vadanauwauthauwu nauaunee, <sup>2</sup> Yāyauau hese hananeedauchunese hēnāyātheha Haujaune, nau hēna hese haeheejevethē: nau hāevathēnēsee, hēnānāsenade waunee. <sup>3</sup> Nau Haujaune hathāhuk, hith nananē Haāthauwūvāa Hejavaneauthau hāedaunee nāa hauunāga hēdajauuāunēde. <sup>4</sup> Nau Hejavaneauthusau haeachuhanehe hathauhuk, Wauthaunahuu hēnane hēhauwūnaede jauuāunau jasaa, hau hēe haunauude hēdanadēdaunēne Hejavaneauthu. <sup>5</sup> Nau Haujaune haenauauhuchauhaa hauanēe hadaujauudanēnee, nau haenauhauthēhaa vahee nājanede hathāauauvāa hēnānēdanēde chauchaunu. <sup>6</sup> Nau vahee nuu najawaude hadvenathane, nau hauwaunede, hathāhuk Haujaun: hanau hēnē nananē nau devenanau; nau daun navadaunē nau hadēvenau. <sup>7</sup> Hith nananē hēnāhēe hēvevethēdaunēnagu, vahee hadnēhānēhē. <sup>8</sup> Nau Hejavaneauthusau hānāāuchuhānānādēthāde nau hathāhuk, Hēdhau nauauvāa, Haujau haugau hathauthaunahuu, Nananē hēdevevethēdaunaude Vahādāde Hāsaunau, nau hānēsāde haudnēvevethēdaunaude. <sup>9</sup> Nau hānāēhauthāde Dādaunēdan, nau hāejēnānāa nauaūchuu vadannauauwu, nau hith Haāthauwūvāa Hejavaneauthau hauwujānau hēde hehethee, hathāhuk: <sup>10</sup> Haugau hathauthaunahuu, Hadāedaunēdaude hēdathēaunau haddunānāunee. <sup>11</sup> Nau hējanēnau hādējedunānāunee, hāvāugūgaunēe hēaudāa dēsee haunaugāe. <sup>12</sup> Nau Hejavaneauthusau hānāāuchuhānānādēthāde nau hathāhuk, Hasēnēhē, Nananē jēvanāyāthēhēne Vahādāde Hāsaunau. <sup>13</sup> Nau hēvathēnāyāthēdaude vahee, hānāējathāde haujau nājēe, <sup>14</sup> Nau Hejavaneauthusau hānāējēnāudāhēde Vadanauwauthauwu haduu Ganānee: nau hānāāuthēdaunēde hānāēnēāsānāunee vahee hathāauau Ganānee nauanēe. <sup>15</sup> Nau hāechauhauthēha vēvethānēnāuauwu, nau vahee hāvēvēnēhā. <sup>16</sup> Nau hānānāsa Nazareth, nēedaunāuūchauhāde: nau dajāunēe nēsēdaude hāeyehau vēvethānēnāuauwu vadānēsee, nau hāethēaugu dasauhāudāuau wauthaunāu. <sup>17</sup> Nau hāevanau hēwauthaunāhanēne hāyāhew Esāias. Nau hāēgaunānāu wauthaunāu, hāevēde hadauwauthaunāhūnēe, <sup>18</sup> Vahādāde Hēdauwauthauwu nānādēdaunānau, hanau hēdhēdāsānānau jāvada hadnauthēdaunu hēthānēe waunāyāunēe hadāvenuhēthēe: hānējēvāde haudnēnāyāu nau dauwuthājāuthēe, hadnauthēdanau haudjāejēnāthēe wāuauānāu, nau hadnējanāuhauthāthēe nānānāugūthēe, haud-jāejēnāthēe\* hāsēnēthāunāu, <sup>19</sup> Haudnauthēdaudāuau hēthāde jānāunāu jāje Vahādāde. <sup>20</sup> Nau hāeāuāuvānē wauthaunāu nau hāejāevānē vēvethāhēhew, nau hānāējanāugūde. Nau vāsē vahee hathānēdauthēe vēvethānēnāuauwu hānāūhāuvānāu. <sup>21</sup> Nau hānāējāsēsēnēhēthāde, nuu dēsēnē nuu hathauthaunāhuu hēthāuvāa hānādaunēnāu. <sup>22</sup> Nau vahee hāesēgaugāudēdaunēne, nau hāegaugānādāu wauthānēe hēdanadēdaunēne hēthānēhēthāunēne. Nau gaunuu jēe heau Joseph? hāhāgaunēe, <sup>23</sup> Nau hānāēnēhēthāde, Nananē hadēthāuwunēhēsēnā nuu hēējēgāusudēe, Naudāunēhāe, nēhānāyāuhāde: hēnē nānāthādāuāunēe nānāsedāunēe Capernāum nānāhāsēdāunēe nēchau hēde nēhāyāu hāvēdāuāuūvāa. <sup>24</sup> Nau hathāhuk hēthāuwū nēhēthāthānā, Hēgau hāyāhē hēhāuwūvēchauthāu nēhāyāu hēvēdāuāuūvāa. <sup>25</sup> Nau hadauthēdaunāthāvā hēthāuwū, waunāthāthē hēnēvēsānāu nēnānēdāuthēe Isrāel, hēsēe dēnādāude Elās, hējavāa dēnāunāugāuhū nāsāu jājēe nau nēdāuāuchū hēsēe, dēvasāu hāsēnāde dēnānādēsānāu vēdāuāuū; <sup>26</sup> Nau hēhāuwunēsāhēne hējēvādāunē Elās, vāvade Sārēpta, hēdan Sidon, hēsā nānānē hēnēsā. <sup>27</sup> Nau nēwāuthāthēe nāugāugāuwūhāu nēnānēdāuthēe Isrāel dēnādāude Elēsūs hāyāhē; nau hēhāuwunēsā hēnāyāuhāde vāvade Nāman Syrian. <sup>28</sup> Nau vahee hathāēthēaugūthēe vēvethānēnāuāuū, hānēdāuāudū nuu hāyāuhāu, hāechāuchāunānēnāu hāsēnānāde, <sup>29</sup> Nau hāegāuhānāu, nau hānūnāthēgūthānāu hēdan, nau hāēhauthānāu hāuchāguu jāuādanēe hadūnēe hēdēdanēnāu nēdāunēsēhēnē nēaudnēdāuāuwūgūthāthēe hāuthēdaunānēe. <sup>30</sup> Nau hāejāevēchauthā hēthēe nāhēthāe, hāejāthāu, <sup>31</sup> Nau hānānāsa Capernāum, hēdan Ganānee, nau hāeāuthēdaunā vādānēnēe, <sup>32</sup> Nau hāegaugānādāuāunēnāu hāsēchāuthēhāde hēdanadēdaunāu, hanāu hēdanadēdaunāu hānāuthāunēnāu. <sup>33</sup> Nau vēvethānēnāuāuū hēnānē hāēnādāu hēvādāthūwū hāwāuchāhēne haujāun, nau hāevāsānāde, <sup>34</sup> Jēnēhāa; hathāhuk,

\* 4:18 There is a midline hyphen in "haud-jaejenanathee" which doesn't appear in same word earlier in the verse. There are no other midline hyphens in this text at all, and this hyphen is probably without significance.



haudduseha nananene Jesus Nazareth? gauhāejau haudnauauhāane? Haenaunathane hadāhene; Vadanauau Hejavaneauthau. <sup>35</sup> Nau Hejavaneauthausau haeneuva, dādaunauuu, hathauhuk, nau jenauchune. Nau haujau hāegauusewaude nahethāe hanaāejenauthaude nau haejaseneha. <sup>36</sup> Nau vahee haegaugauanavaa, nau haenanadethadenenu jae, nuu hayew hanadede; hathāhuk, hethauwuu nauuu haenauthenehetha haenesedauwauna wauchāhenethe haujaunau, nau hanaāejenuauhethē. <sup>37</sup> Hanaāauthedaunenede nanadee jaseese gauānee vedauauwuu, <sup>38</sup> Nau haegauhā haenauā vevethahenauauwuu, nau haejedā Simon hedauauwuu. Nau Simon henene henaunene haenaudauwauvāhene; nau haeauthewaunauthasanauau. <sup>39</sup> Nau haetheaugudauna, nau haeneude hasauwauvahede; nau haenauthaa: nau nauhauhaanee haegauhā nau haedauyauhauvanauau. <sup>40</sup> Wauhā hesese hāenaesade vahee hathāenethenauthēe hasauwauvahehehau hanasejaechauwauvāhenethe haenauchaudaunau; nau haedajevasana nau haenayauha. <sup>41</sup> Nau haujaunauau nauuu haevanausanaunau haewauthanaunau, haeneānadenauau, nau haenehenauau, Nananene Chris Heau Hejavaneauthau. Nau haeneneuva haejechuwauanadeha: dauhaenauwunethe dau Chris denede. <sup>42</sup> Nau hāesenenee, hanaāejathāaude hesēe hadaunechaudanee, nau henanedanau haenaudehaa, nau haedasaa, nau haedauduua, haudjenauthaude. <sup>43</sup> Nau hanaāēdauwunaude, haudnauthedaudauwau najanede Hejavaneauthau gauhuhunee hedanau nauuu: haugauaasejejenananau. <sup>44</sup> Nau haeautheda vevethahenauauwuu Gananee.

## 5

<sup>1</sup> Nau hethauwuu, henanedanede haeneenavadaunedaunedaunee hedanadedanene Hejavaneauthu, haetheaugu sasethauwu neajee Gennesaret, <sup>2</sup> Nau haenauhaude hanesanenee thewaunau haetheaugunenau sasethauwu neajee: hau naunauyahehauau haeyauhaudesanauau, nau haenahesadenauau henauyaundenenau. <sup>3</sup> Nau haejedā jasia hethewaunene, Simon, nau haenehetha hadwauauwuhudede vanehaa hehethēe vachuwauauwuu vedauauwuu. Nau haejanaugu, nau haechauhauthēa henanedanau hehethēe thewaunaa. <sup>4</sup> Wauhā hāevadauthedade, hanaāenehethaude Simon, wauauwuhude hadaudavee, nau henaunau haunauyaude hadjathāne. <sup>5</sup> Nau Simon hanaāauchuhananadethaude, Hechauhauthethāhe, naunaugaunenesethānauau, nau nāhauwuthauujathāva: hau hegaugauunau hadnaenauwuaundenau nauyaude haugau hasenehene. <sup>6</sup> Nau hāesedauthēe nuu haewauthanenau hejathaunenau, nau haethauwunauaune henauyaundenenau. <sup>7</sup> Nau haeadethanauau henedaehahenau danachaugunethe jasia thewaunaa, haudjaunethe, nau haudnedāhevāthee. Nau haenauusanenau, nau haechauchaunaudenauau hanesanenee thewaunau hanaāenauwuu. <sup>8</sup> Hāenauhaudauu Simon Peda, haechauāgujanagu hejadedānenene Hejavaneauthausau, nauhu, hathāhuk; haugauhauhaugenenu, Hau Vahadāhene. <sup>9</sup> Haejenaunethajau, nau vahee hethāenethaunādaunau daunauanauthēe nauwu hejathaunenau. <sup>10</sup> Nau nauuu James, nau Jaun, heauhau Zebedee, henedaehauhau Simon. Nau Hejavaneauthausau hanaāēdauwunaude Simon, Jevanāthajau, hewaunehaa hee nananene haudnesedanaude henanenauau. <sup>11</sup> Nau hāenauuchaude-thee hethewaunenau vedauauwuu, hanaāenauuu vahee, nau hanaāenethauguhauthēe. <sup>12</sup> Nau hethauwuu, hāenedade jasia hedan, naune henene haechauchaunade naunaujaunee haugauwude; hāenauhauwaude Hejavaneauthausau haeuāneseve, nau haeauthēava, Vahadāhene, vathehānenagu hadeneeyaudanene hathauhuk. <sup>13</sup> Nau haeyethauha, nau haevasana, vanatthēhānu: heyaudāhe, hathaukuk. Nau nauhauhaanee naunaujaunee haugauwude haenauthaa. <sup>14</sup> Nau haenesedauwaunā haudjādauwunaunith henanedane: hau najesa hadnauhauthēhau hadanayau vevethahevāhe, nau hadvā dauhenayauhane, Mosase neesedaunede, haudneāenu. <sup>15</sup> Hau haeneenauthededaunene neānee: nau havathee haewautha henanedanede haeuānauuchaunede daujewaunejaathededaunee, nau haudnenayauhāthee hedaunauwauvāhedaunenau. <sup>16</sup> Nau haejathāau hesēe nauaunee, nau haevevetha. <sup>17</sup> Nau hethauwuu jasia hesēe, hajesechauhauthethāde, Nesethajauhuhauau nau hechauhaudauwuhuhauau nanavaavede haetheaugunauau hejava, haejeehedesanauau hadauchāe hauwauhauauwudan Gananee, nau Judea, nau Dādaunedan: nau naunaudāde Vahadāde haetheaugu hadnenayauhaude. <sup>18</sup> Nau, naune, henanenauau haenauchauhanauau henanene hee hedauwune haesevāhene nau haenayāthējedananauau, nau hadjenanauwunauthēe hathājenith, <sup>19</sup> Nau hāejevedethee haudnethējedanauthēe hanau dauwauthaa henanedanede, hanaāenauuuhusathee dasee hauauwuu, nau haejanauhaujānanauau, hehethēe dasee hejavaa hauauwuu nauuu hedauwune nahethāe hathājenith Hejavaneauthausau. <sup>20</sup> Nau hāenauhaudauwunith hedethauwuthajaudenenau, hanaāēdauwunaude, Henane, hauwauchudaude gaunudanauwunane. <sup>21</sup> Nau wauthanauhāhehauau Nau Nesethajauhuhauau hanaāejasesegaugauuthajauthēe, Hanaa naa hananadede nehedaunede Hejavaneauthu? hathāhuk. Hanaa haudgudanaunau wauchudaude, vavade Hejavaneauthau, naanesāde? <sup>22</sup> Hau hāenauwunith Hejavaneauthausau hegaugauuthajaudenenau,

Haudusethajauva hadahenauau? hathāhaugaanee, <sup>23</sup> Hayew gauchauaa, nehehāgu, Hauwauchudaude gaunudanauwunana; nau wauāthe gauhā nau javesa heheagu? <sup>24</sup> Hau hadaenauwu henee Heau henane naunaudādē dasee hathāauauvadee negudanauau wauchudaude, (naasenehethauhaugu neasauwauvahedauwunith hesevahede) Hædauwunathane, Gauhā, nau hedanau haudda nau najesa nananene haudaauwuu. <sup>25</sup> Nau nauhauhaanee haethauwauthe hathāajenethe nau haedane heaugusenadenau nau hanaāejathāaude hedauauwuu haevaveenethedauna Hejavaneauthu. <sup>26</sup> Nau vahee haegaugauuthajaudene nau haevaveenethedaunanauau Hejavaneauthu, nau haeechauchau-  
 naudenauau nāthajaude, Naunaudauhauthānauau nuu desene, hāheagu. <sup>27</sup> Nau hāevathedaude haejathāau nau haenauhauva hauāyāhe Levi hanaaseenith, haetheaugune nedauudanauau hauāyau-  
 nau, nau jethauguhu hathauhuk. <sup>28</sup> Nau haevanathā, haegauhā, nau haethauguha. <sup>29</sup> Nau Levi haevasevethheha nehayau hedauauwuu, nau haewauthanauau hauāyāhehauau nau hauthauau  
 haenedauguvā. <sup>30</sup> Hau wauthaunauhāhehau nau Nesethajauhuhauau haeanevā hethauguhādaunau, nau  
 nau haenethevethewauana nau haenedaveyāwauana hauāyāhehauau nau wauchudauhuhauau,  
 hathāhaugaanee? <sup>31</sup> Nau Hejavaneauthusaun hanaāauchuhananadethāthee, hathāedāenaedethee  
 hehauwuvathēhā naudaunehāhew; hau hathāasauwauvathethee. <sup>32</sup> Nāhauwujenauusa haudnede-  
 theu hethahethee hau wauchudauhuhauau hadnaugaudanenee hegaugauuthajaudenenau. <sup>33</sup> Nau  
 hathāhuk nau hethauguhādaunau Jaun denaauanenaugauyānehe, nau devevethahethee, nau  
 naasedauthee hethauguhādaunenau Nesethajauhuhauau; hau hanethenaunauau havethehethēe nau  
 havaveyāthee? <sup>34</sup> Nau hathāhaugaanee, Gauhājeneenesehauva dāeyaunauauau nedauenenedaunee  
 hauauwuu naugauyaude hajesanedaunaunāthee waunenenehew? <sup>35</sup> Hau hese haudnauauchuu, haud-  
 needanauwunana waunenenehe, nau hee hadnaāenaugauyāthee hena hese. <sup>36</sup> Nau hanaāanade-  
 thaude jea jegausauhānee; Henane hehauwu jenane waunauyaunee neauthayew hadaughauthāunee,  
 hith hesedaauhuk, nau hadauwayuaunee needaudenauuu, nau jasia needanee hadau wayuaunee  
 hehauwuneauchauna gauthāyaunee. <sup>37</sup> Nau hegau henane hehauwujenane waunauyaunee vaseve-  
 nenaje gauthānēnevajaunaa; nau wauāthe wayuaugu vasevenenaje haddaudeauau nevajauau, nau  
 hadgusenauauau, nau nevajauau haddenanauuu. <sup>38</sup> Hau waunauyaunee vasevenenaje hadedaunee  
 hadauwayuaunee nevajau, nau nanesaouthadee. <sup>39</sup> Nau hegau henane hesevanaagu gauthānevaseve-  
 naje nauhauhaunee haevathēhaa waunauyaunee; hanau gauthāyauau hethadee, hathauhuk.

## 6

<sup>1</sup> Nau hethauwuu naneseauwauau vadanesee, haehedesa jenaunaa; nau hethauguhādaunau  
 haegaugauunauwu wauchuunethauuhanau, nau haevethenauau, haegauneegudenauau hejadene-  
 nau. <sup>2</sup> Nau hauthauauau Nesethajauhuhau, Naudu hanesedauna wujaa nanavanau nesedaude  
 vadanesee hathauhaugaanee? <sup>3</sup> Nau Hejavaneauthusaun hanaāauchuhananadethaude, Gauhā-  
 jethaunauhaude nuu hasauau David neesedaude, nehayau deasenade, nau neethāenethaunāde.  
<sup>4</sup> Neesejedāde Hejavaneauthu hedauauwunene, nau needanauau nau nevethēe nauhauthethājauaujau,  
 nau haevana heethāenethaunauau; wujaa nanavanau veyāgu hau jasia vevethahevahehauau?  
<sup>5</sup> Nau hanaāāedaunawunāthee, Heau henane nanethadāde vadanesee. <sup>6</sup> Nau hethauwuu jea jasia  
 vadanesee haejedā vevethahenauauwuu nau haeautheda: nau henane haenedau hejavesē he-  
 jadenaa haesevane, <sup>7</sup> Nau wauthaunauhāhehau nau Nesethajauhuhau haeauauyauhauvaa, wauau  
 haadenenayauthā vadanesee; hadnejauaudaunauthee dauhanājauwauaunauthee. <sup>8</sup> Hau haeauauwu  
 hegaugauuthajaudenenau nau hanaāanadethaude henanene hesevenasanith, Gauhā nau yethaagu  
 nahethāe. Nau haegauhā nau haeyethaagu. <sup>9</sup> Hejavaneauthusaun hanaāāedaunawunaude, haudnaudedau-  
 nathana nananena hanesadee; Gaujenanavanau vadanesee hethadāgu hasedaunee, nau wauāthe  
 wauchudaunee? henayauhāgu henaedede, nau wauāthe nanaunehāgu? <sup>10</sup> Nau hanaāāenau-  
 nauānede vahee, hanaāāedaunawunaude henanene, Segauha hajade. Nau hanaasedaude: nau hejade  
 haenayauhune jasia hasaunee. <sup>11</sup> Nau haeechauchauaudenauau hasanaunade: nau hanaāau-  
 nauwuhadethee daun haudnesehauthee Hejavaneauthusaun. <sup>12</sup> Hethauwuu hena hese, haehau  
 hauanee haudnevevethahede, nau haunade naugaunee haevethethedauna Hejavaneauthu. <sup>13</sup> Nau  
 hāesenee, hanaāadethaude hethauguhādaunau; nau haedana vadadauchunesene, hanaāeneseaude  
 vadauhanauau. <sup>14</sup> Simoneau (jea haeaugauthea Peda haseauhuk), nau Andwheau henauhauwauau,  
 James nau Jaun, Thenib, nau Bathaunaumew, <sup>15</sup> Matthew, nau Taumis, James heau Atheas, nau  
 Simon Zenautes haseadagu, <sup>16</sup> Nau Judas James henauhauwauau, nau Judas Iskariot,\* hanane  
 jea neheaudaunade Hejavaneauthusaun. <sup>17</sup> Nau haejenaunethauna nau haetheaugunauau het-  
 hauauwuu, nau hadauchunanenethe hethauguhādaunau, nau haevasenauthenanedau henanedanede

\* 6:16 "Iskariot" is spelt with a "k" here but in 22:3 with a "c". Biblical names in this text generally but not always follow the spelling of the King James Version (KJV).

hehethee vahee Judea nau Dādaunedan, nau hehethee sasethauwu hadajee Tyre nau Sidon het-hāejenuujaathehādaunau, nau haudnenayauhāthee hedaſauwauvahaedaunenau; <sup>18</sup> Nau hathāenau-nauthauwauvahethee wauchāhenethe haujaunau: nau haeenayauhaunauau, <sup>19</sup> Nau haunauude hadaucha haevadauvasanau hanau daunudesanaanee hevadaude nau haevahenayauha. <sup>20</sup> Nau hanaānānuhauwaude hethauguhādaunau, Hauwunaunana nananena hadavenuhunena; hanau nananena najanede Hejavaneauthau, hathauhuk. <sup>21</sup> Hauwunaunana nananena hathāasenana hewaunehaa: hanau nananena hadnegaudana. Hauwunaunana nananena hathāevewauhuna hewaunehaa, hanau nananena hadnauchaunena. <sup>22</sup> Hauwunaunana nananena, henaneda hasānavānā, nau jaasauaunānā, nau naunaunauthevānā, nau hausāgudenauthē hanesedaunenau hadauwauſaunee, haugau Henane Heāhene heee. <sup>23</sup> Haunauwuthajauau henee heseē heee, nau jajanauauau heee haunauwuthajaude: hanau, naune, hanavanasauau hadaugauthēavadenenau hejavia: hanau naneesedaugaunee heneſaunaunenau naneesehauhaugaunee haeyāhehau. <sup>24</sup> Hau naunauthauau hadnauauchaudaune hathāevēaunauaune; haugau hanesedanauwuna hauwauthenaedede. <sup>25</sup> Naunauthauau hadnauauchaudauna hathāegaudana; haudnasenana. Naunauthauau hadnauauchaudauna hathāauchaunena hewaunehaa, hadnauadauwuthajaua nau hadvewauhuna. <sup>26</sup> Naunauthauau hadnauauchaudauna, daunhāene vahee henaneda hāethadenee hasenehethānā, hanau heneſaunaunenau naneesehauyaugaunee jayaudauwaeyāhehau. <sup>27</sup> Hau hadāedaunwunathava nananena hathāenedauvana, Vechauthaa nananena haujauthavenau, heneehaa hasānavādaunenau, <sup>28</sup> Hauwunaunaa hāwauwauchuvādaunenau, nau hevevethasaa hāwauwauchuhādaunenau nananena. <sup>29</sup> Nau henee haudauuvāde hajāeaunaa nau nauautha venene; nau hedanaugaunee nananene haudu jevaedanau jea nauauguvechude jevaethaa. <sup>30</sup> Hevenaa daun henaneda hānedauwunādaunenau nananene; nau jeva jaenedauwunaa hedanaunwunānagu daun hanetheyaunenau. <sup>31</sup> Daun hasevathehānāne henaneda hesehēnenagu, nechau jenaſehaude. <sup>32</sup> Hith nananena vechauthaunagu daun havechauthādaunenau nananena, haddusevaveeneva nananena? haugau wauwauchudauhuhauau nechau nevechauthauthee het-hāvechauthādaunenau. <sup>33</sup> Nau hith nananena hethadāgu hasehaunā daun hāneneehādaunenau, haddusevaveeneva nananena? hanau naneesedaugaunee wauwauchudauhuhauau. <sup>34</sup> Nau hith nananena hehaunagu daun hāneejaunauadaunādaunenau, haddusevaveeneva? hanau wauwauchudauhuhauau nechau neehauhaugaunee wauwauchudauhuhau, hadnejanaesedanuu. <sup>35</sup> Hau vechauthaa nananena haujauthavenau, nau hethadeha hasadauna, nau hehānagu, jejavatthehāe; nau nananena haudaugauthēavadenenau hadvasauau, nau nananena hadnaāedēyaunenena Javaājauuthee: nau nenenehaude nethāejevaveenenethe nau hauhaugana. <sup>36</sup> Hedauwuyaunee nananena, nananena Hāsaunaunenau jea hasedaunwuyauunde. <sup>37</sup> Jevaauhuuu, nau nananene hadnaajauhuwuhane: nau jevaduguthāe nau nananena hadnehaunwuduguhuva: hejaegudanaunwuyāe nau hadnejaegudanaunwunane nananene. <sup>38</sup> Vāe, nau hadnevenana nananena, vasesethajauauthāe, dāayāe, nau dāesathāe, nau haunauwauauthāe, hauchauva, henane hadvenāna. Nechau hadnaasethajauadaunāna hasethajauauthānā hadnanesethajauadaunana. <sup>39</sup> Nau hanaānadethaude haejeje-gausuhu, Gaunanenauguhu jenenauājetha nanenauguhu? Gauhaudjenesauujanenesenauau gauhanana? <sup>40</sup> Thauguthāe hehauwujavāhe hechauhauthēhādaune: hau haunauude hanesāde daun haunau-udaunāde hathāhenith hechauhauthēhādaune. <sup>41</sup> Nau nauu hanauhaudauwu nananene hahavaa hejaheede hesesāe, hau haājevesehau havadauhaude hathāsewau hasesāe? <sup>42</sup> Wauāthe hauddusenethau nananene hahavaa, Jāedaā, hadaugauhauwunathe hajaheede hasesāe, hau daujenauhauwaude havadauhaude hathāsewau nehayau hasesāe? Nananene jayaudauwunaedehe, nedauau haugauhune havadauhaude hathāsewau nehayau hasesāe, nau hadenaāeneauvane hadenaāeneaugauhauwu jaheede hethāsathau hahavaa hesesāe. <sup>43</sup> Hanau hauhaude hethahagu hehauwuseaude wauſaunee vevenaunenau; nau wauāthe wauchahagu hauhaude hehauwuseaude hethadenee vevenaunenau. <sup>44</sup> Hanau hadauchaude hauhaude neaenaunede hanasaunee hevevenaunenau. Hanau hauchahevesee henanenauau hehauwunaadauhauānuu hauyauchuwunau nau dauchuwusee hehauwunaadaugaunee dadajevenau. <sup>45</sup> Henane hethāde hehethee hethadenee heda nenauchaude hethadenee; hau wauchāhede henane wauſaunee heda nenauchaude wauſaunee: hanau waunauthaa hehethee hedahaa hede nanadaunee. <sup>46</sup> Nau nauu, Vahadāhene, Vahadāhene, haesena, nau nejesedauna hayauhuhau hasenehethathana? <sup>47</sup> Daun nādasāde nau nedauānagu hasenehenaunauu, nau hesedaunhuk, haudnauhauthēhathana haudnethāde: <sup>48</sup> Henanene henee nenesedenethe hauauwu naathāde, nau henee nejayauchauhuu, nau nanejeenanauau hauauwu dasee haunauagāe: nau nauunauuu naje neje naunauthuu jaathāsāe henee hauauwu, nau hehauwunauauvathāau: hanau daunāuda haunauagāe. <sup>49</sup> Hau jaathedehe, nau janenaesedaute, naathāde henanenau henee nedasaunvānethē vedauwuu; nau neje jaathāsāe naunauthuu, nau nauhaunee naunenauauu; nau thauwusāe henee hauauwu nevasauu.

## 7

<sup>1</sup> Wauhā hāevathanadede vahee hanasenehede daujajaathehade henanedanede, haejedā Caper-naum. <sup>2</sup> Nau jasaa vanenenaja hewauwaune haevechautha haeaugauwune, nau haeyānajane. <sup>3</sup> Nau hāenedauwauthaude Hejavaneauthusaun, haeautheava vachaugananenau Jews, haeadetha hadjaunith nau hadnenayauhauhith hewauwaune. <sup>4</sup> Nau hāedauchauthee Hejavaneauthusaun, haeautheauwaunauthasanauau haugaunaanee, hanau hethāde naa henane naa haudneenesedaude, hathauhaugaanee: <sup>5</sup> Hanau vechaudauau nadedanenau, nau nenesedaunānauau vevethahenauauwuu. <sup>6</sup> Heee Hejavaneauthusaun hanaāejasesenethaunāde. Nau hāeauchauau hauauwu, vanenenaja haeja-jedauaunanenau henedaehauhau, Vahadāhene, jevawauchuthajau Nananene: haugau wauchāhenau hadjedāne naudauauwuu, hathauhuk: <sup>7</sup> Nanaa nāejewauchanavadede dauudasathane: hau vavade nehedau hanadede, nau naudautheau hadeenanedanede. <sup>8</sup> Hanau nananenau nanethenanenau nau-naudāhenau, nanethenu vanenanenauau, nau naāēdauwunauau hanesāde yehau nau naāejathāude; nau jasaa, Nahāje, hathauau nau jaunaude; nau naudautheau, Nesede, hathauau, nau nanesedaude. <sup>9</sup> Hejavaneauthusaun hāenedauwaudauau nuu hayauhuhau, haegaugauanava, nau haenauthegauthaagu, nau hanaāēdauwunaude henenedanau hethāethauguhādaunau, Hadāedauwunathava, Hau-nauu nāhauwueehau vasee hethauwuthajuhu (naa hathāde henane), hegau, hehauwu haduu Israel. <sup>10</sup> Nau henee hathāautheavathee, hāejaenuusathee hauauwuu, haeveehanauau wauwaune haenanedanene henee neasauwuvāhenith. <sup>11</sup> Nau hethauwuu jasaa hesee, hanaāehaude hedan Nain hasenauyāgu; nau haewauthanenau hethauguhādaunau henethaunādaunau, nau hauwuhuu henanedanede. <sup>12</sup> Wauhā hāayānauusade hejavāaa dajanaunaa hedan, naune, naa najaa henane naunudanade, jasāsau henaune, nau haenevesānene: nau haewauthane henanedanede hehethee hedan haenethaunaa. <sup>13</sup> Nau hāenauhauwaude Vahadāde haeauwunauna, Najenaudāve, hathauhuk. <sup>14</sup> Nau haedasa nau haevasane nauaunechauthau: nau hethāenauaunechauhādaunau haedādayaugunenau. Haunaua, hāedauwunathane, Thauwauthe, hathauhuk. <sup>15</sup> Nau henee nenajaa haethauwau-daugu, nau haenaāejasesanadede, nau hanaāevenaude henaunene. <sup>16</sup> Nau nāthajauude haedasā vahee: nau haevaveenethedaunanauau Hejavaneauthu, Havathee haeyāhe hanejauude hadedanene; nau, Hejavaneauthau haenauujādauna henesaunau, hahagaunee. <sup>17</sup> Nau nuu dauauthedananede haenanadesanaune vahee Judea, nau nanadee gauānee vedauauwuu. <sup>18</sup> Nau hethauguhādaunau Jaun haeauthedaunaa vahee nuu hayauhuhau. <sup>19</sup> Nau Jaun haeadetha hanesenethe hethauguhādaunau haeyethautheava Hejavaneauthusaun, Gauhanane henee waudaudjaude? nau wauāthe gauhad-naudenauhauwau jasaa? <sup>20</sup> Hāedauchauthee henanenauau, Jaun Dusaayāhe janādauthēavānauau Nananene, hathauhaugaanee, hanaāenedaunauthee, Gauhanane henee waudaudjaude? nau wauāthe gauhadnaudenauhauwau jasaa. <sup>21</sup> Nau vavade hāauchauau haenayauha haewauthanenau vavāvāuhuhau nau havathee haugauwude, nau wauchāhenith haujaun; nau haewauthanenau nanauguhuhau haevena nauhauthau. <sup>22</sup> Hejavaneauthusaun hanaāēdauwunāthee, Najajathāauau, nau hadāedauwunauva Jaun hathāhaugaanee, hayewhu hanathauhauthāna nau hathadauvana; hase-jaenauhauthāde nanenauguhu, jeneejavesāhe daujavesade, naunaujaunee hedaugauwudaunenau dauuyaudahethee, hayājadhāhe daunedauvade, gaujauaudahehe daujaethauwauthede, hadavenuhu hethadenee waunauyaunee dauauthedaunade. <sup>23</sup> Nau hauwunaunade daun najewauchuthajau-daunāde. <sup>24</sup> Nau hāejathāaunethe Jaun hedauthaunau, hanaāejasesanadedauau henanedanede hasenaedenethe Jauneau, Hayew nananena haewaunenauhauthaunenau nauaunee? gaugauguyāse daunauuvasee? <sup>25</sup> Hau hayew nananena hāewaunenauhauthaunenau? Gauhenane hedāchaunau hejajehaunenau hedāchaunau? Naune, nethāeneenuhthee, nau neneenaedethee thanāsee ne-nauchuwunethe hedauwunenenau. <sup>26</sup> Hau hayew hāewaunenauhauthaunenau? Gauhaeyāhe? Haa, hadāedauwunathava nananena, nau javāsee haeyāhehau. <sup>27</sup> Naa nananene, wauthaunee-see, Naune, hadjejenanauau Naudautheau hathaaguna, hadnesedaunāna hauvaunenau sayānee Nananena. <sup>28</sup> Hanau nāedauwunathana, hadedanenau nethāenesaunevāna hesānauau behauwu-javāsee haeyāhe hathāde Jaun Dusaayāhe: hau hena haugajehede hanedauhuk henajandedaunene Hejavaneauthu javāhehuk. <sup>29</sup> Nau vahee henanedanede hathāenedaunāde, nau hauyāyehauau, hanaāechuwauthethajaudaunauthee Hejavaneauthu, haenethedusaanā dusaayāhew Jauneau. <sup>30</sup> Hau Nesethajauhuhauau nau nanavaavehau yesee nehayau haeausagudenauau hevathēhādaunene Hejavaneauthu, haejenethedusaanā (Jauneau). <sup>31</sup> Nau Vahadāde hahagu, Hayew naudneedajene-hethau henanedanede nuu henaedede? nau haethahenauthē? <sup>32</sup> Waude dāeyaunauauau hatha-hethee theaugunauthe haudaunanauwuu, nau danadethadethee, nau nanāhethēe, Nevadaunana, hau nananena nejevadana; naudauwuthajaudauwunana nananena, hau nejevewauhuna. <sup>33</sup> Hanau denausade Jaun Dusaayāhe dejevethēe jauaujaunau nau dejevānaa vasevenaje; nau nananena nanethenaude haujaun, nethauna. <sup>34</sup> Heau henane daunauusade dauvethede nau dau-vanaa; Nauhauvaa naa henane naudaudāhe, nau vasevenenajevanehe, henedaehauhau hauyāyeh-

hau nau wauwauchudauhuhau, nethauna. <sup>35</sup> Hau haeyaude chaunuwuthajaudaunaude vahee hedäeyaunewau. <sup>36</sup> Nau hanesäde Nesethajuhu haeadetha haudjewaunenethevetheheväde, nau haeyehau haejedä Nesethajauhu hedauauwunene, nau haejanaugu hadvethede. <sup>37</sup> Nau, naune, hesä hedan, haeauaugane, häenaunaude Hejavaneauthusanau daujanaugunith hadvethenith Nesethajauhu hedauauwunene, haejächaude jaävasaa chauayau, <sup>38</sup> Nau haetheaugu hegawuwune heauthene haewewau, nau hanaäejasesahesadede heauthene heee hedejee nau haehaehenauwu heee henethaanene, nau haenedane heauthene, nau haechauane heee chauayau. <sup>39</sup> Wauhā Nesethajuhu hädethaude häenauhauwaude, haejaevenanadethade, Naa Henane, haeyäheyaugu, hanaenaunaude daunhadähenith nau daunhathähenith nuu hesäne hevasanādaune: hanau wauwauchuduhu, hahagu. <sup>40</sup> Nau Hejavaneauthusanau hanaäedauwunaude, Simon, haudnäedauwunathane nananene. Nau hanaäenehethaude, Hechauhauthethähe, nanehe. <sup>41</sup> Hena jasaa sayänedanauwuyau haenesene-nau hesayänedanauwunādaunau: hanesähenith yauthaunevadadausauau väejethā, nau jasaa yauthauyauau. <sup>42</sup> Nau häeyauhuunee haunaudauhudaunene, haenaneauthaunegudanauwuna nesauuu Jeäedauwune, hanaane hevechauthädaune javaänee? <sup>43</sup> Simon hanaäejäedauwunaude, Nauchäe nananenith heneehevajaägudanauwunaune. Nau hanaäedauwunaude, Nananene neaenauwu. <sup>44</sup> Nau hanaäeyethaagude hesäne, nau hanaäedauwunaude Simoneau, Gauhaunauhauwau nananene naa hesä? Nananenau nejedänau haudauauwu, nananene häehauwuvene naje heee nauaudau: hau neheahesadede nauaudau heee hedejee, nau neheahenauau henethaa. <sup>45</sup> Nananene häehauwunedane hau naa hesä häenauusanaunauau hehauwuthauujenedane nauaudau. <sup>46</sup> Nauauguhua nauguu javeda nananene hajechauusänene hau naa hesä nechauanauau nauaudau heee chauayau. <sup>47</sup> Naa häedauwunathane nananene hewauchudaudenau waunauthanee gaunudanauwunade; hanau dauvechauthäde javaänee hau daun vanehaa gaunudanauwunade vavade hasevchauthäde vanehaa. <sup>48</sup> Nau hanaäedauwunaude hesäne, nananene hauwauchudaudenau jaegudanauwunane. <sup>49</sup> Nau hethäenedauguvādaunau dauvethethee hanaäejasesanadethee hegaugauuthajaudenenauau hanaa naa negudanaunau wauchudaudenau jea? <sup>50</sup> Nau hanaäedauwunaude hesäne, Nananene hadethauwaudaude henayauhāne nananene; najesa hadnauwauthenesane.

## 8

<sup>1</sup> Nau hethauwu waunee haejathāau nanadee hadauchanene hedan nau hajaseehedan, dauau-nauthedade nau daunaunauhauthethäde neethajaude waunauyaunee hasaunee henajanedaunene Hejavaneauthu: nau vadadauchunesene haenethaunaa, <sup>2</sup> Nau jasaa hesānauau, haenayauhau dewauchähenethe haujaunau nau vavavāuhuhauau, Mare haseadagu Magdalene, naunudanavathe nesaudauchu wauchähenethe haujaunau, <sup>3</sup> Nau Joanna henene Chuza Herod hadähevāhe, nau Susanna, nau haewauthanauau hauthauauau, hevenādaunau hethäenetheyaunenau. <sup>4</sup> Nau häeneawauthaa henedanede dauauāchadunee, nau haedasaa hehethene nanadee hedane, hanaäenadede jegausauhānee: <sup>5</sup> Jenayähe haewauneneägude hejenayaunau: hauthauau haejajanesanau vau-naa; nau haeauguhudaunene, nau neahehauau hejavaa haeadauvanauau. <sup>6</sup> Nau hauthauau haedasegaugausanau hauunagäe; nau chauchauu häevesuu, haenadadanau, hanau daujenajene. <sup>7</sup> Nau hauthauau haejajanesanau hegauau dauchuuwusee; nau dauchuuwuse haenauguveseanau, nau haeejedananā. <sup>8</sup> Nau hauthauau haegaugausanau dasee hadauuthadee vedauauwu, nau haeveseanau, nau haeneeanau vadadausauau jenayaude. Nau häenehedauu nuu hayauhuhau, haevasenehe, Daun henaudaununede, nanehanedauvade. <sup>9</sup> Nau hethauguhādaunau haenaudedanaa, duthanau nuu jegausudede, hathähuk? <sup>10</sup> Nau hahagu, Nananena vanenana haudnaenauwuna jaeyanau henjanede Hejavaneauthu: hau hauthauauau janegausauhuthee; hadnenauhauthäthee havajenauhadauwu, nedauvahetauau havajenauwu. <sup>11</sup> Wauhā, heyew hasauau jegausudede: Jenayaunau hedenehede Hejavaneauthu. <sup>12</sup> Henee vaunaa nanathee nenedauvathee; hanaäe-nausade haujau, nau nedanauwunāthee hanadede hadahenauau, naseduhuu hethauwuthajauau, nau hadenanedanena. <sup>13</sup> Henee hauunagäe nanathee, nandedauvanauthe neseedanuu hanadedau-nau nauguu haunauwuthajaude; nau nuu hehauwuthäjenenauau, vanehaa nethauwauduu, nau nauauchaudaunauthe vasehadede naneenaunegauhuthee. <sup>14</sup> Nau henee nejajanesäe thauhauthauchauyauau dauchuuwusee nanathee, hanesenedauvanauthe, naneejathäuthee, nau neenede-jethathee heee haunaunethaude nau nethauyādahede nau haunauwudaude, heee nuu henaedede, nau hehauwunauuchaudenauau vevenaundenau hadauyauthaunee. <sup>15</sup> Hau henee hadauuthadenee vedauauwu nanathee, hethauvahethee nau hethadenee hadahenau nenedauwauduu hanadedanau, naunaunedethee, nau nenauchaudethee vevenaundenau heee jenuawauaunee. <sup>16</sup> Hegau henane, häesedeauchauuu nauauuthayau, hehauwaugu heee vasenau, nau wauäthe hehauwujenane thānee hauvaa; hau nethānauau nauauuthayau neetheaugunee daun janedäde hadenauhauadauau nauau-uthayägu. <sup>17</sup> Hayewhu hehauwuyauthesa, haudjauthasenesehée; wauäthe hayewhu hehauwuyau

hadjaenaanee nau hadnejaunauau hauthasauau. <sup>18</sup> Haunauyauhaudauwuu hanathadauvanā: daun nanethenaude, nananede haudnevenade; nau daunjanenethenaude, nananede haudnedanauwunade daun henethayaunau. <sup>19</sup> Hanaāedasāde henaune nau henethesaunau, nau haejeneedasaa hee dauneethenedaamenee. <sup>20</sup> Nau haeāedauwunaa jachau hathāhuk, Hānu nau hāthesaunauau theauguthee jathee, vanadaunauhauvānane. <sup>21</sup> Nau hanaāachuhananade nau hanaāedauwunaude, Nānu nau nāthesaunauau nuu nanathee nanedauwauuu hedanadedauunene Hejavaneauthu, nau naasedauthee. <sup>22</sup> Wauhā hethauwuu jasaa hesee, haejedā thewaunaa nauguu hethauguhādaunau: nau hanaāedauwunaude, hadeyaunau hauchaunau neajee: nau hanaāejathethuauthee. <sup>23</sup> Hau hajechuauthee haenagau: nau hanaāenauasaa neajee haenaudasa; nau haeechauchaunane naje, nau haenedaudauwugaujauadahe. <sup>24</sup> Nau hanaāedauchauthee, nau haeauwaudanaunau, Hechauhauthethāhe, Hechauhauthethāe,\* gaujauadāhenauau, hauthauhaugaanee Hanaāethauwauthe, nau hanaāeneudauau hasāse nau dasaunanaanee naje: nau hanaāedaunauuu, nau hanaāedādayauau. <sup>25</sup> Nau hanaāenehethaude, daude hadethauwaudadenenu? Nau haenāthajauunauau haejenaunethajauunauau, Dauhuthenane naa, hanathadagaunee; haauchuwudede hasāse nau naje, nau hanaāethauwaudanāde. <sup>26</sup> Nau hanaāenuusathee vedauauwuu Gadarenes, hauchaunau Gananee. <sup>27</sup> Nau hāeyehaude vedauauwuu, hena haenuchaunaa jathee hedan jachau henanene, haenethena haujaun dajechauau, nau haevedauauchauna, haejenaede hauauwuu, hau nedauthānathathee gaujauadahehehau. <sup>28</sup> Hāenuhauwaude Hejavaneauthusaun haevasanade, nau haechaugujanaugudauna, nau hanaāevasanadethaude, Hauddusehathe, Hejavaneauthusaun, Nananene Heau Hejavaneauthau javaājauuthee? Nenedauwunathane Nananene jevanaunauchauthehe. <sup>29</sup> (Hanau haenesedaawauna wauchāhenith haujaun hadjenauchenith hehethēe henanene. Hanau nauaunee dauhusedaunāde: nau naunaunehade neduguhude heee vāejethāduguthaunau nau nesaunajethaunau; nau haegaugauchauagude heeduguhudaunau, nau haejathethasauaunaa haujaun hesee nauaunee.) <sup>30</sup> Nau Hejavaneauthusaun haenauwudanaunau, Haudusee? hathāhuk, Nau hanaāedauwunaude, Wau-nauthade: hanau dewauthanethe haujaunau hethāchadaunādaunau. <sup>31</sup> Nau haenedauwunanaunau hadjenesedaunathee hadjeyehauthee hethauvaa. <sup>32</sup> Nau hena haewauthanaunau neauthuwauchu nevethehethēe hauanee: nau haenedauwunanaunau hadjenanāthee wauhaunee. Nau haejenana. <sup>33</sup> Hanaāenauchethee haujaunauau hehethēe henanene, nau haewauhaunesanaunau neauthuwauchuu: nau vahee neauthuwauchu haejathegaunauau neenanee janahuu yesee neajee, nau haevanadeavenauau. <sup>34</sup> Hāene henee nauhaunauthēe daunauhauuu hasedaunenene, haedauguhunauau, nau haejathāunauau nau haeauauthedanaunau hedan nau vedauauwuu. <sup>35</sup> Hanaāeyehaunene hadnauhauwuu daun hasedaunene; nau haedauchau Hejavaneauthusaun, nau haevēehau henane, heneenenauthāde haujaunau, haetheaugu heauthene Hejavaneauthusaun, haedāchaunene, nau haechuwuthajauane: nau haenāthajaudene. <sup>36</sup> Henee nenauhauwauthee haeauthedanaunau neesenayauhade nenethenaude haujaunau. <sup>37</sup> Hadauchaa hathāauauvaa Gadarenes gauānee haejathethajenāhenauau; hanau dauusāhede: nau hanaāeyehaude nauauhuu jethee thewaunaa, nau hanaāejae-sade. <sup>38</sup> Wauhā henane nenauthāde haujaunau haenethetha hadnenethaunāde: hau Hejavaneauthusaun haejathethajenāhe, hathauhuk, <sup>39</sup> Jaeyehau haudauauwuu, nau hadnauhauthethā hathāenavasauau hayewhu Hejavaneauthau hasehāne nananene. Nau hanaāejathāude, nau haeauthedanaudee hathāunee hedan hathāenavasauunee hayewhu Hejavaneauthusaun hasehāde. <sup>40</sup> Nau hethauwuu hāejaenauasade Hejavaneauthusaun, hanedanede haeneethajaudaunaa: hanau haevadauyauhauwau. <sup>41</sup> Nau, naune, haejenauasa henane Jairus haseagu, nau hadāhevāhe vevethahenauauwuu: nau haeuāneseve Hejavaneauthusaun heauthene, nau haeadetha hadjewaunjedānith hedauauwuu: <sup>42</sup> Hanau haenesāhene hedaunau wauau hanesenee jajenevāhe, nau haeyānājane. Hau hajesesade hanedanede haevauhaunaa. <sup>43</sup> Nau hesā haevathaude nesenee jajene heee, haevathede haunauude hevāejethāwau heee naudaunehāhehau, hau haejenayauhau, <sup>44</sup> Haedasa hegauwune, nau haevasane naunauwuu heduwunee: nau chauchaunau haejenevathau. <sup>45</sup> Nau Hejavaneauthusaun hanaa navasanāde hahagu? Hāevahethedauwaudenee, Peda, nau hathāenethaunāde, Hechauhauthethāhe, hanedanede vauhaunane nau naneethenane, nau hanaa navasanāde, nesehene? hathauhaugaunee. <sup>46</sup> Nau Hejavaneauthusaun, hanaadee vasanānu, hahagu: haenauwau daujas-esenauauau vadaude hehethēe nananenau, hahagu. <sup>47</sup> Nau hāenuhauwau nāa hesā daujeyauthesee haejeyehau haehenauau, nau hanaāechauāgujanaugudaunau, haeauthedauna hauthasee vahee hanedanede hathavasanaude, nau hasenayauhāde chauchaunau. <sup>48</sup> Nau hanaāedauwunaude, Naud-dau, nanehāuwauthenaedene: nananene hadethauwuthajaude henayauhāne nananene; najesa haunauwuthajau. <sup>49</sup> Hajesanadede, hena haejau hanesāde hehethēe hadāhevahew vevethahenauauwuu, haeāedauwuna, Haudauna najaa; jevajenaunevene Hechauhauthethāhe. <sup>50</sup> Hau hāenedaunāde Heja-

\* 8:24 Possible missing "h" in "Hechauhauthethā(h)e" ("Master").

vaneauthusaun, haenaāēdauwunāde, jevanāthajau: hethauwuthajau vavade, nau haudnenayauhade, hathāhuk. <sup>51</sup> Nau hāejeedāde hauauwuu, henanedane haejevadaujedāne, vavade Peda, nau James, nau Jaun, nau henesaunaune nau henaene hesāhedāeyaune. <sup>52</sup> Nau vahee haevewauhudaune, nau haeaudauwuthajauhā: hau hanaāenehede, Jevavewauhuu; hehauwunaja, nauthe naugauhude. <sup>53</sup> Nau haeauthanaau haevachunanaau, dauenaunauthee daunajanethe. <sup>54</sup> Nau haevanudana, nau hanaāedanaude hejadenene, nau hanaānadethaude, Hesāhee, thauwauthe, hathauhuk. <sup>55</sup> Nau hevadathuwu haejaedasaa, nau haethauwauthe chauchaunu nau hanaāenehede hadnauchauvathe. <sup>56</sup> Nau henehā haegaudauwuthajauenau: hau haeēdauwuna hadjāedauvanethe henanedaa hasedaude.

## 9

<sup>1</sup> Hanaāedethaude vadadauchu nesenee hethauguhādaunau hauānee, nau haejaanauwuna nauda-hede nau hadvaheneedauthee nanadee vahee haujaunaa, nau hadnenayaudethee haugauwude. <sup>2</sup> Nau haejenana hadnauthedaudauwunethe henajanaunene Hejavaneauthu, nau hadnenayauhaunethe hasauwauvahehehau. <sup>3</sup> Nau hanaāēdauwunaude, Jevadanauwuu hayewhu heee hajavechandenau, daudause haugaudauhunau, daudause newaugusajaānauthau, daudause jauaujau, daudause vāejethā; daudause jevanesauguvechudaunaa. <sup>4</sup> Nau daun hauauwuu hadaujedānā jenaadauna, nau jenaathe-jathāuna. <sup>5</sup> Nau daun hajtthauhauvādaunenau, hāenauchenā hena hedane, hadegauijējaheva nau dauuyāgu hadnaeanauthee. <sup>6</sup> Nau hanaāejathāuthee, nau haeehedesanauau hauauwudan, haeauthedaudauwuu hethadenee waunauyaunee, nau haevahenayauthānauau nanadee. <sup>7</sup> Wauhā Herod naja haenedauva vahee hanasedaudenenee heee: nau haejaene, hanau haenaasenehedaunee gauuu, henee Jaun jaegauhāde hehethēe denajaa; <sup>8</sup> Nau gauuu, henee Elias naunauhauthethāde hedanayau: nau hauthauauau, hanesāde dajechauau haeyāhehauau jaegauhāde. <sup>9</sup> Nau Herod haenehe, Jaun nedavaāsauu: hau hanaa naa, nanedauwauthau? Nau haevadaunauhauva. <sup>10</sup> Nau vadauhanaau, hāejaenuusathee, haevauthedaunaa hanasedaunethe. Nau hanaāedanaude, nau hanaāejathāuthee hevenanee hesee hadaunechaudanee hathauau hedan Bethsaida haseāgu. <sup>11</sup> Nau henanedanede hāenuu, hanaāethauguhauthee: nau haeesedana, nau haeauthedauna hasaunee henajanaunene Hejavaneauthu, nau haenayauha hathāevadaunayauhathee. <sup>12</sup> Nau hāyānaesade, hanaāejenu-usathee nesenee, nau hanaāenehethāde, Nanehāejathāaudenee henanedanede, hadeehaudenee hauauwudan nau vedauauwuu nauanee, nau hadenethee, nau hadejasedauthee vethewau: daunechau-daa hadaunauau. <sup>13</sup> Hau, Venaa nananena hadevethehedaunee, hathauhuk. Nau hanaāēdauwu-nauthee, Hau nanethenauwunauau hehauwujavaānee hayauthaunāe jauaujaunau nau hanesethee nauwu; hanāyehaunee nau haunadaunauhuu vethewau heee vahee nuu henanedanede. <sup>14</sup> Hanau wauau haeyauthaune vasevadaudausauu henanenauau hanaadauchuthee. Nau hanaāēdauwu-naude hethauguhādaunau, Janauguhāa yauyauthauyauaugunauha. <sup>15</sup> Nau hanaasedauthee, nau haevajanauguhanaau. <sup>16</sup> Hanaāedanaau hayauthaunanenee jauaujaunau nau hanesenethe nauwu, nau hanaāejenāaugauade hejavaa, haevevethasa, nau haenaāejeanaau, nau hanaāevenaude thauguthāhehau haudjenanaunethe hathaājedaunenee henanedanede. <sup>17</sup> Nau haevethehedaune, nau haevahegaudaudene; nau haeauānenau jeyauwaunau hathāenathaudāe nesenee hanaadauchāe hanechauchaunāe nenethaudanee. <sup>18</sup> Nau hethauwuu, haenesenane, dauvevethahede, Hethau-guhādaunau haenethaunaa: nau hanaāenaudedanaude, Hanaa nenehede henaneda daunanenau? hathauhuk; <sup>19</sup> Hanaāaachuhananadethauthee, Dusaayā Jaun; hauhauthauauau nethee Elias; nau jasee nethee hanesāde dajechauau haeyāhehauau jaegauhāde. <sup>20</sup> Hanaāenehethaude, hau hanaa nenehede nananena daunanenau? Peda hanaaachuhanāedauwunaude, Chris Hejavaneauthau. <sup>21</sup> Nau haeneenadauduvā, nau haenesedaunā hadjāedauwunaunethe henanedanau henee; <sup>22</sup> Heau henane hadnasenede wauthanee heee hayewhu, nau hadnausāguthāde vachaugānanenu nau naja vevethahe-vahelhauau nau wauthaunauhāhehauau, nau hadnaade, nau hadjaegauhāsanade nasese, hanathauhuk. <sup>23</sup> Nau hanaāevahāedauwunaude, Hith henaneda jethauguhānau nanehanaunauchauthehadede, nau jeedane henaugauchu hayauwusenenee, nau najeethauguhāa. <sup>24</sup> Daun haunaugaunayaudede henedaede hadnanadede: hau daun hanadede henedaede heee nadanayau, nananede had-nenayauhadede. <sup>25</sup> Haudusedau henane, vahesedanauaugu hathāauauvadenee, nau hanahadagu, nauwauāthe hausāguthadagu? <sup>26</sup> Daun naudauthedaunāde nau nadanadedanaun, nananenth Heau Henane haudnaudauthedaunauth, hāenauusathee nehayau hadauvasāthanith, nau Henesaunaune hadauvasāthanith, nau vadaneē hautehaunauau hadauvasāthanethe. <sup>27</sup> Hau hadethauwauthedaunathava hauthauauau theauguthee hede, haudnehauwuvajadauwuu gaujauaudahede, haunau haid-nauhauuu henajanaunene Hejavaneauthu. <sup>28</sup> Nau hethauwuu wauau hanasaudauchuse hāe-senehede, Hanaāedanaude Peda nau Jauneau nau Jamesau, nau hanaāenauuhusathee hauanee hadnevevethahethee. <sup>29</sup> Nau hajesevevethahede haenausaune hedauchaveu haeanathadene,

nau hedāchaunau haenaujaunenau nau haenaunauaugausauunenau. <sup>30</sup> Nau naune haenadethaa hanesenethe henanenau, haenanenenau Mosaseau nau Eliaseau; <sup>31</sup> Daunauhauthethāde hedanayau haenausāaune, nau haeauthedaude haudgaujauaudāde hadvathechauchaunaude hehethēe Dādaunedan. <sup>32</sup> Hau Peda nau hethāenethaunādaunau haenauwaanenau: nau hāuauwadaunethe, haenauhadauwunenau henausāaude, nau hanesenethe henanenau haenethauguua. <sup>33</sup> Nau hethauwu, hāenauthāde, Peda hanaānadethaude Hejavaneauthusaun, Hechauhauthethāhe, hethadee hasanedaunee hede: nau hadenesedauna hasasē nenaunau; hanesadee Nananene, nau hanesadenee Mosese, nau hanesadenee Elias; haejaene daunhasenehede. <sup>34</sup> Hajesanadede, haejenauusanau henaunauade, nau haeduguaunā: nau haenāthajaunaunauau daujedāthee henaunauade. <sup>35</sup> Nau haejeanadedauone hehethēe henaunauade, Naa nananede Navechauthau Nāa: nedanaa, hāheagu. <sup>36</sup> Nau hāesanadedauonee, Hejavaneauthusaun haenesenane. Nau haeyaundenauau, nau haejāedauwunanauau henanedane hena hese neanāthauhaudu. <sup>37</sup> Nau hethauwu, dauauthesenene, haejejanauhathethe hehethēe jauaudanee, haegaūhenenau henanedanau hejajedauunādaunenau. <sup>38</sup> Nau, naune, henane hehethēe henanedaa haevasanade, Hechauhauthethāhe, nenedauwunathane Nananene, daugauhauwune nāa: vavadenaanesāde nadāeyauneve, hathauhuk. <sup>39</sup> Nau, naune, haujaun hedanāde, nau chauchaunu haedauyānade; nau haethauwuguthaa haevevechauchaunaude jeda, nau haeasenehaa haejechuwauthenauthaa. <sup>40</sup> Nau nananenau neauthewu hāthauguhādaunau hadnausāguthauthethe; nau nejenedauthethe. <sup>41</sup> Nau Hejavaneauthusaun hanaāauchuhanadethaude, Hau hāhauwuthauwuthajau nau daujechuwauthenaedene, haudedauhujesenedauguvathe, nau haddauhujesenethauguvathe? Jāsene nananene hāa hede. <sup>42</sup> Nau hajesejaude, haujaun haeauguthaa, nau hethauwuguthaa. Nau Hejavaneauthusaun haeneneuva wauchāhenith haujaun, nau haenayauha dāeyaunauau, nau haejaevana henesaunane. <sup>43</sup> Nau haevagaugauanadauwu hasevasenau dāhenith Hejavaneauthu, Hau hajeseagaugauanaduu haunauade vahee hayauhuhau Hejavaneauthusaun hanasedaunith, Haeāedauwuna hethauguhādaunau, <sup>44</sup> Chuwauthethe nuu hanadedau nau jedānauha haunaudaununenau; hanau heau henane hadvenavathe hejadenene henanenau. <sup>45</sup> Hau haejaenauwu nuu hasenehenith, nau haeyaudaunauau, haejaenauwu: nau haeēadaunadedau nanauau hasenehenith. <sup>46</sup> Hanaāegaugauadedauonee, hanaadee haudvasāthaa. <sup>47</sup> Nau Hejavaneauthusaun, haeenauwu hanasethajaunthee hedahenauau, haeedana dāeyaunauau, nau haeauyejanau-guna, <sup>48</sup> Nau hanaāēdauwunaude daun hanesedanaude nuu dāeyaunauau naneseedaunaa hadnesedanānu: nau daun nāsedanāde haudnesedanaude nājejenanādaune; daun javaānadavenuhunede haunauade nananena vahee nananede hadnaasevasāthaa. <sup>49</sup> Nau Jaun hanaāauchuhanāedauwunaude, Hechauhauthethāhe, neenauhauwaunauau hanesāde nenuguthaude haujaunau hee haneseede; nau needauwuwaunauau, hanau dauhujenethaunānuau. <sup>50</sup> Nau Hejavaneauthusaun hanaāēdauwunāde, Jevadauduvaa hāhauwasānavāne nanesevānuau. <sup>51</sup> Nau hethauwu, hāenauauchaunee hadneejejanauhudanāde, haechuwuyethāne hadnehaude Dādaunedan, <sup>52</sup> Nau haeauthewa sayānee: nau hanaāejathāaunethe, nau haejedāthee hajasee hauauwudan Samaritans, hadnesaanudaunāde. <sup>53</sup> Nau haejesedanaa, hanau dauyethāsade Dādaunedan. <sup>54</sup> Nau hāene hethauguhādaunau James nau Jaun daunauhadauwunethe nuu, hanaāenehenethe, Vahadāhene, gaujevadaunedaunee hese da hadjejanauhuanauau hehethēe hejava, nau hadnevadauchauthethe, neesedaude Elias? <sup>55</sup> Hau hanaāeyethādausade, nau haeneneuva, Nananena hāhauwaenava daun vadathau nananena hadahena, hathauhuk. <sup>56</sup> Hanau Heau henane hehauwuujau hadnenauadede henanedanau hedenadedauenenenau, hau hadnenayauhaude. Nau hanaāeyehauthethe jasia hajasee hauauwudan. <sup>57</sup> Nau hethauwu, hajesethaugudethee vau, jachau henanene hathāhuk, Vahadāhene, nananenu hadnethauguhathane hananene daun nananene hanasesanaene. <sup>58</sup> Nau Hejavaneauthusaun hathauhuk, Gauauwuauau neyāethee, nau neaheauau hejava nenauhuchauthethee; hau Heau henane heyauhuunee nedauusevānede. <sup>59</sup> Nau hanaāenehethaude jachau, Jethauguhu, hau hathāhuk, Vahadāhene, nedauau nawaunejenanau nāsaunau. <sup>60</sup> Hejavaneauthusaun hanaāēdauwunāde, Nanehajanauthethe gaujauaudahehehauau negaujauaudāhenethee: hau jathāu nananene nau haddauthedaude henajade Hejavaneauthu. <sup>61</sup> Nau jachau jee, hathāhuk, Vahadāhene, hadnethauguhathane nananene; hau jechuwauthethe nedauau nawaunenaunenachauthaunauau, hanedauthethe nāyāenau naudauuwuu. <sup>62</sup> Nau Hejavaneauthusaun hanaāēdauwunāde, Hegau henane, dunauaugu thauauuwujethau, nau jaaāyau, hehauwunaathā henajanedauene Hejavaneauthu.

## 10

<sup>1</sup> Nu hee Vahadāde haeauthewa hauthauau nesaudausau jee, nau haeyeyethauthewa hanenesenethe sayānee haunauade hedan nau vedauuwuu, haudnanādaunauusade. <sup>2</sup> Henaheee hanaāenehethaude, Jenayanaun hethauwuauthēe haneseun, hau nesethāhehauau hajewauthethe: vevathethe nananena hee Vahadāde deseujenayanaun, hadejejenanauade nesethāheha hejenayana.



<sup>3</sup> Jathāuau nananena hathaāsana; naune nananenau janenanathana neānee waude haudāsaunauau hejee hauchāhee. <sup>4</sup> Jevanewuunauwuu nesevāejethāwaunau, newaugusajañauthau, nau wauau-nau: nau jevanaunenāthedaunaa henane hauvaunenau. <sup>5</sup> Nau daun hauauwuu nananena hadaujedānā, Dādauyauha nuu hauauwuu, nedauau hadeva. <sup>6</sup> Nau hith heu dādaunee hanedauyau-gaune, nananena hadādaunhedaunenau hadnaadaudauyānusaa: hau jene hadjaegausedaunāna. <sup>7</sup> Nau vavade hauauwuu hadanedauva, hadevethēva nau hadevanava daun hayauhuhau hauchau-vadenenau: hanau nesethāhe naundaunade. Jevaenejedāe hauauwuu. <sup>8</sup> Nau daun hedan nananena hadaujedānā, nau hesedanānagu, hadevethēva daun hayauhuhau hajenanauwunādaune-nau: <sup>9</sup> Nau hadenayauhauva hasauwauvahehe daun hanedaude, nau hesau jeenanethēdauwu-nauna, Henajanede Hejavaneauthau hayēedasāna. <sup>10</sup> Nau daun hedan nananena hadaujedānā, nau jesedanānagu hadjathāauva hasesana hehethēe hadaugauchaudāe hauauwudan, nau hesau jeenanesenehethauna, <sup>11</sup> Daudause nauthejahathaugu nananena hadedanaunenau, heejahadāheagu, neyeseгаunuhudee nananena: hau nananena hadethauwaenava nuu, henajanede Hejavaneauthau hayēedasāna. <sup>12</sup> Hau hadāedaunwunathava, hadjavaānethauauyauau hena hesee heee Sodom, javaānee heee hena hedan. <sup>13</sup> Naunauthauau hadnauauchaudauna, Chorazin; naunauthauau hadnauauchaudauna, Bethsaida; hanau havathenayauthau heheenesedaundeneagu jedauwuu Tyre nau Sidon, nuu hasehana nananena, dajechauau neaunauevethajauduuhewauchaudaunenau, needanaugudaunee neauchuwaudenee naujuwau nau jaetha. <sup>14</sup> Hau hadjavaānethauauyauau heee Tyre nau Sidon hāenaudedauunadedaunee, javaānee nananena. <sup>15</sup> Nau nananena, Capernaum, hanejanana yesee hejavaa, hadjaejanauhane yesee hadauveeyauau. <sup>16</sup> Daun hajaathēhādaunenau nananena hadjaathēhānau; nau daun hauwauchānavādaunenau nananena haudwauchānavānau; nau daun nauwauchanavāde hadwauchanauwaude najejananādaune. <sup>17</sup> Nau nesaudausauau ha-jaenauusanauau nauuu neethajaude, hanaāēdaunwunauthēe, Vahadāhene, daudause haujaunauau hanechauwauaunauau heee nananene haneseede. <sup>18</sup> Nau hanaāēdaunwunāthēe, Nenauhauwauau Haujau waude jahagude hasejanesaa hehethēe hejavaa. <sup>19</sup> Naune, Nananenau vanenathana nananena naudahede hadnauguhudaunauna seseyānauau nau hauwauhaudathee, nau nanadee vahee hena-dahede haujau: nau hegau hadneaseveva. <sup>20</sup> Hau vahee nuu jevaneethajaudauwuu, haujaunauau dauchauwauaunauna; hau henauthauneneethajauau hanau nananena haneseedaunenau dauwau-thaunauhuu hejavaa. <sup>21</sup> Hena hāauchauau Hejavaneauthusau haeneethajaune hevadathuwu, nau hanaāenehede, Nananenau vaveenethedaunathane Nananene, Hau Nāchau, Vahadāhene hejavaa nau vedauauwuu, hanau Nananene dauyauadaunade nuu hayauhuhau hehethēe nadaunahehehauau nau hathauwunanenauau, nau hadnauhauthehauva dāeyaunauauau: hethauwuu, Nāsaunau; waude hethadee nananena hasēsānenau. <sup>22</sup> Vahee hayauhuhau vanenāna Nāsaunau: nau hegau henane haenauna hanaadāne Heāhene, vavade Vāsaunau; nau hanaadāne Vāsaunau, vavade Vāa, nau nananede hanaadāne Heāwaune hadnenuhauthehāde. <sup>23</sup> Nau hanaāejaedaugauhauwaude hethau-guhādaunau, nau hanaānadethaude hevenanee, Haunauwuthajauauha hasēsānenau dauhunauhau-dauwuna hayauhuhau hānauhauthaunenau: <sup>24</sup> Hanau nananenau hāedaunwunathana, waunauthathee haeyāhehauau nau nenauchuwuthee nevadaunauhauduu hena hayauhuhau hānauhauthaunenau, hau hehauwuthaunauhauwauwuu; nau devadaunedaunau hena hayauhuhau hānedauwauthaunenau, hau hehauwunedauwauwuu. <sup>25</sup> Nau, naune, jasaa nanavaavehe haetheagu, nau haenaudayādauna, Hechauhauthethāhe, nauddusesedane jethauujenee henaedede? hathauhuk, <sup>26</sup> Hanaāēdaunwunāde, Hayew wauthaunesaa nanavaavedaunaa? Hādusasaunau hede nananene? <sup>27</sup> Nau hanaāēdaunwunāde, Nananene hadvechauthau Vahadāde nananene Hejavaneauthau nauuu vahee nananene hadahaa, nau nauuu vahee nananene hadathuvaa, nau nauuu vahee nananene hadāhedaunaa, nau nauuu vahee nananene haugaugauuthajaudenaa; nau nananene hanedaudewau waude nehayau nananene. <sup>28</sup> Nau hanaāēdaunwunāde, Nananene hethauvāne: nanehasedaune, nau nananene hadnenaedene. <sup>29</sup> Hau nananede, vanadauchuvanadede, hanaāenehethaude Hejavaneauthusaun, Nau hanaa nandedaudewau? hathauhuk, <sup>30</sup> Nau Hejavaneauthusau hanaāauchuhanāedaunwunāde, Jasaa henane haejathāau hehethēe Dādaunedan hese Jericho, nau haeesedanaa havedehehu, haethauwujedaunaa hedāchaunau, nau haenesenēhaa, nau haejathāaunenau, haenauthaa dauhayānaja. <sup>31</sup> Nau hae-jathedasaa jachau vevethavehahew hehethēe: nau hāenauhauvāde, haejavechauthaa gauchuhunee. <sup>32</sup> Nau vavade Levite, hāedadauau hadaunith, haeeda sa\* nau haenāuhauva, nau haejavechautha gauchuhunee. <sup>33</sup> Nau jasaa Samaritan, daujādade, haeedasa hadaunith: nau hāenauhauwaude haeauwunauna, <sup>34</sup> Nau haeyehau, nau haedugudauna hadaunenesenith, haeedaunauwuna javeda nau vasevenenaje, nau haedasana nehayau hedauneau, nau haenauchauha vethehedaunauwuu,

\* 10:32 Two words across a page (“haeeda” and “sa”) perhaps should have been hyphenated, giving “haeedasa” which, together with “haeedasaa”, occurs eleven times elsewhere in the text. There are no other occurrences of “sa” standing alone.

nau haeauauneha. <sup>35</sup> Nau daunauganenee hāejathāude, haeadane hanesanenee hevāejethāwau, nau haevēna hadāhevahew, nau hadaunaunehau, hathauhuk; nau daun hasegaujauauthedanānaune jee, hāejaenausanaune nananenau hadaunaudaunathane nananene. <sup>36</sup> Hayewnau nuu hanasāe, hadeanathau, henedaudevādaune henee neesedanāde havedehew? <sup>37</sup> Nau hanaāēdauwunaude henee heauwunaunādaune. Hanaāenehethaude Hejavaneauthusau, nau jenaenesedaune nananene. <sup>38</sup> Wauhā hethauwuu, daunsausujavesathee, haenausanaunau jasaa hajaseehauuwudan: nau jasaa hesā haseagu Martha haejedana hedauauwunin. <sup>39</sup> Nau haenahavāe Mare haseeyaugaune, jea haejanaugude Hejavaneauthusau heauthene, nau haenedauwaude hedanadedaunene. <sup>40</sup> Hau Martha haeedauwauwune dauwauthanee haseadau, nau haejeedasa, nau hanaāenehethaude, Vahadāhene, gauhajeagadaunavade daujenauthānau nahavaa daunesenesethānau? hāedauwunene hadenedahevānau. <sup>41</sup> Nau Hejavaneauthusau hanaāauchuhanehethaude, Martha, Martha, nananene haunaunāhene nau dejanethajaudauwu waunauthāe hayauhuhau: <sup>42</sup> Hau hanesadee hayewhu chaunauguauu: nau Mare hayāchauhau henee hethadenee hadāde, hehauwuneejathechau nauthee.

## 11

<sup>1</sup> Nau hethauwuu, henee, daunsausuvethahede haedaunanenee, hāejenedaude, hanesāhenith hethauguhādaune hathāhuk, Vahadāhene, jeechauhauthehāa hadnesevethahee, waude Jaun jea neesechauauthehaude hethauguhādaunau. <sup>2</sup> Nau hanaāēdauwunaude, hāene nananena van-evethahenā jeenanesenehena, Hāsaunaunene Nananede hanedaude hejavaa, Vadanauha Nananene haneseede. Nananene hanajanedē hanājaunau. Nananene hathanavāene hadnaasedaunee hasauau hejavaa, nau jee nuu vedauauwuu. <sup>3</sup> Hejevenā hadauchsenee hayauwusenee vethewau. <sup>4</sup> Nau jejaegudanaunwūnā hewauchudaunedenau nau hanau nechau nejaegudanaunwunade haunauude hanesāde nethāesayānedanaunwunāde. Nau jevaechauhāa nedauvasehadee; hau haugaunayauhāa hehethēe hadau wausauu. <sup>5</sup> Nau hanaāēdauwunaude, hanaa nananena hadnenedae-hahede, nau hadneyehaude thaudajaa, nau hadethaude, Va, jeehe hanasāe jauaujaunau; <sup>6</sup> Hanau nādae daunaujādaunānau, nau nananenau haeyahuunee nauchauwaude? <sup>7</sup> Nau hehethēe jedauwuu hadnauchuhanehede nau hadnenehede, Jevajanethajuhu: dajanau wauwu haugauhude, nau nanesaunau nanejauwu naudavāa;\* nananenau nāhauwuneethauwauthe nau hajeneevē-nathane. <sup>8</sup> Nananenau hāedauwunathana, hadnehauwuthauwauthene nau hadvenāde hanau dauhunedaehāwaude, auhanau daunenāhede hadthauwauthenith nau hadvenāde daun hadauchuvathehāthe. <sup>9</sup> Nau nananenau hāedauwunathana, Henedauwau, nau hadvenana; henaudethāe, nau hadnevedena; hewaūdāhee (dajanau), nau hadnegaunedanaunwunana. <sup>10</sup> Hanau haunauude hanesāde nethāenedauwaude neneaudauwaude; nau henee nenaudethāde nevenauau; nau henee newaudāhaude (dajanaune) hadgaunanaunwunade. <sup>11</sup> Hith hāahenau nedauwunānagu jauaujaunau jasaa nananena henesaunaune, gauhadvenaa hauunaugane? wauāthe nedauwunāhuk nauwu, gauhadvena hauchuhane gauhadnanene nauwunenith seseyāne? <sup>12</sup> Wauāthe nedauwunāhuk nauau, gauhadvena hauwauhauauthene? <sup>13</sup> Hith nananena, hauhauganenu, hadanava hadnesevenauna hethadenee venadedanau nananena hadāeyaunevenau: duthāee nananena hejavaa Hāsaunaunenu hadvenāva Vadanauwauthauwu nethāenedauwunauna? <sup>14</sup> Nau neausāguthaude haujaun, nau heehauwanadene. Nau hethauwuu hāejathāude haujau, hanaāejanadede; nau henanedanede haegaugauuthajaudene. <sup>15</sup> Hau jasaa hahagu, Nausāguthaude haujaunau heee Beelzebub najane haujaunaa. <sup>16</sup> Nau hauthauu, haenaudayādaunaa, haenehethaa hadnauhauthadenenee hehethēe hejavaa. <sup>17</sup> Hau haeaeene hedenethajaudenene, haēāedauwuna, Hadauchaa najanede nanayāse-nauaugu nehayau hadneyauhuu; nau hauauwuu hasānavadēnau hāuauwuu hadjanesaa. <sup>18</sup> Hith, Haujau jea hasānavadagu, haudusetheaugune henajanedē? hanau nananena denehena nananenau deausāguthauganee haujaunau hehethēe Beelzebub. <sup>19</sup> Nau hith nananenau hausāguthauganee hehethēe Beelzebub haujaunau, hanaa hāahenau hadnausāguthaude? hadedauchuwunau. <sup>20</sup> Hau hith nananenau hejadenethedaunagu Hejavaneauthau hausāguthauganee haujaunau, hethauwuu henajanedē Hejavaneauthau hēdasāna. <sup>21</sup> Henane danāahethe hēdauchauunau haunaunedehuk hedauauwuu, hevathēyaunau nedādaunee: <sup>22</sup> Hau hāejavāādāāhenethe javaāhehuk hēdasāhuk, nau vevehāhaugu, hadnedanaunwunāde vahee hēdauchauunau heanadauwaundenau, nau hadjaanenee hesehauwenau. <sup>23</sup> Daun najenethaunāde hasānavānau: nau daun najenethauāyāvāde naneāsauauwaude. <sup>24</sup> Hāenauthaethe wauchāde haujau henanene, nehēdesade hadaunenajene-nee, denadede dauyānusenade; nau janevedethe, naneenehede, nananenau hadjaesanau nau- dauwuu needaunenauahenu. <sup>25</sup> Nau jaenauasathe, nevedede nesewaudeahunee nau neyau- dauthaunene. <sup>26</sup> Naeneejathāude, nau naneedanauwaude hanesaudauchunethe hauthauu hau-

\* 11:7 Mid-verse punctuation could be either a colon or semicolon as the lower part of the punctuation is malformed. It was decided to use the semicolon, in line with the KJV, as the punctuation of the two texts often coincides.

jaunau javaānauhauganethe javaāhede; nau nanejedāthee, nau nanejanauguthee: nau waunee henee henane naenejavaānauhauganede nedauaunejeethāde. <sup>27</sup> Nau hethauwuu, hajeseanadede nuu hayauhuhau, jasaa hesā hehethee henanedaa haevasanade, nau hathauhuk, Hauwunaunade henesaunehē hājanesauthāde Nananene, nau hethanau nedaunenane. <sup>28</sup> Hau hahagu, Haa, nausunee, nauwunaunathee nethāējaathededuu hedanadedauunene Hejavaneauthu, nau naunaunedethee. <sup>29</sup> Nau henanedanede hāneenanauthenanedauhuu, hanaāejasesenehede, Nuu nanaa wausauu henaedede: nevadaunauhauthāthee; nau hegau nauhauthaude hadvenaunauau, hau vavade nauhauthau nananede Jonas haeyāhe. <sup>30</sup> Hanau Jonas neesenauhauthe haude Ninevites, nechau jea Heau henane hadnaathāde nuu henaedede. <sup>31</sup> Nenauchuwusā janauhuu hadjaegauhāde naudedauadenesee nauuu henanenau nuu henaedede, nau hadnauthauwuvāna: hanau dejewaunejaathe haude hehethee hāauauvadenee naunaudāhenith Solomon; nau naune, hejavaāhedaune Solomon hanedaunith. <sup>32</sup> Henanenauau hehethee Nineveh hadjaegauhāthee naudedauadenesee nauuu nuu henaedede, nau hadnauthauwuvāna: hanau dauaugauthethajauduu hedauthedaunene Jonas; nau, naune, hejavaāhedaune Jonas hanedaunith. <sup>33</sup> Hegau henane, hāesedeauchauuu nauauuthayau, hehauwujenane yauthee, daudause hehauwugaudauyauvasenaunaa, hau dasee nauauuthayauneetheaugunee, nethāejedāthee hadnenauchauuu naunauasādane. <sup>34</sup> Hanesenee vadanayanna nanaa nevasēsānee: nanaa hāenesadee hasēsānenau nananena, nananene hadnaunaudauyauau hadanayau jea hanechauchaunaa hese; hau hāene nananene hasēsā wausuu, hadanayau jea hadnechauchaunaudene vaneeyauau. <sup>35</sup> Haunauyauhaudauwauau hanau henee hesee hathāsadaude nananene jea veeyauha. <sup>36</sup> Hith nananene haunaudauyauugu hadanayau hanau hadnechauchaunaudene hese, hadnehauwugauveeyau haunauude hadnechauchaunaa hese, waude naunauasādāe nauauuthayau nevenāna hese. <sup>37</sup> Nau hajesanade, jachau Nesethajauhu haeadethaa hadnethevethehewaude: nau haewaunejedā, nau haējanaugu dauvethede. <sup>38</sup> Nau hāene Nesethajauhu nauhaudauau, haegaudauvanava daujahesehunith nedauau hajesejevethehenith. <sup>39</sup> Nau Vahadāhenith hathāhuk, Hewaunehaa nananena Nesethajauhuhauau neyauthahenauwuna jathee vāenaunau nau saenaunau; hau nananena hethauvaa hanechauchaunaudena vahedayaude nau hauhauganede. <sup>40</sup> Nananena janethauvahena, gaujenane Hejavaneauthau nenesedede jathee gaujee henesede jedauwuu? <sup>41</sup> Hau hevāe hauwuyau daun hanethyaunenau; nau, naune, vahee hayauhuhau hadnesewaudeanaunuwana? <sup>42</sup> Hau naunauthauau hadnedasāna nananena Nesethajauhuhauau, hanau nananena hadvāna vadadauchu wauhaunauau nau naneujaudevejechau nau vahee hathāējajāesuu vejechau, nau hadjavechaudauwuna vavesauchuwude nau devechauthade Hejavaneauthau; nuu hāvachunaasedauna, nau hānanejenaudauwuna hauthauau nejesee. <sup>43</sup> Naunauthauau hadnedasāna nananena Nesethajauhuhauau, hanau nananena devechadauwuna najatheaugudaunau jedauwuu vevethahenauwuu, nau dejachauthana nedauadaunauvade. <sup>44</sup> Naunauthauau hadnedasāna nananena, wauthaunauhāhehauau nau Nesethajauhuhauau, nanadaunahena, hanau nananena waude nedaugaudauyauhudaunee dejenauhauwuu, nuu henanenauau nedasejavesathee hehauwaenaunā. <sup>45</sup> Hanaāaachuhananadede hanesāde nanavaavehe, nau hathauhuk, Hechauhauthethāhe, nuu dauhanadene nananene naunaunauthevāna jea. <sup>46</sup> Nau hathāhuk naunauthauau hadnedasāna nananena jea, nananena nanavaavehchauau, hanau nananena henenauchuna henanenauau nauuu henenauchude hehayaudee javechauhunee, nau nananena nehayau jevavasanauwuu henenauchudaunau hee hanesadee nananena hajadenau. <sup>47</sup> Naunauthauau hadnedasāna nananena, hanau nananena denesedaunauna gaujauaudahenauwuu haeyāhehauau, nau hāsaunaunenau denauauthee. <sup>48</sup> Hethauwuu nananena haeyāna henee nananena wauhaunee nanāsedauthee hāsaunaunenau: hanau denauauthee, nau nananena nenesedena hegaujauaudahenauwunenau, <sup>49</sup> Naasauau jea hahagu hedaeyaude Hejavaneauthau, Hadjenanu haeyāhehauau nau vadahanauau, nau hauthauau hadnenaathee nau hadnenaunaunauthetheathee: <sup>50</sup> Henee hevaevau vahee haeyāhehauau, hanedaunee hehethee davadeesehe vedauwuu, hadneenaudedauwuhuu nuu henaedede; <sup>51</sup> Hehethee hevaevaa Abel nauuu hevaevaa Zacharias henee nenajaa nahethāe jaanaa nau vadannauwuu: hethauwuu nananenau nehethathana nananena, hadneenaudedauwuhuu nuu hee henaedede. <sup>52</sup> Naunauthauau hadnedasāna nananena nanavaavehchauau, hanau nananena dauhudanuwuna gaunaudauhau haeyaude: nananena hadnehauwujedāva nehayau, nau henee hathāejedāthee nananena najauaunana. <sup>53</sup> Nau daunehedauau nuu hayauhuhau yese, wauthaunauhāhehau nau Nesethajauhuhauau hanaāejaseseneenaudedauunāde, nau haeneenadaunauau hadnauthedaudauwunith hauwuhuu hayauhuhau; <sup>54</sup> Haeaudenauthaa, nau hadnesedanauwunethe hayewhu hehethee hedenene, hadnāedauwauthathee.

Hau nauyauhau dauwau nananena gauhaujau Nesethajauhau, nendaunahethee. <sup>2</sup> Hanau hehauwuyauthesa, hathäyauthesa, daudause hehauwuyauthesa, nethäejaenaanee. <sup>3</sup> Hanau daun nananena hasanadenā veeyaugu hadnedauwuhuu hesenee; nau henee nananena hasenehenā wau-  
 naudaunuu jedauwuu hadnauchunana dasee hauauwuu. <sup>4</sup> Nau nananena häedauwunathana Nā-  
 daehauhau, Jevaesaa henee nenadethee henanedayahau, nau heee hehauwauthesedaunau.  
<sup>5</sup> Hau nananena häedauwunathana daun nananena hāchaunenau: Hesaa Naa, heee hesenā-  
 nagu naunaudāde hadgauusevāna hadaugauhauchanee; haa, Nananenau häedauwunathana nana-  
 nena, Hesaa. <sup>6</sup> Hayauthaunethee hajaseaheauau gujeaudaunaune heee hanesāenee nevaāhenee,  
 nau hanesāde hehauwunauneethedaunā Hejavaneauthu? <sup>7</sup> Hau daudausee hadauchāe hāthaane-  
 nau haudauguhanenau vahenayāee. Jevanāthajauau henaheee: nananena javaānuwauhana  
 hadauchtethee hajaseaheauau. <sup>8</sup> Jea Nananenau häedauwunathana, Daun naujauthethehāde hese  
 henaneda, nananede Heāhene henanene jea hadnehauwaudauthehaa hesee hautheaunau Heja-  
 vaneauthuu. <sup>9</sup> Hau henee nauyauhāde hesee henaneda hadneyauhade hathāhenethe hautheaunau  
 Hejavaneauthuu. <sup>10</sup> Nau daun hayādaunaude Heāhene henanene, hadjaegudanauwunade: hau  
 nananede henee hauhauganedauau Vadanauwauthauwu hadnehauwujaegudanauwunau. <sup>11</sup> Nau  
 häejedanānā vethahenauwuu, nau hauchuwunanenau, nau najanauau, jevagauganadauwuu  
 wauāthe daunhayewhu nananena hadnesauchuhanehena, wauāthe daun nananena hadnesenehena:  
<sup>12</sup> Hanau Vadanauwauthauwu hadnāedauwunāna nauauchaugu daun nananena hadnesenehena.  
<sup>13</sup> Nau hanesāde hehethēe hananeda hathauhuk, Hehauthethāhe, hanadesene nasaa, hadegaugau-  
 nauwaunauau vatheyauau. <sup>14</sup> Nau hathāhuk, Henane, hanaa nanesehāde hadnauchuwuhathane  
 nau hadjaanauwunathane nananene? <sup>15</sup> Nau hasenehethauhuk, Hau nauyauhau dauwau, nau  
 naseduhuu jevavathēhe: hanau henane hedenaeede hehauwunedahevaa wauthayāgaune he-  
 vatheyauau henetheyauau. <sup>16</sup> Nau haenadetha haejegausudenanadetha, Vedauauwuu jasaa  
 nethauyāsenane haenauthēthā: <sup>17</sup> Nau hasethajauhuk nehayau, hewauau hauaudnesedaunaune,  
 hanau hājenethenauwau jedauwuu hadnedauthānauwau navethenau, hahagu? <sup>18</sup> Nau hanaāene-  
 hede, nuu hadnaasedaunau: hadthauwunauwau nathāyānauwuu, nau hadnesedenau hadjavaā-  
 vasauau; nau hadnaadauthānauwau vahee navethenau nau navatheyauau. <sup>19</sup> Nau hadnāāene-  
 hethauwau navadathuwu, Vadathau, nananene nanethenauwu waunauthēe hanetheyauau janenene  
 hadwauthēe jajene; hedanau nanethauaunenaede, hevethēe, hevaveyā, nau haunauwunaede.  
<sup>20</sup> Hau Hejavaneauthu hathāhuk, Nananene Hauhauga, nuu dauveeyauau nananene havadathuwu  
 hadnedauwunane: heee hanaa hadnethenauau hājenayaunau? <sup>21</sup> Nananede haenathaunau he-  
 veaunauaudenau, nau hehauwuveaunau hese Hejavaneauthu. <sup>22</sup> Nau hathauhuk hethauguhā-  
 daunau, Naa nehethathana, Jevagauganadauwuu hadenaededaunenau, daun hadnevethedaune-  
 nau; daudause heee hadanayaunau, daun hadnāsaunenau. <sup>23</sup> Henaede javaāsa vethevaa,  
 nau vadanayau javaāsa hāchaunaa. <sup>24</sup> Gaugauanavaa huunauau: hanau dejejenayāthee nau deje-  
 gauausauhāthee; hehauwunethenauwu thāyānauwuu nau vethewau nedauthāsanenee; nau Heja-  
 vaneauthau nachauwaude: gauhajavaāneenaede va neahenaa? <sup>25</sup> Nau hanaa nananena vanadaunāde  
 heee neejaheee? <sup>26</sup> Hith nananena wauhā jeneenesedaunagu henee haugajuhuu, naidu hājanetha-  
 jaudauwuna hauthauau? <sup>27</sup> Gaugauanadauwuu nenaugaānuu nejajaesaānuu neseveseuu: hehauwune-  
 sethānauau, hehauwunethaudayānauau; nau nausunee nāedauwunathana, henee Solomon va-  
 hee hevasāthade hehauwunaasenu hasaunee nuu. <sup>28</sup> Hith wauhā Hejavaneauthu heneenudehuk  
 wauchunau, nuu desenee nauau, nau nauagaagu hadneewauwauwunee; hāduthāejavaāvenāva  
 hāchaunau, Hau nananena vanehaa hethauwuthajauana? <sup>29</sup> Nau jevanadedee nananena daun  
 nananena hadnevethedaunenau, wauāthe daun hadnevaveyādaunenau, jevauwauwauwauwunau.  
<sup>30</sup> Hanau vahee nuu neauthudan hathāuauwau nenaudethāthee: nau nananena Hāsaunaunenau  
 haenauau henee nananena hāvathēdaunenau nuu hayuhuhau. <sup>31</sup> Hau henaudee nananena  
 henajanede Hejavaneauthu; nau vahee nuu hayauhuhau hadnethedaunanauwunana nananena.  
<sup>32</sup> Jevanāthajauau, hāhauwuwauthaheva; hanau nananena Hāsaunaunenau hayethanadauwunā-  
 daunenau hadvenāna henajanede. <sup>33</sup> Headaunaa henee hanetheyauunenau, nau hauwunaunaa  
 hadavenuhauau; jasedauau nesevāejethāwauau henee nejethauthauaachusāe, haenathaude  
 haneduu hejava henee nejethauyauhuu, nedaujavedadenee, hehauwuudenauau nuvanauauau.  
<sup>34</sup> Hanau haduu hadaenathauunenau, hena hadahenau jea hadnaaduu. <sup>35</sup> Duijehee, nau hau-  
 nauuuthayaunenau gauhauchanauha; <sup>36</sup> Nau nanethahena henanenau henee nedauyauhauwau-  
 thee hanau Hadahethedaunādaunenau, hāejejaesathe hehethēe gauwuhau; henee hājenau-  
 usathe nau hadwauwauwunade hadgaunauwunade nauhauhaunee. <sup>37</sup> Hauwunaunaa henee ne-  
 sethāhehauau nananethe, Vahadāde hājenauusathe hadveenaude hadnaunauyauthānethēe:  
 hethauwēdauwunathana, hadduude nehayau, nau hadjanauguhaude hadvethenehete, nau had-  
 jeedauchaude nau hadnauchauchaude. <sup>38</sup> Nau hith jenausaheke naneseauwaude haunauyauhau-

thähe, wauäthe jenausahek nanaseauwaude haunauyauhauthähe, nau hadveenaude hadnesaanunethe, hauwunauna henee nesethähehauu. <sup>39</sup> Nau nuu häenuwuu, henee hith henane hedauuwuu haenauaugu daun häauchaunee havedehew neeenauusanith, haunaunauyauhauwaude, nau hanäjechuwauthedaunenauhunee hedauuwuu. <sup>40</sup> Nananena hadnaesaana jea, hanau Heau henane hadnausade daun häauchaunee häejenuanauwanä. <sup>41</sup> Peda hanaäänadethaude, Vahadähene, gauhanadethäa Nananene nuu hee jegausudede wauäthe vahee? <sup>42</sup> Nau Vahadäde hahagu, Hanaa henee chuvahagu nau hesenaedehuk hadähevähe, nananede hadähewaunädaune, hadnevenaude gauuu vethewau nauauchaunee? <sup>43</sup> Hauwunauna henee nesethähe, nananenith hadähewaunädaune häedasäthe hadveehäde hadnaasehäde. <sup>44</sup> Hethauvaa hathäedauwunathana, henee hadnesehäde hadähewaude vahee hethäenetheyauu. <sup>45</sup> Hau nau hith henee nesethähe hesethajauhuk, Nadähewaunäde jeguthenauusahek; nau henenese gauhahek henanenau nesethähehau nau hesänau, nau hevethehagaunee nau hevaveyähaugaunee, nau henaunauneseavagaunee; <sup>46</sup> Hadähewähe henee nesethähe hadnausanith hajesesenee häejejauwuwuhauthe, nau, neejaenauu, nau hadgudanäde nau hadjenanaude jethauwaudahehau. <sup>47</sup> Nau henee nesethähe haenauaugu hadähewaunädaune hathanaväde, nau jesaanuhuk, daudaus dejesedaude hathanaväthe hadnenesegauhude dejauaunee. <sup>48</sup> Hau henee jaenauaugu, nau hesedauhuk neseneneseguhededaunee hanäjauwaunenesegauhude, hanau daun hauwauhuvenäde nananede hadnauwaunedauwunade; nau nananede henane hauwauhauhauthade, nananede hadnauwaunedauwunade. <sup>49</sup> Hadjejenanauwau heseda dasee vedauuwuu; nau hayew navathehäde wauwu gauhauchagu? <sup>50</sup> Hau nanethenauwau dusaahede hadneedusaahedaunee; nau hanahauwaudauanänau haunaude hesedaudeyägu. <sup>51</sup> Hanejeaude hadjenanauu dādaunee vedauuwuu häathanaveva? hadäedauwunathava, Hegau; hau wauäthe hanägaunanauwau: <sup>52</sup> Hanau hehethēe hee yauthaunenadēaunee hanesadee hauuwuu hadgaunee, hadnasaunauthēe hanesenethe, nau hadnesaunauthēe hanäenethe. <sup>53</sup> Henesaunaun hadgaunathee hadnasänauwaude heau, nau heau hadnasänaväde; hesä hadnasänauwaude hedaunau, nau hedaunau hadnasänaväde, hesä hesave hadnasänauwaude, nau hesave hadnasänaväde. <sup>54</sup> Nau hanaäänadedaunee jea henanedane, häenauhauwunä henaunaude jevchauhauu hehethēe nesenaesade, chauchaunu nananena, Hadnauchuhajauwauwau; nau naenesauu. <sup>55</sup> Nau häenauhauwunä jenauhu hanehedasäe, nananena, hadnasedaa; nau naenesauu. <sup>56</sup> Nananena nanadaunahena, nananena naenauwuna hedauchaveau haunauu nau vedauuwuu; hau dusaudee haejaenauwuna nuu hewaunehaa? <sup>57</sup> Haa, nau naudū daudause nananena haejaenauwuna hasethadee? <sup>58</sup> Häeyehauthänä hasänavādaunenau hauchuwunenanau, nausujavesanagu, nayātheneneeva hadēenayauhāna; havaehauthäva najanauchuwunee, nau najanauchuwunane havavēna duguthähew, nau duguthähe havathänāva duguthänauwuu. <sup>59</sup> Häedauwunathana havajeneauthauva, haunaude vathauwunauwuu nau haväejethävenau.

## 13

<sup>1</sup> Hena hethaa hee jachau haeauthedaunaa Gananeans, hevaewu Pinade haewauhaunauwuaunee nedauasäyāthee. <sup>2</sup> Nau Hejavaneauthusaun haeauchuhananadethä, Nauchäe nananena henee nuu Gananeans heauhaugayaugaunee javañee vahee Gananeans, hanau daujeneethajauduu hayauhuhau? <sup>3</sup> Nananenau nēdauwunathana, Hegau: hau, vavade nananena jaugauthethajaunagu, nananena hadnavahethahena gaujauaudahede. <sup>4</sup> Wauäthe hena nasaudaachunee, dasee hayauuwuu jedauwuu Siloam dethauwunauwuu, nau haenanaä, gauguanadauwuu henee gauhujavaänauhauganenauu vahee henanedanede henee theaugude jedawuu Dādaunedan. <sup>5</sup> Nananenau nēdauwunathana, Hegau, hau vavade nananena jeneethajauhadede, nananena hadnavahethahena gaujauaudahede. <sup>6</sup> Haeheanade jea nuu dajenehede; Jasaa henane haenathena hauyauhaunauhade haejenana jedauwuu dadajeneveese nethauchayaunaa; nau haejenauwuu nau haenauwunade vevenaundenau hanāvenee, hau haejeveede. <sup>7</sup> Hanaāenehethaude nesethähew hedadajeneveese nethauchayaunaa, Naune, nuu hanasāa jajene nananenau hanejaunau daujenaudedanau vevenaundenau nuu hauyauhaunauhadee, hau hajeveedenau: dauwuhune; hadevachunauthayauu vedauuwuu? <sup>8</sup> Nau hanaāechuhanadethäde, Vahadähene, hauwau nanahasene nuu hee jajee jea, nadeesenese, nau vehethe hadjenanauwau. <sup>9</sup> Nau hith hävāgaune vevenaundenau nee: nauhith jene, hadnaēdauwuhade. <sup>10</sup> Nau haeechauhauthethä jasaa vevethahenauwuu vadanese. <sup>11</sup> Nau, naune hena hesä haujaunehaeheaugauwuu nasaudaachunee jajenee, nau haevajanā hauānee, nau haejenechuwuwauthē nehayau. <sup>12</sup> Nau häene Hajavaneauthusaun nauhauwaude, Haeadetha, nau hanaāēdauwunaude, Hesä, nananene haunaugunane hehethēe hadaugauwudaunaa. <sup>13</sup> Nau hanaāēvasanaude: nau chauchaunu hanaāechuväde, nau haevaveenethedauna Hejavaneauthu. <sup>14</sup> Nau hauchuwunane vevethahenauwuu haeauchuhanade nauuu hasanaunade, hanau henee Hejavaneauthusaun denayauthänith vadanese, nau haeauthedaunenadēa, Hena nanadauchäe

hese henane heenesethādaunau hanānaneajauna nau hanānaneenayauhana, hau hegau vadanese. <sup>15</sup> Vahadāde hanaāauchuhananadethaude, nau hathauhuk, Nananene nanadaunāhene, gauhājene dajee hanesahena vadanese haugunauva hauwaugajevenau wauāthe naugauchaudaheauau hehethee hewauchuhauchauwauwuu, nau gāyethaājethauva devanauhauna? <sup>16</sup> Nau gaujenaasaunee naa hesā, hedaunau Abraham, \* henee Haujau heduguthaune, naune, nuu nasadauchunee jajene, hāaugunade hehethee nuu deduguhde vadanese? <sup>17</sup> Nau hāenehedauu nuu hayauhau, vahee hejauthauwau haeaudaudāhenenau: nau vahee henanedanede haeneethaujaudene heee vahee havathee hayauhuhau henee hesethaunau. <sup>18</sup> Hanaāenehede, dusaune henajanede Hejavaneauthau? nau hayew naudnenehethau? <sup>19</sup> Waude nejenanene mausdaude, henane nedanauau, nau neneāgudede hejenayaunaa; nau neveseaudene, nau hāhe haeavadauhau; nau neahehauau hejavaa negauusee hedānaa. <sup>20</sup> Nau jea hanaāenehede, Hayew naudneedajenehethau henajanede Hejavaneauthau? <sup>21</sup> Waude nesaunauchaa henee hesā nedanauau nau nejananauau nasau dejenauhunee thauauhanau haunaude devahenesaunadāe. <sup>22</sup> Nau haeehedesa hauwauhauwudane nau hajasedan, dechauhauthethāde, nau haejāda hesee Dādaunedan. <sup>23</sup> Hanaāanadethāde hanesāhenith, Vahadāhene, gaujewauthanauau henee henayauhathēe? Nau hanaāaedauwunaude, <sup>24</sup> Neaunedauwauau hadejedāna hadaugaugunesāde dajanau: newauthana, Nananenau dāedauwunathana, hadnenaudedena hadnedaujedāna, hau hadnehaunueedauva. <sup>25</sup> Hāene hechauhauthethāhe hauauwuu thauwauthekuk, nau haugauhahagu dajanaune, nau nananena hanānaāetheauguna jathee, nau hanānaāewaudāhauna dajanau, hanānaāenehethauna, Vahadāhene, Vahadāhene, jegaunauwunāa, nau hanānaāauchuhanehethāna nau hanānaasenehethāna, Hāhauwaenaunathe daun hadesane: <sup>26</sup> Hanānaāenehethauna, Nevethenauau nau nevaveyānauau hathaāhene, hau nananene dauthedaunānehadaugauchade. <sup>27</sup> Hau hadnaasenehede, Hāedauwunathane, Hāhauwaenaunathe daun hadesane; nayāsesave vahee nananena nesethāhehau wauwauhau. <sup>28</sup> Hena hadnevewauhudaunee nau hadnegaugauchaugudasenana, hāenauhauwaunā Abraham, nau Isaac, nau Jacob, nau vahee haeyāhehauau, Jedauwuu henajanede Hejavaneauthau, hau nananena nehayau nenuguthadena. <sup>29</sup> Nau hadjenauuchaudenee hehethee nejeethevesesanith, nau hehethee nesenaesanith, nau hehethe nanavee, nau hehethee janauhau, nau hadjanaugudu henajanedauunene Hejavaneauthu. <sup>30</sup> Nau, naune, hena hedauade hadnedauvade, nau hena nedauvade hadnedauhude. <sup>31</sup> Hajesesenee hena haejenauusa jasaa Nesethajauhuhauau, hasenehethāhuk, Nauahe, nau jathāau, hanau Herod hadnaāne. <sup>32</sup> Nau hanaāaedauwunāthee, Najesaa, nau hadāedauwunauva hena vachuhuu, Naune, nenuguthu haujaunauau, nau nenayauthānu nuu desenee nau naugaagu, nau nanaseauwauau hesee hadnaāesedaunau. <sup>33</sup> Hau hadnesenanau nuu desenee, nau naugaagu, nau jea hathavenaugaagu: hanau hehauwunaasau henee haeyāhe denaade Dādaunedan. <sup>34</sup> Hau Dādaunedan, Dādaunedan, nanathee nenauathee haeyāhehau, nau nenauchauwathathee hauunagāe henee hejenanauwunaudenenau; dauhudauchu audnauāchauhanauau nananena hadāeyaunewauau hauānee waude neauthuneahēe dauānaude henesanau hethauvaa het-haenaa, hau hāhauwuvatēhāva. <sup>35</sup> Naune haudauwunenenau, naunaudauwunana hadnadauyewu: nau hethauwuu nāedauwunathana, Nananena hadnehauwunauhauwua haunaude nauauchaugu hadneenehena, Hauwunaunaa henee jaunaude heee henesedaunene Vahadāhenith.

## 14

<sup>1</sup> Nau hethauwuu, daujedāde hedauauwunene hanesāhenith najane Nesethajauhuhau hadvethee jauaujau vadanese, henee haeauunayauhauvaa. <sup>2</sup> Nau, naune, hena jasaa henane hathaāhede haenenesaunenauau. <sup>3</sup> Nau Hejavaneauthusau haeauchuhananadetha nanavaavehau nau Nesethajauhuhau, gaujenanavanau nenayauthaude vadanese? hāthauhuk. <sup>4</sup> Nau haedādaunau-gunauau. Nau hanaāedanauith nau haenayauha, nau haejenana; <sup>5</sup> Nau haeauchuhananadetha, Hanaa hedaunē naugauchaudahehau wauāth waugaje janesenayaugaune hadaudaunade-nee, nau gauchauchauu gauhadnauuguthauva vadanese? hāthauhuk. <sup>6</sup> Nau haeeyauhuune nesenehethathee jea nuu hayauhuhau. <sup>7</sup> Nau haedadajenehetha henee hathāadethavathee, hā-nauhauwaude hasayāchauhauwunethe najatheaugudaunau; hanaāaedauwunaude, <sup>8</sup> Hāene nananena hadethaunā henanenauau gauwuhudeneagu, jevajanauguu najatheaugudaunaa; havajavaānethā henane havajavaāheva henee hadethade; <sup>9</sup> Nau henee hadethāde nau nananede hadjaude nau hadnethāne, Venene naa henane hadehedau; nau nananene haddayāhene janaugunenagu hesau-davaa. <sup>10</sup> Hau hāene nananene hadethanenagu, haddeyehau nau hadjanaugu hesaudavaa henee hāene hadethāde hadjaude, hadethāne, Va javesa; hadnaāene nananene vechauthānaune henee hanethevethēvādaunauau. <sup>11</sup> Hanau daun nanajathajaude nehayau hadnausādauau; nau

\* 13:16 "Abraham" is spelt thus once in this verse and spelt "Abraham" thirteen times elsewhere in the text. It is not known whether the spelling differences have any grammatical significance.

henee nausādauauadede nehayau hadnajanede. <sup>12</sup> Hanaānehethaude jea henee hadethādaune, Hāene nananene gauusevanenagu wauāthe hethunevethehevanenagu, jevaadesene hādaehauhauau, wauāthe hāthesaunauau, daudause hādauānauau, wauāthe nethauyādahagu hanedauwau; havaade-thaa jea, nau havaaunaudaunā. <sup>13</sup> Hau hāene nananene vethehevanenagu, hadadethaunauau hadavenuhuhauau, henesenehehauau, jeneejavesahehauau, nanenauguhuhauau; <sup>14</sup> Nau nananene hadnauwunaunane; hanau daujeneaunaudaunānaune: hanau nananene hadnauwunaunane jaegauhade-neagu hathāethadee. <sup>15</sup> Hāene hanesāde henee henethevethehevādaune daunedauwaudauwunith nuu hayauhuhau, Hauwunaunade henee hadvethee jauaujau henajanedaunene Hejavaneauthu, hathāhuk. <sup>16</sup> Hanaāēdauwunaude, jasaa henane haeavathethunevetheheva, nau haeauwauhade-thānanena; <sup>17</sup> Nau haejenana hewauwaune dauethunevethehedaunee hadnāēdauwunaunith henee hadethavathe, Jenajesaa; vahee hayauhuhau wauwu hanesejenanee. <sup>18</sup> Nau vahee haenesadene hathachuwhuhadethee hadnudanathee. Nanedauwauade hasenehethauhuk, Neaudaunaudauwau vedauauwuu, nau hadneyehaunau nau hadnauhauwauwau: Nehethathane hadnudanene. <sup>19</sup> Nau jasaa ahagu, Neaudaunauthu yauthauyauna hedauhuwauwau, nau hadneyehaunau hadnauyādu-uhuu: nenehethathane hadnudanene. <sup>20</sup> Nau jasaa hahagu, hedauwunenau, nau naajenee-jaunau. <sup>21</sup> Hanaāējenausade henee wauwau, nau hanaāenauhauthehade hadāheawaunādaune nuu hayauhuhau. Wauhā hechauhauthethāhe hauauwuu hanaāasenaunade hanaāēdauwunaude hewauwaune, Yegauhu nauhauhaunee hadaugauchaudāe nau hadaugauchauchanee hedane, nau hadjāthaunauau hede hathāadavenuhunethee, nau henesenehehauau, nau jeneejavesahehauau, nau nanenauguhuhauau. <sup>22</sup> Nau wauwau hasenehethauhuk, Vahadāhene, naasedaunau hasenehesene nau nausunauthauyauau, hathāhuk. <sup>23</sup> Nau Vahadāhede haeāedauwuna wauwaune, Yehau hathenavaunaa nau nethauchayaunaa nau hadjādasauaunauwau hadejejedāthee, henee naudauwuu hadeechauchanaa. <sup>24</sup> Hanau nāēdauwunathane, henee hegau hena henanaunau neadethathee hadnehauwuvajadauwu nadethunevethehewau. <sup>25</sup> Nau hena haenethaunau havathenanedane: nau hanaāējaaagude, nau hanaāēdauwunaude, <sup>26</sup> Hith daun henane hedaasānagu, hau jasānauwuhuk henesaunaune, nau henaune, nau henene, nau dāeyaunauau, nau henethesaunau, nau hedaasāwau, haa nau nehayau hedenaedede jea, nāhauwuneethauguhaa. <sup>27</sup> Nau daun janenevaa henaugauchu, nau thauguhānagu, nāhauwuneethauguhaa. <sup>28</sup> Hanaa nananena vanadaunesedede hayauauwun gauhad-jejanaugu nedauau hadnauyādede hadaachuunee, wauau hanaadauchanenee hesehenee? <sup>29</sup> Havaene hesejenanauhuk hauunauganaunau, nau hanājenesedede, vahee henee hathāenauhauwau hadnee-vavavayaudenenee. <sup>30</sup> Naa henane nenesedede, hau hajenesedede, hanāthāde. <sup>31</sup> Wauāthe daun naja, vadauvauthauhuk jachau najane, hanājanaugude nedauau, nau hanāgauganaunauwau wauau haneene nauuu vadadauch vasevadadausauau hadnenuchaunade henee hejevenahadanaunau nauuu nesauau vasevadadausauau? <sup>32</sup> Wauāthe, hajesenausjechaugunethe, hanāyethathaveede, nau hanānyāthenedauāwunaude. <sup>33</sup> Nau naasauau, daun nananena henee janenaunaudauau vahee henethayaunau, nāhauwuneethauguhaa. <sup>34</sup> Nejauauwuu hethadee: hau hith nejauauwuu jevanu-jaudāgu, hayew hadneenejauauwujauau? <sup>35</sup> Daudause hehauwuthade vedauauwuu, wauāthe heee vethe; hau henanaunau hanāneāgudede. Daun henaunaudaunede heenedauvahek jaathedehe.

## 15

<sup>1</sup> Hanaāeuchaunāde vahee hauāyāhehau nau wauwauchudauhuhau heee hadjaathehāde. <sup>2</sup> Nau Nese-thajauhuhau nau Wauthaunauhāhehau haeneneedenenau, Naa henane hanesedanaude wauwauchudauhuhau, nau nanethevethehewaude, hathāhuk. <sup>3</sup> Nau haeauthaunanadetha, hasenehethauhuk, <sup>4</sup> Hanaa henane nananena hedaunee vadadausauau jauaunawudā, hith hanauhuhuk hanesaneth, gauhadnautha theaudausauau nau theaudaunee nauaunee, nau gauhadnaudeha henee naunethauaunith gauhaunade hadveeha? <sup>5</sup> Nau hāveehauthe hadthāegauhaude hejaanana, hadneneethajaude. <sup>6</sup> Nau hāenauajegauhuthe, hadnadethaude hauānee henedaehauhau nau henedaudevādaunau, netheneethajaudauwunee hanau daujaveehauau naudauāve nenaunethauaude, hathauhuk. <sup>7</sup> Nananenau hāēdauwunathana, nuu hadnaasauau neethajaude hayāene hāene hanesāde wauwauchuduhu haunaunevethajauhuk javaānee theaudausauau nau theaudaunee hathauwunane janethenaunau haunevethajaude. <sup>8</sup> Daudause daun hesā nethenaunagu vadadauchu gauneevā-jethā, hith hanadehuk hanesadenee gaunee, gauhadjedauchauau nauauuthayau, nau gauhad-waudeau hauauwuu, nau gauhadvavesenaunene haunaude gauhadveede. <sup>9</sup> Nau daun hāveenuu hanadethaude henedaehauhau, nau henedaudevādaunau hauānee netheneethajauwuu, hanau dau-jaevenauwau hanesadee nāanathau, hanāthāde. <sup>10</sup> Naasauau, Nananenau nāēdauwunathana, haneduu neethajaude hathāāhethee hautheanaunau Hejavaneauthuu hanesāde wauwauchuduhu haunevethajauhuk. <sup>11</sup> Nau hasenehuk, jasaa henane neseyaugaunee heuhau: <sup>12</sup> Nau hajuhaugade haenehetha henesaunaune, Nāchau jevene gauuu vatheyauunau henee nāudnedadahaunau. Nau

hanaāgauuvenaude hethāenetheyaunau. <sup>13</sup> Nau haunauauhaejewauthanenau hese hajauchaugade hāesauānauau vahee hauānee, nauhanaāejathāau hese vavāune vedauauwu, nau hena hanaāevadauthede hethāenetheyaunau hee hauhaugānenaedede. <sup>14</sup> Nau hāevathede vahee, hena haanaāenauauchau nau nauthauau hasenaude hena vedauauwu; nau hanaāadavenuhenede. <sup>15</sup> Nau hanaāeyehaude nau hanaāewauhaunesade nehayau hauwauhauauwunenau henee vedauauwu; nau haejenana hethauauwu hadnauchauwaude neauthuwauchu. <sup>16</sup> Nau hanāneanadauau hanāchauchaunadede henaude hee jeyauwaunau henee neauthuwauchu hevethedaunenau: hau hegau henanene hevenaa. <sup>17</sup> Nau hāenaude hanaāenehede, Waunauthanethe hedautheaunau nāsaunau nenethenauau jauaujaunau naenedauchanene nau nejesesanene, hau hadnenadaugauyānau? <sup>18</sup> Hadgauhānau nau hadeyhaunau nāsaunau, nau hadnaasenehethauau, Nāchau, nananenu nanethenauwau wauchudaude hese hayāene, nau yese nananene, <sup>19</sup> Nau nananenu hegau hee hāhauwauthēāve: jenesehe waude haudautheaunau. <sup>20</sup> Nau hanaāegauhāde, nau hanaāedauchaude henesaunaune. Hau hajesejedauchaude, henesaunaune haenauhauvaa, nau haeauwunauna, nau haeyeseneegau, nau haenaethesaunaunagutha, nau haenedana. <sup>21</sup> Nau heau hathāhuk, Nāchau, nananenu nanethenauwau wauchudaude yese hayāene, nau nananenu, nau nananenu hegau hāhauwautheneēāve. <sup>22</sup> Hau henesaunaune hathauyaugaune hedautheaunene, Jādee chaunauyuthade hu, nau hauyauuna; nau thānauwunaa nechaunathathau hejadena, nau jedauaunenaa: <sup>23</sup> Nau hadjāthauva hede daun gauchujāde wauu, nau hadnauauva; nau hadvethehenauau, nau hadeaunauwuthajauunau: <sup>24</sup> Hanau naa nā nenajaa, nau jaenaedede; nenaunethauaude, nau jaevenade; nau hanaāejesaunauwuthajauthee: <sup>25</sup> Wauhā vanachauganith heau haenedaune nauau: nau daunauyauade nau hāyānauusade hedauauwunenau, haenedauwaude haenevaudenene nau haevadaudenene. <sup>26</sup> Nau haedetha hanesānith haunauhaeu, nau hanaudedana dusedaunene hathauhuk. <sup>27</sup> Nau haeāedauwunaa, Nananene hahavaa nauusade; nau nananene hāsaunau nau nauaude gauchujānith wauau, hanau daujaesedanaude nanethauaunee. <sup>28</sup> Nau haeasenauna, nau haejejedā: hanaāejenuaohenith henesaunaune, nau haedadadasevaa. <sup>29</sup> Nau haeauhuhananadetha henesaunaune, Naune, nuu hawathāe jajenee hānesedaunathadenau, daudause hāhauwujethauwauauthana hāne hanathauhuwuhunaune: hau haunauau nananene hāhauwuthauuvene haudāsau, henee hanānesedenau haunauwuthajauade nauuu nādaehauhauau: <sup>30</sup> Hau chauchaunu hasenauusade naa hā, hāgaujauauthedaunādaunau hāheenaededaunau hee henesahehau hesānau, nananene hanadaunaude gauchujānith wauau. <sup>31</sup> Nau hanaāēdauwunaude, nā, nananene nanethenaedevene, nau vahee henee nāthāenetheyaunau nanahanāhene. <sup>32</sup> Dauudasadee henee haneenesehēe haunauwuthajauade, nau hadneethajauene: hee naa hahavaa denajaa, nau jaenaedede; nau denaunethauaude, nau jaevenade.

## 16

<sup>1</sup> Nau hanaāēdauwunaude jea hethauguhādaunau, hena jasaa haenethauyādā henane, haenethena hadāhevahew; nau haenanene haeauthauwuvaa henee daunethauyādauchude hevathayaunau. <sup>2</sup> Nau haedetha, nau hanaāenaudedauaude, Duthanee henee daunedauathane nananene? nayāde hādāhevaudenau hanau nananene hadnehauwuguthadāheva. <sup>3</sup> Hadāhevāhe, Hewauau hauaudnesedaunaune? hasethaujauhuk, hanau navahadāhewaunāde haedanauwunānu nadāhewau: haje-neenauchauhānu; thaununedauwuhunenau. <sup>4</sup> Haenauwau hadnesedaunau, henee hāenudanānaune hadāhewaude hadjedanethee hedauauwunenau. <sup>5</sup> Hanaāadethaude haunauude hadāhewaunādaune hethāesayānedanauwunādaunene, nau hanaāēdauwunaude nanedauwauaunith, Dauhudauchanau hasayānedanauwunaudenau nananene nadāhewaunāde? <sup>6</sup> Nau hāheyaugaune vadadausauau dejenauhūu javeda. Nau hanaāēdauwunaude Hedana hauwauthaunauha, nau janaugu nauhauhaunee, nau hadwauthaunau yauthauyauau. <sup>7</sup> Hanaāēdauwunaude jachau, nau dauhudauchanau hasayānedayauunau nananene? Nau hanaāēdauwunāde, Vadadausauau dejenauhūnee thauuuhaneuwauchūunau. Nau hanaāēdauwunaude, Hedana hauwauthaunauha, nau hadwauthaunau nasaudausauau. <sup>8</sup> Nau vahadāde haevaveenethedauna janechuvāhenith hadāhevahew, hanau dauhaenauau hasedaude: hanau dāeyaunauauau nuu hathāuauvaa henedaededauenau hāenuu javaānee hesenedāeyaunauauau. <sup>9</sup> Nau nananenu hādaunuwathana nesede nehayau henedaehāvade hee nethauyādahede hehauwuthade; henee hāejenenaedenā hadeesedanāna nedaujethauujenenaededaunenene. <sup>10</sup> Henane henee chaunuvāde hee haugajuhuyāgu haneechuvāde jea vasee: nau henane henee janechuvāde vanehaa hehauwuuchuvā jea vanasaunee. <sup>11</sup> Hith naaheene nananenu jechuvahena hāhauwuuthaheva nethauyādahede hanaa hadvenāde nananene hadanethaude hethauwu veaunauaude? <sup>12</sup> Nau hith nananenu hejechuvahenagu hee henehanahede jasaa henane hanaa hadvenāde nananenu henee hanahanahede. <sup>13</sup> Hegau nesethāhe hehauwunenesedauna hanesenethe hechauhauthethāhehau: jachau hanāasānauwaude hanesāhenith, nau hanāvechauthaude



jachau; wauāthe hanādudevede hanesānith, nau hanāthauhaunauhauwaude jachau. Nananena hāhauwuneenesedaunauva Hejavaneauthau nau nethauyādahehehauau. <sup>14</sup> Nau Nesethajauhuhauau jea, haeevenauwu vāejethā, haenedauwaudauwu vahee nuu hayauhuhau; nau haeauchaudana-vanauau. <sup>15</sup> Nau hanaāēdauwunaude nananena nethadee hasehādē hathaāhethee henane-nauau; hau Hejavaneauthau naenauau hadahenau: hanau henee nechauguanavadethee henanēdaa newauchanavathee hathaāhenethe Hejavaneauthu. <sup>16</sup> Nanavaavedaunau nau haeyāhehauau hau-naude nauu Jaun: heee hena henājanede Hejavaneauthau deheauthedaunee, nau haunauude henanenauau neheeneethenadethee. <sup>17</sup> Nau hehauwunauthau hejavia nau vedauauwu heyauhuā-gaune javaānee hanesadee haugajuhuu nanavaavede hadneeyauhuu. <sup>18</sup> Daun hausānaude henene, nau heneyaugu gauchuhunee, wauchudaudehaugauthenenede: nau daun hausāyane nanewaude wauchudaude. <sup>19</sup> Hena jasaa nethauyāsenane, haeneenu haevejayaunenau nau haegaugunesaunenau, nau haeneechauna hadauchenenee: <sup>20</sup> Nau hena jasaa nedauwuhu Lazarus haseagu, haesaese hedajanaunaa haevahaseva, <sup>21</sup> Haevadaugaudaude heee jeyauwaunau nejanesanenee hehethee nethauyāsenanene hevethededaunene: jea hathave haedasaa nau haenenesaudauwu hedsawau-nau. <sup>22</sup> Nau hethauwu, henee nedauwuhu haenaja, nau haenauaunechauhaa hautheaunau yese Abraham haenedauguva: nethauyāsenane jea haenaje, nau haenjanau; <sup>23</sup> Nau hadauveeyane haejenāaugau, haeaudauwuthajau, nau haenauhauva Abraham vavāune, nau Lazarus haenedau-guvane. <sup>24</sup> Nau haeneduva nau hathauhuk, Nāchau Abraham, jeauwunaune, nau jeautheavene Lazarus, henee hadejegunauhade naunauchuu hejadena naje, nau hadedauiyauvanauau nāthaune; hanau nananenau hanavachuunau nuu hesedaa. <sup>25</sup> Hau Abraham hahagu, Nā, hāenau henee nananene deenaedene neesedanauwu neethadee hayauhuhau, nau neesaunee Lazarus neewausaunee hayauhuhau, hau hewaunehaa hauwauthenaedede, hau nananene naunauchauthenaedene. <sup>26</sup> Nau jea vahee nuu, nahethāe nananee nau nananene haneduu vanasauu vanethaunauu janenane: hadnejenehedechaudenee hehethee hede hese nananene hehauwunee; daudause hehauwunee-jeauchusanauu hadaunee, henee nevadaujauthee hehethee hethaa. <sup>27</sup> Hanaāenehethaude, Van-evethedaunathane hena heee, Nāchau, henee nananene hadejejenanaude nāsaunau hedauauwu: <sup>28</sup> Hanau yaunauthaunethee nauhauwauau henee hadeāedauwunaude, jea havajaunenau nuu haduu naunauchauthauau. <sup>29</sup> Abraham hanaāēdauwunaude nanethenauthee Mosaseau nau haeyāhehau; jaathehaunauha. <sup>30</sup> Nau, hegau, nāchau Abraham: hau hith hanesāde jaeyehauhuk hehethee degau-jauaudāde, haunaunaunevethajauthee, hathāhuk. <sup>31</sup> Nau hanaāēdauwunāde, Hith jenedaunauhau-gaunee Mosaseau nau haeyāhehau, daudause hāhauwunee nadauwaunauau, daudause hanesāhenethe jaegauhāyugaune hehethee degaujauaudāhenith.

## 17

<sup>1</sup> Hanaāēdauwunaude hethauguhādaunau, Hāhauwuneene hau henee dauusenadenau had-nauachuu: hau naunauthauau hadnauauchaudaude daunjaunau. <sup>2</sup> Hanāneene henee thauyā-naunaugane henauānauyangu, nau seāguthadagu hadaje, hauhanāheejegaudavāhenethe henee haneedausenane the jachau nuu hajasēdēyaunauau. <sup>3</sup> Haunauyauhauwauau nehayau nananena: Hith hahavaenau havawauchuhāva, hadanadethauva; nau hith haunaunevethajauhuk, hadjaegu-danaunauau. <sup>4</sup> Nau hith wauwauwuhānagu nesaudauchu hajesesenenee, nau nesaudauchu ha-jesesenene naujaeyethaagudaunānagu, haunaunaunevethajaunau, hethānagu: nananena hadjaegu-danaunauau. <sup>5</sup> Nau vadahanauau, Vahadāhene, hethedaunanauwunā hedethauwaudaudenede, hathauhugaunee. <sup>6</sup> Nau Vahadāhenith hathāhugaunee, Hith nananena hethauwaudauwunagu hethāe hethāuu mausdaude jenayaunau, nananena hanāna nuu segaumau humauhauene, Hanā-gauchauhana hethājee, nau hanājenanauna hadajee; nau hanāthauwaudaunāna. <sup>7</sup> Hau hanaa nana-nena, hanāwauwunavede hanāthauuauwujethānith wauāthe hananajauānith, hanāthauna waunee hāenauusathe hehethee nauau, Najese nau hadjanaugu nau hadvethe? <sup>8</sup> Hau hanājenasenehethauna, Hesetheva nayaunenee hadnevethenau, nau duujehe nehayau, nau hadjeenechadaune hau-naude hesevethenau nau hesaveyānau; nau heuhauwune jenaevethene nau hadevaveyā? <sup>9</sup> Gauhadvaveene henee wauwau hanau dauhunaesedaude henee hanasenehethāthe? Haunauchāe hegau. <sup>10</sup> Naathahena, hāene nananena vahesedaunagu hena hayauhuhau hathauchuwuhana, Hāhauwuneejavaājasethānau wauwaunauau; vavade nanesedaunauau hadnesedaunuu, hadeva. <sup>11</sup> Nau hethauwu, daunauyehaude Dādaunedan, haeehedesa nahethāe Samaria nau Gananee. <sup>12</sup> Nau hāewaudasade jasaa hauauwudan, haenuchaunaa vadadauchu henanenau haenaujaune hedaugauwu-daunenau, haetheaugunenau vavāune: <sup>13</sup> Nau haeneduvanauau, nau hanaāenehethauthee, Heja-vaneauthusau, Hecauhauthethāhe,\* jeauwunauā. <sup>14</sup> Nau hāenauhauwaude hanaāēdauwunaude,

\* 17:13 Missing "h" in "Hec(h)auhauthethāhe" ("Master").

Waunenauhauthehaa hadanayaunenau vevethahevahehauau. Nau hethauwuu, henee daunausuyehauthee, haejegaudauvāhenauau. <sup>15</sup> Nau hanesāde, hāenauhaudauau henee dauunayauhade, haejaaagu, nau haevasenehe dauvaveenethedaunaude Hejavaneauthu, <sup>16</sup> Nau haeuāneseeve heauthene, haevaveenethedauna: nau haenaadāde Samaritan. <sup>17</sup> Nau Hejavaneauthusaun haeauchuhananadethā, gaujenayauhanauau vadadauchu? hau daude theaudauchu? <sup>18</sup> Hajenauhauvathee hajejaeyehauthee hadvaveenethedaunauthee Hejavaneauthu, vavade naa henewauu. <sup>19</sup> Nau haeāedauwuna, Gauhā, najesa: nananene hadethauwaudaude henayauhāne. <sup>20</sup> Nau hāenaudeadaunāde Nesethajauhuhau, daun henajanedauene Hejavaneauthu hadneenauauchaunee, Haeāedauwuna, Henajanedo Hejavaneauthu hadnehauwunauauchaune nausujauwuwuhadagu: <sup>21</sup> Daudaude hehedauneagu, Nauhaudauwuu hede, wauāthe, nauhaudauwuu hena, hanau, naune, henajanedo Hejavaneauthu thanāsadena, <sup>22</sup> Nau hanaāedauwunaude hethauguhādaunau, Hese hadnaauchuu, hāene nananena vadaunauhau-dauwunā jasae hese Heau henane, nau hadnehauwunauhaudava. <sup>23</sup> Nau hadnanethāna, Nauhaudau hede; wauāthe nauhaudau hena; jevayehauau, wauāthe jevathaughaa, <sup>24</sup> Waude hasauau jahagude, henee naunauasānauu hehethēe naugauthanee naugauauwuu hejavaa neenauasādaa jasaa naugauthanee naugauauwuu hejavaa; hadnaasauu jea Heau henane hadnaasaunee hedesēve. <sup>25</sup> Hau nedauu hadnanesenedauu wauthanee, nau hadnausāguthade nuu henaedede. <sup>26</sup> Nau waudenesaunee deenaedede Noe, hadnaasaunee jea hedesēve Heau henane. <sup>27</sup> Neauwauthevethehedaune, neauwauthevaveyauenee, neauwauthenenedaunee, neenenehathee, haunaude nauu henee Noe dejedāde havathee thewaunaa, nau haenaāenanadauwuauu, nau haenauauhā vahee. <sup>28</sup> Waudenaasauu jea deenaedede Lot; neauwauthevethehedaunee, neauwauthevaveyauenee, neauwauthaunaudenee, neheaudaunaudenee hayauhuhau, neauwauthenayauenee, neauuavadenee; <sup>29</sup> Hau hajeseneene henee Lot haenaude Sodom haesedanausaude nau haegauhauchanauauhaunauanganauu hehethēe hejavaa, nau haenauauhā vahee. <sup>30</sup> Hadnaasauu hese hāene Heau henane hāenauhauthethāthe. <sup>31</sup> Henee hese, hāanedauthe dasee hauauwuu, nau hevatheyaunau jedauwuu hauauwuu, nanehajejeauwusade hadejedanauu: nau henee hanedaude nauu, nanehajejeajeaude. <sup>32</sup> Dauyuwuu Lot henene. <sup>33</sup> Daun vanadaunayauadede hedenaedede hadnanadede; nau daun hadnanadede hedenaedede hadnenayauadede. <sup>34</sup> Nananenau nāedaunwunathana, henee veeyagu hadnesethee henanenauu hanesadenee hauu; hanesāde hadnedanade, nau jasaa hadnathauaude, <sup>35</sup> Hanesethee hesānauu hadthauyāthee wauhaunee; hanesāde hadnedanade, nau jasaa hadnathauaude. <sup>36</sup> Hanesethee henanenauu hadnanedauthee nauu; hanesāde hadnedanade nau jasaa hadnathauaude. <sup>37</sup> Nau haeauchuhananadethanauu, Daude, Vahadāhene? Nau haeāedauwunā haduu vadanayau, hanaadauhauāneauhuthee neahehauu hauānee.

## 18

<sup>1</sup> Nau haeenanadetha hauthaunauhānee nuu heee, hena henane hāvachudajauaunevevetha, nau hājethauujesevenauu; <sup>2</sup> Hahagu haenedau hedan hauchuwunane, haejesa Hejavaneauthu, daudause hathauwunanenau: <sup>3</sup> Nau haenedau henevesā hena hedan; nau haejeedasa, Jeaugaunayewhu naujauthavaa, hathauhuk. <sup>4</sup> Nau haejevadaunaasedau: hau waunee hasethajauhuk, hewauāthe nejechauu Hejavaneauthu, nau hathauwunanenau; <sup>5</sup> Hau nausunee hanau naa henevesā hajanauhuhānu, hadenayauhauu havaedajauaunejau navanadauchuhaa. <sup>6</sup> Nau Vahadāde hasenehehuk, Jaathehaa hasenehede janechuvāhede hauchuwunane. <sup>7</sup> Nau gauhujavaneauthu gauhadne-nayauha nehayau hanayāsanaunau, hauwauadaunādaunau hese nau dajāee, hau negudauchuhaude? <sup>8</sup> Nananenau nananena nāedaunwunathana henee hadnauchuhanenayauhaude, Hau hāejauthe Heau henane, gauhadveede hethauwaudaude nuu hathāauavaa. <sup>9</sup> Nau haeauthaunanadetha jachau nethauwadaunadenethe nehayau henee dauchuvahethee, nau newaachānauwuthee hauthauu: <sup>10</sup> Hanesethee henanenauu haeyehaunauu vevethahenauauwuu hadvevethahethee; hanesāde Nesethajuhu, nau jasaa hauyāthe. <sup>11</sup> Nesethajuhu haetheaugu nau haevevetha waude heee nehayau, Hejavaneauthu, nananenau vaveenethedaunathane, henee nāhauwunaathā hauthauu henanenauu hathahethee, hedanauwuyāhehauu, janechuvahethee, jatheaudauwuyāhehauu, daudause naa hathāde hauyāthe. <sup>12</sup> Nananenau nenaugauyānu nese hanesadee hauchauvadede, Nevānu vadadauchu vahee henee nāthāenetheyanau. <sup>13</sup> Nau hauyāthe haetheaugu vavāune, daudause haejejenāanguu hejavaa, nau haeenanadesejāhede, Hejavaneauthu jeauwunaune wauchudaunau, hathauhuk. <sup>14</sup> Nananenau nāedaunwunathana, naa henane haejaeyehau hedauauwuu haeauwunauu haejavaāhe jachau: hanau dathājee hanesāde henee nevadaujavaājanethee nehayau hadnauwujenanade; nau henee nenehanethaunadede hadnejanade. <sup>15</sup> Nau haejādaunanauu jea hajasedāyeanauu, hadnevasanaude; hau hāenauhaudauwunethe hethauguhādaunau, haeneneu-vanauu. <sup>16</sup> Nau Hejavaneauthusaun haeadetha, nau hahagu, Nanehajuthee hajasedāyeanauuauu, nau jevadaudavaa: naathāhenethe henehanahedaunau henajanedo Hejavaneauthu. <sup>17</sup> Hethauwuu

nāedauwunathana, Daun hadjesedanauau henajanedauene Hejavaneauthu hasenaedenethe hajasēdāyaunauau hadnehauwuneejedā. <sup>18</sup> Nau jachau hauchuwananene haenaudedanaa, Hethāhene Hechauhathethāhe, nauddusedau hadnedanauwau jethauujenenaede? hathauhuk. <sup>19</sup> Nau Hejavaneauthusaun\* haeāedauwunaa, Naudu hethāde haesene? henaneda hehauwuthā, vavade hanesāde, nananede, Hejavaneauthau. <sup>20</sup> Nananene haenauwu nanavaavedaunau, Jevawauchudauau heee haugauthenenede, Jevanaa, Jevaaveda, Jevajayaudauwāedauwauthadee, Vechauchune nananene hāsaunau nau hānau. <sup>21</sup> Nau hanaāenehede, Vahee nuu haunaunedenau heee daujeeseaunau. <sup>22</sup> Wauhā Hejavaneauthusau hānedauwaudauau nuu, Hanaāedauwunaude, Hanesadee hāhauwusenethene: Vaheaudauna henee hāthāenetheyaunau, nau hadjaanauwunaunauau hadavenuhuhauau, nau nananene hadnethenauwu haenathau hejavaa, nau hadejau hadjethaugu. <sup>23</sup> Nau hāenedauwaudauau nuu, haeaudauwuthajau: hanau deethauwunethauyā dāde. <sup>24</sup> Nau Hejavaneauthusaun hānauhauwunith henee dauaudauwuthajau, Duthāenanauthaune henee nanethenuu veaunauau hādnesējedāthee henajanedauene Hejavaneauthu, hathauhuk. <sup>25</sup> Hanau hehauwujajathane heee camēl hehedesahagaunee hajasevāhau nedaunaunedenee, javaāneenauthane nethauyāsenane hādnesējedāde henajanedauene Hejavaneauthu. <sup>26</sup> Nau hathāenedauwauduu, Hanaa hadnenanedane? hahagaunee. <sup>27</sup> Nau hanaāenehenith, hayauhuhau hejethauneethane nau henanenauu nenedede Hejavaneauthau. <sup>28</sup> Hanaāenehede Peda, Naune, naunaudaunauau vahee, nau thaunauguhane. <sup>29</sup> Nau haeāedauwuna, Hethauwu nāedauwunathana, hena haunauude henane henee hehauwunaude hedauauwu, wauāthe henehā, wauāthe henauhauwauau, wauāthe henene wauāthe henesaunau, heee henajanedauene Hejavaneauthu hēdenaededaunene, <sup>30</sup> Nananede hadjavaānesedanauau nuu hewaunehaa, nau hathāauauvaa hadnausanaunau hēnadede hadnejethauwadaunau. <sup>31</sup> Hanaāedanaude nesene, nau hanaāedauwunaude, Naune, hadneyehanaunau Dādaunedan, nau vahee hayauhuhau hathēwauthaunauhuu haeyāhehauu heee Heau henane hethauwunauauchauau. <sup>32</sup> Hanau hadvenavathe Neauthu, nau hadvavavanauchuhāde, nau hadnaunaunauchaudauchuhāde, nau hadneguthahayauthāde. <sup>33</sup> Nau hadnesegauhude, nau hadnaāde: nau nasese hadnaāejaegauhāde. <sup>34</sup> Nau haejaenauwu nuu: nau nuu hauthedau haeyaudaunaunauau, daudause haejaenauwu hathauthedaunāthee. <sup>35</sup> Nau hethauwu, hāyāedadauau Jericho, jāsaa haenanenauu henane haetheaugu nedechaudenenee dauhunedauwau: <sup>36</sup> Nau haenedauwau hēnanedanede dadavechaudenenee, haenaudedauva haesedaunenene. <sup>37</sup> Nau haeāedauwunau, henee Jesus Nazareth hanehedesade. <sup>38</sup> Nau hanaāevasanadede, Hejavaneauthusau, nananene Heau David, jeauwunaune, hathauhuk. <sup>39</sup> Nau henee nanedauvathee haenenevauanau haddādaunauunith: hau haevasanade haugauthe, Nananene Heau David, jeauwunaune. <sup>40</sup> Nau Hejavaneauthusau haedausa, nau haeauthēvau hadjādaunede: nau hāyājenauusanith, haenaudedana, <sup>41</sup> Hauddusehathe henee hadenaesehathane? hathauhuk. Nau hanaāedauwunaude, Vahadāhene, nanaa hadeesedanauwau nauhaudauwau. <sup>42</sup> Nau Hejavaneauthusau haenehetha, hanesedanauwu nananene nauhaudauwau: hadethauwauwau hēnayaūhāne. <sup>43</sup> Nau chauchaunu haesedane henauhauwau, nau haethaugu, haevaveenethedauna Hejavaneauthu: nau vahee hēnanedanede, hānauhauwau, haevaveenethedaunanaunau Hejavaneauthu.

## 19

<sup>1</sup> Nau Hejavaneauthusau haewaudasa nau haechaugusa Jericho. <sup>2</sup> Nau, naune, haenedau henane Zacchaeus haseagu, haenajawauna hauyāhehau, nau haevaunau. <sup>3</sup> Nau haenenavadaunauhauva Hejavaneauthusaun haedāhenethe; nau haejeneene daunauthethenedaunenee, heee daujaahede. <sup>4</sup> Nau haesayāgāu, nau haenauhuu sycomore hunauhaudee hadnauhauwau: hanau hadnehedesanith. <sup>5</sup> Nau Hejavaneauthusau hājeedadauau, haeejāne, nau haenauhauva, nau hathauhuk, Zacchaeus, nauhauhuhu, nau jeauwusa, hanau nuu desenee hadnanaunau haudauwuu. <sup>6</sup> Nau haenauhauhu, nau haejeauwusa, nau haedasa nauuu neethajau. <sup>7</sup> Nau hānauhauvāhede, vahee haeneānaune, Henee hadneejādavenethe henanene henee wauwauchudauhu, hathāhuk. <sup>8</sup> Nau Zacchaeus haetheaugu, nau haeāedauwuna Vahadāhenith; Naune, Vahadāhene, vayaugauu nauaunauvanu vanenu hadavenuhanau; nau hith hedanavanaugu hayewhu hehethēe daun henane hanājayaudauvāedauwauthauu, hanājavaāvenauu yāyaunee. <sup>9</sup> Nau Hejavaneauthusaun haeāedauwunaa, Nuū desenee henayauthāhe hedadauau nuu hauauwu, hanau nechau haneāvāde Abrahamvene. <sup>10</sup> Hanau Heau henane nauusade hadnaudethāde nau hadnenayuhaude daun nauethauaunith. <sup>11</sup> Nau hajesenedauwau nuu hayauhuhau, haethedaunene nau haeauthaunahānanaedetha, hanau dauhuauchauu wauu Dādaunedan, nau hanau daunaunadu henee henajanedauene Hejavaneauthu chauchaunu wauuhaadenauhauu. <sup>12</sup> Hanaāenehede hēnaheee, Jāsaa naja haeehau vavāune

\* 18:19 Missing letter "u" in "Hejavaneauth(u)saun", which often appears (as does "Hejavaneauthusau") where we would find the name "Jesus" in the KJV.

vedauauwuu hadnesedanauau heee nehayau najanede, nau hadjaejaude. <sup>13</sup> Nau haeadetha vadadauchu hewauwaunauwau, nau haejaanauwuna vadadausauna vaejethā, nau haeēdauwuna, Hadeudaunava haunaude jaenauusanagu. <sup>14</sup> Hau hauauwunanenau haesānavaa, nau haeyethautheavedaunene thauguu, Nāhauwuvadaunethenauva naa henane nāhauwuvadaunajawaunāva, hathāhuk. <sup>15</sup> Nau hethauwuu, henee haejaenauusade, haesedane najanede, hanaāachuuwuhaude nuu wauwaunau hadnadethaude, hevenaunau vaejethā, henee hadnaenauau haedauchu dathājee henane haedauchujavaājasedethe heee hedaudaunaunau. <sup>16</sup> Hanaāejenauusade nanedauvade, Vahadāhene, havāejethāwau javaājasedede vadadausauna vaejethā, hathāhuk. <sup>17</sup> Nau hanaāedauwunaude, Hethadee, nananene hethāhene wauwau; hanau nananene nethauwaudauwuu heee naugajuhuhuu hadnajawau-dauwu vadadausauna hedan. <sup>18</sup> Nau naneseauwade haejenauusa, Vahadāhene, havāejethāwau javaājasedethee yauthauyauna vaejethā, hathāhuk. <sup>19</sup> Nau vavade hanaasenehethaude, Hadnehanāhene yauthauyauna hedan jea. <sup>20</sup> Nau jasia haejenauusa, Vahadāhene, Naune, heyewnuu havāejethāwau, neaunaunedenau nejenanauwau hāheāhaunaa, hathāhuk: <sup>21</sup> Heee dauhusathane, hanau nananene daugaunaunauwunanenene: nananene hedanau henee hājejenayaunau, nau hadegauchu henee hājejenayaunau. <sup>22</sup> Nau haeēdauwuna, hehethee nehayau hadenaa hadaachuuwathane, nananene hauhauganene wauwau. Haenauwuu henee daugaunaunauwunanenenu, hedanauwau henee nājejenayaunau, nau hadgauchauwau henee nājejenayaunau: <sup>23</sup> Naudu gauhājevā navāejethāwau nedauhaenaevējethā, henee hājejenauusanaune hadeesedanauwuu nehayau javaānee? <sup>24</sup> Nau haeēdauwuna henee daunauthetheaugunethe, Hedanauwunaa vaejethā, nau hadevenau henee vadadauchuvaejethavade. <sup>25</sup> (Nau hathāhuk, Vahadāhene, nanethenauau vadadauchuvaejethā.) <sup>26</sup> Hanau hāedaunauthane, Henee dathājee hanesāde nanethenauau hadnevenade; nau henee janejasedede, daudause henee henetheyaunau hadnedanauwunade. <sup>27</sup> Hau hena naujauthauwauwau, henee najevadanaunajawaunauwau, hadjāthauva hede, nau hadnaunauwauvua hathājenau. <sup>28</sup> Nau hāesanāsenehede nuu, haenedauva, haenauauhuyehaunauau Dādaunedan. <sup>29</sup> Nau hethauwuu, hāayānauusade Bethphage nau Bethany, haua Olives haseāgu, Haesayānauthaeva hanesenethe het-hauguhādaunau. <sup>30</sup> Najesaa nananena hesee hajasee hauauwudan hathaāsana, hathauhuk; nanaa waudasanagu hadveehauna dātheveehauchavesau hadduguhude, hehauwuthaunene henane dachaugu: hadaugunauva, nau hadjāchadauneva hede, hathauhuk. <sup>31</sup> Nau hith daun henane naudedanānagu, Naudu hauaugunauna hethānagu? hesau jenaasenehethauna, hanau Vahadāde haddaununaude. <sup>32</sup> Nau henee hautheavathae hanaāejathāuthae, nau haeveehanaunau neesenehethaude. <sup>33</sup> Nau daunauunaugunauthae dātheveehauchavesaune, hedauneehith, Naudu haaugunauna dātheveehauchavesau? hathāhaugaunee, <sup>34</sup> Nau hanaāedaunauthae, Vahadāde haddaununaude. <sup>35</sup> Nau haenauuchaudananaunau Hejavaneauthusaun: nau haedadasanaunauwunanauau hedāchaunenu dasee dātheveehauchavesaun, nau haeaugaunauwunanauau Hejavaneauthusaun dasee. <sup>36</sup> Nau daunauunauyehaude, haesasaunauwuu hedāchaunenu vaunaa. <sup>37</sup> Nau hāayānauusade, wauwu haeauwusa hauanee Olives, haunauude hadauchude hethauguhādaunau hanaāaunauwuthajauthae nau hae-vaveenethedaunanaunau Hejavaneauthu nauguu haevasānadedauune heee vahee hathāenauthaunee henesethaunene henee henauhauthaunenu; <sup>38</sup> Hau nauwuthajauau Naja henee jaunade haneneseeede Vahadāhenith: danādauyauau hejavaa, nau vaveenethedaunauwuu javaājaunadaa, hāheagu. <sup>39</sup> Nau hauthauau Nesethajauhuhau hehethee henanedaa, Hechauhauthethāhe, neuwune hāthauguhādaunauwuu, hathāhuk. <sup>40</sup> Nau haeachuuhanaēdauwuna nau hasenehethauhuk, Nananenu nāedaunwunathana henee, hith nuu dādaunauwunagaunee, hauunauwunauwuu chauchaunau hadneduhuthee. <sup>41</sup> Hau hāayānauusade, hāenauhauwunau hedan, nau haevewau, <sup>42</sup> Hanaāenehede, hith heenauwunagu, ha nananene, ha nuu hadeseve, hayauhuhau naathuu hadādaunahedaunaa, nau hewaunehaa yaunaudaunane hasesāe. <sup>43</sup> Hanau hese hadnedasāna henee haujauthauwauwuu hadnesedethee havathegauiha heee nananene, nau hadnechauchaunāna nauanee, nau hadnaunauwunehāna daudana hehethee, <sup>44</sup> Nau hadnanaunauvaenāna, nau hadāeyaunewauwuu hanedauchaunawaunauwuu; nau hadnehaunauwunaudanauwunā hanesāhenith hauunauwunauwuu hanathaugunethe; hanau nananene daujaenauwuu hāenauwunādaunathana. <sup>45</sup> Nau hanaāeyehaude vadanedaunauwuuwuu, nau hanaāenudanaude henee neaudaunauthae jedauwuu, nau henee naudaunauthae; <sup>46</sup> Hanaāedaunauwunade, Wauthaunauwuu, Naudauwuu haneauwunee hadnevevethahedaunee: hau nananena haesedana nedaunadee heyāenau havedehaunau. <sup>47</sup> Nau haeautheda hayauwusenene vadanedaunauwuuwuu. Hau najanauwuu vevethahevahehauwuu nau wauthaunauhāhehauwuu nau najavahehauwuu henanedanede haeneenanaude-haa hadnaāde, <sup>48</sup> Nau haeeyauhune nesenehāde hanau vahee henanedanede haenāedevenenu dauhujaathehāde.

nauauwuu, nau haeauthedaude waunauyaanee hethadenee, najanauau vevethahevahehauau nau wauthaunauhāhehau haedasaa nauuu vachaugananenau, <sup>2</sup> Nau hanaāanadethauthēe, Jeauthedaunā, hayew hāenaudahēe hāenesedaude nuu hayauhuhau? wauāthe hanaa henee havenāde nuu hāenaudahē? <sup>3</sup> Nau hanaāauchuhananāedauwunaude, Nechau hadnaudedaudanathana hanesadee hayewhu; nau hadjeāedauwunēva: <sup>4</sup> Heedusaayāde Jaun, gauhuhuthaune hejavaa, wauāthe hehethee henanedaa? hathauhuk. <sup>5</sup> Nau haeeegaugaugaudenauau, hith hesauh-esenehethaunauaugu, hehethee hejavaa; hahagaunee, Naudu haejethauwaudaunauna? hanāthānauau. <sup>6</sup> Hau hethaunauaugu, hehethee henanedaa; Vahee henanedanede hanāedaudauuānauau hauunaugāe, hanau hethauwaenaunathēe henee Jauneau dauhaeyānith. <sup>7</sup> Nau haeāedauwunanauu, daujeneauthedaunathēe daunthaunee. <sup>8</sup> Nau Hejavaneauthusau hanaāedauwunau, Daudause gauhauhdnauthedaunathava daun nāenaudahēe nāenesedaude nuu hayauhuhau. <sup>9</sup> Hanaāejasesanadedauau henanedanede heee dajenehede; Jasaa henane haejenane dadajevenevesenethauchayau, nau haeehathauauuwujethāhehau, nau haejathāu heseē vavāune vedauauwuu haegudaunā. <sup>10</sup> Hāenauauchaunee haeyethauthēava wauwaune heseē thauauauwujethāhehau, henee hadjevenāde vevenaundenau hehethee dadajevenevesenethauchayaunaa; nau haeneneseguhuu, nau haejathethajenāhee jessaa. <sup>11</sup> Nau jea haeyethauthēava jachau wauwaune; nau haeneneseguhunauau jea, haedadayānauchuhanauau, nau haejathethajenāhee jessaa. <sup>12</sup> Nau jea haeyethauthēave nanaseauwaunee: nau haenasenēhanauau jea, nau haenuguthanauau. <sup>13</sup> Hanaāenehede hadāhevāhe dadajevenevesaa, Hewauaujeesedaunaune? Hadauthēawauau navechauthau nāa: Nauchāe hadeneehauthēe hāenauhauwaunathē. <sup>14</sup> Hau thauauauwujethāhehauau hāenauhauwauthee, haegaugaugaudenauau, Naa nananede hadvanehanāde: nahājauau hadenauaune, henee headevanehanahedaunau hadenēhanahenauau. <sup>15</sup> Hāenāenuguthauthēe dadajevenevesenethauchayaunaa, nau haenaanauu. Haudneduseha hadāhevāhe dadajevenevesenethauchayaunaa? <sup>16</sup> Hadejaude nau hadnauauhaude nuu thauauauwujethāhehau, nau hadgauchuhuvāde dadajevenevesenethauchayau, hathauhuk, Nau hāenedauwauduu, hadnehauwunaasau, hahagaunee. <sup>17</sup> Nau haenāuhauva, nau hanaāēdauwunau, Dusau nuu henee wauthaunauhuu, Hauunauganau hauauvāhehauau hausāguthaunenau, hanānanenith hāhe hanādāde nedauthēauunee? <sup>18</sup> Daun janeseē dasee nuu hauunaugane hadthauusee, nau dasejaneseagu hanānauchauwuthauthāhaunaude. <sup>19</sup> Nau najanauau vevethahehehauau nau wauthaunauhāhehauau chauchaunu haegaugauanavanauau hadnesedanauthēe; nau haeedauwu henanedanede heee dauhāenuu henee dauhuanadēde nuu dajenehede heee. <sup>20</sup> Nau haeauauyauhauvanauau, nau haeauthēavanauau haunauyauhauthāhehau, hadnanadaunethānethe hadchuvāhevathē henanenau, henee hadnesedanauwunethe hedanadedauunau, henee hadenauchaudaunathēe hejadenenau nau naunadāhenethe hauchuwunanene. <sup>21</sup> Nau haenaunaudedauanauau, Hechauhauthēthāhe, haenaunee henee hasenehenaune nau nethauwuchauhauthethāne, daudause hāhauwujāvedaugauhauwaunauau henanedanauau hegau, nau hanechauhauthethāne heseē Hejavaneauthuu hethauwuu: <sup>22</sup> Gaunaasauau heee nananee hadnevenade hauāyauunau Caesar, gauwauāthe hegau? <sup>23</sup> Hau haeauenauwu henaadunedaunenau, nau hanaāēdauwunaude, Naudu haevadauvasehena? <sup>24</sup> Jenauhauthēhee vāejethāe. Hanaa hewauthaunenauaudene, nau hanaa hewauthaunauhaneede? Haeauchuhanāedaunauanauau, Caesar. <sup>25</sup> Nau hanaāēdauwunaude, Jauaunaudaunaa heee Caesar hayauhuhau henetheyaunau Caesar, nau Hejavaneauthau hayauhuhau henetheyaunau Hejavaneauthau. <sup>26</sup> Nau haejeneesedanauwu hedanadedauunene hathājēdaunenee henanedanede: nau haegaugauanadauwu hedauchuhanehedaunene, nau hanaāēdādaunauguthee. <sup>27</sup> Hanaāejeedauchauthēe jasae Sadducees, hayāthajauhuhau henee hadjejaegaughadenenee: nau haenadedauanauau, <sup>28</sup> Hechauhauthethāhe, Moses hathauthaunauwunānauau, Hith daun henane henauhauwauau gaujauaudāheyaugaune, heneneyaugaune, nau gaujauaudāheyaugaune jedāeyauneveyaugaune, henee henauhauwauau hanādanaude henenene, nau hanānesaunede heee henauhauwauau, hathauhaugaunee. <sup>29</sup> Hena heee haenesaudauchunauau henahavaevadehehauau: nau jasaa nedauau haeenene, nau haenaja haejedāeyauneve. <sup>30</sup> Nau naneseauwaude haeneva, nau haenaja haejedāeyauneve. <sup>31</sup> Nau nanaseauwaude haeneva; nau vavade haenaasene naneseaudauchaunauwaude jea, nau haejenauthanauau dāeyaunauau, nau haegaugauaudāhenauau. <sup>32</sup> Waunee vahee hesā haegaugauaudā jea. <sup>33</sup> Henaheee jaegaughadeneyāgu hanaane hadnevādaune? heee hanesaudauchunethe daunevāde. <sup>34</sup> Nau Hejavaneauthusau haeauchuhanāedauwuna, dāeyaunauauau nuu hathāuauvaa nenevadedauunee, nau nenenehadenee: <sup>35</sup> Hau daun naunauguathee hadnenaedēduu hena henaedede, nau jaegaughadeneagu hehethee gaujauaudahede, hadnehaunewevadedauunee, hegau hadnenenehadēdaune: <sup>36</sup> Daudause hadnehaunauthēnajaunee: hadnaathahēdaunee hautheauunau; nau hadnēnēsaunēvāthee Hejavaneauthu, naathēdāeyaunenedaunee jaegaughade. <sup>37</sup> Wauhā henee gaujauaudahehehauau hadjaegaughāthee, Moses denauhauthēhade jauauadee, deadethāde Vahadāhenith Hejavaneauthu Abraham, nau Hejavaneauthu Isaac, nau Hejavaneauthu Jacob. <sup>38</sup> Hehauwuujaunauthene

heyauhaudade, hau henaedede: hanau vahee haneenaededaunenee. <sup>39</sup> Hanaāene jasia wauthau-nauhāhe haeauchuhananadetha, Hechauhauthethāhe. Nananene hethade hasenehene. <sup>40</sup> Nau heee haejauthenaudedauanauau. <sup>41</sup> Nau hanaāēdauwunaude, Naudu haena hanee Chris Dāvid\* dauhuāwaude? <sup>42</sup> Nau Dāvid nehayau hasenehede wauthaunauhanaa Psalms,† Vahadāde hasenehethaude Navahadāhewauādaune, Hadjejanaugudaune hejavesanee, <sup>43</sup> Haunau nadeesehaunauau haujauthauwauau hadnedagaūgunene. <sup>44</sup> Dāvid henahee haeheenesea Vahadāhenith, dusee heau? <sup>45</sup> Nau vahee henanedade haenedanau hanaāēdauwunaude hethauguhādaunau, <sup>46</sup> Waudauu wauthaunauhāhehauau, neneanaduu javesanee sauaunauasāchaude, nau vechauduu jachauthadede nedauaudaunauvadedauunenee, nau najatheaugudaunau vevethahenauauwuu, nau najanau nedaugunethe vanethehedaunenee; <sup>47</sup> Naudauvāe henevesānau hedauauwunene, nau hanau denauhauthethāthee deguthevevethahethee: hadnathee hanesedanuu vanasaunee gudanadede.

## 21

<sup>1</sup> Nau haejeāne, nau haenauhauvā nethauyāsenanene haejenanauwu hevaudenenu haenathau-naa. <sup>2</sup> Nau haenauhauva jea jachau hadavenuhu henevesāne haethāgudene hanesāenee nevaāhenee vāejethāau. <sup>3</sup> Nau hanaāenehede, hethauwuu nananenu nādaunuwunathana henee naa hadavenuhunede henevesā javaājenanauau vahee; <sup>4</sup> Hanau vahee nuu nanethauyādahethee dejenanuu dejenanauwunauthee Hejavaneathu: hau hadavenuhunede hajananauu vahee heenaededaunau hathāenethenauau. <sup>5</sup> Nau haehegaugaugaudenauau vadannauauwuu, haseneehenee nauguu het-hāhenethe hauunauganau nau hausāyauau, hanaāenehede, <sup>6</sup> Nuu hayauhuhau hānauhauthaunenau, hesee hadnauaichuu, hadnehauwunathauau hanesāde hauunauga hanathaugude hadvjanese. <sup>7</sup> Nau hanaāenaudedauauthee, Hechauhauthethāhe, hau hadduunaasau nuu? nau hayew hadnauhauwuu hadnesauu hāne nuu hayauhuhau hadneenauaichuu? hauthaugauunee. <sup>8</sup> Nau hanaāenehede, haunauyauhauwauau nau henehenu nananenu hadejenanedaunehana: hanau hadnewauthathee hadjauthee Naneseedaunaa, Hanejavaneauthusaunenenu, hadnethee; nau hayānauaichauau: jevathauguhaa. <sup>9</sup> Hau hāenedauwaudauwunā vauthadede nau jajayauthadede, jeva nathajauau, hanau nuu hayauhuhau hadnedauunauaichuu; hau hadneevadauauau hadguthauau. <sup>10</sup> Hanaāēdauwunaude, jajaesenanedede hadnevauthadee jajaesenanedaa, nau najanede hadnevaudauau najanede: <sup>11</sup> Nau hadnavathethauthauwunauauu vedauauwuu, nau hasenaude, nau havathaugauwude, nau naunau-nauchaudauhauthaude nau hadvasauu naunauhauwuu hadnauaichauau hehethee hejavaa. <sup>12</sup> Hau hadnejesejenauaichuu vahee nuu, hadnedanāna, nau hadnaunaunauchauthehāna, nau hadnevau-denee nananenu hauāchaude, nau duguhunauauwuu, nau hadnenauaichuhana hathaājethee ne-nauchuwuthee nau hauchuwunanenuau hanau Naneseede heee. <sup>13</sup> Nau hadnaasejenanauwunana heee haenathau. <sup>14</sup> Hāenauwuu heehenu nananenu hadahenauau, jevagaugauuthajauau nedauau daun hadnesenehena: <sup>15</sup> Hanau hadvenathana vade nau haeyauu, vahee hasānavādaunenau had-nehauwuneayādaunāva hegau hayethaagudaunādaunenau. <sup>16</sup> Nau nananenu hadnavethevāthee nesauuu hanehānenau, nau hāthesaunenau, nau hādaunānenau, nau hādaehahenu; nau jasia nanaenu hadneenaana. <sup>17</sup> Nau hadneevahasānavāhenu vahee henanedaa hanau naneseede heee. <sup>18</sup> Hau hegau hāthaanenau haudauguhuanenuau hadnehauwugaujauaudāhenaunau. <sup>19</sup> Hanāedevedauunenau had-naunaunehauddē havadathuwunau. <sup>20</sup> Nau hāenauhauwunā Dādaunedan hadnechauchuaunāna vanenanenuau, nanehāenauwuna henee nauauhadede wauwu hadneadaa, <sup>21</sup> Nanehadaugauhuthee hesee hauanee hathāanedauthee Judaea; nau henee hathāanedauthee nahethāe nanehanauahethee; nau jevajejedānauha henee hathāanedauthee gauchuhunee vedauauwuu. <sup>22</sup> Hanau nuu hesee had-neauthedaunenee henee vahee hayauhuhau hathāewauthaunauhu hadnethauwunaasauau. <sup>23</sup> Hau naunauthaunee hadnethauauvāhethee hathāenesaunethee, nau hathāeneauthuthee hena hesee, hanau hena hadnavathasenaunee vedauauwuu, nau hasenaunaudaunāhenuau nuu henanedanede. <sup>24</sup> Nau hadneaunathāhethee gaugauthau, nau hadnejathechauhāthee hadwauwaunenethee vahee jajaesenanedanede: nau Dādaunedan hadnauguhethee Neauthu, haunau Neauthu nauauchaudauhau-gaunee. <sup>25</sup> Nau hadnauhauthaunee heseese, nau vegusesee, nau hauthuuu; nau nanadee hathāauauvaa hadnaunauādaugauhadaunee jajaesenanedanede, hadnehaunaenauu; hadaje nau hadnaunaudā-naunee; <sup>26</sup> Henanenauu hedahenu hadnadenāthajauunee, nau hanau naunauyauhaudduu hena hayauhuhau hadnauaichauunee dasee hathāauauvaa, hanau hathāenauthauau hejavaa hadnauauwu-nauauau. <sup>27</sup> Nau hadnaāenauhauwauna Heau henenu hadnenausade henaunauade nauguu naunauthaunee nau hadnavathenausāuau. <sup>28</sup> Nau hāene nuu hayauhuhau hāenauaichuu, nauhadnaāe-

\* 20:41 "Dāvid" is spelt thus here and in two other places nearby, 20:42 and 20:44. The name is spelt "David" in its other ten appearances in the text. (See note for 13:16.) † 20:42 "Psalms" is capitalized here but not in 24:44, but both are almost certainly deliberate. As per the KJV, "Psalms" in 20:42 is the name of a book in the Bible, but in 24:44 the common noun "psalms" is meant.

nau nauaānena; nau hadnejenāauguauna heee hadneejaenauthana hadnaēaadaa. <sup>29</sup> Nau hanaāedada-jenehethaude; Nauhauvaa hauuyauhauhaude, nau vahee hahaudenauau; <sup>30</sup> Hāeguugaūhēnauthē, hadnauhauwauna nau hadnaenauwuna nehayau henee veja dauhuaadaa. <sup>31</sup> Hadnaasauau nananena hāenauhadauwunā nuu hayauhuhau hadnethauwunaasauau, hāenauwuu henee henajane de Hejavaneauthau haneaudanee. <sup>32</sup> Hethauwuu nāedauwunathana, nuu henaede de hadnethauwuvadauau, haunaude vahee hadnethauvāe. <sup>33</sup> Hejavaa nau vedauuwuu hadneyauhuu; hau Nadanadedau nau hadnethauwuthauuyauhuunau. <sup>34</sup> Nau haunauyauhauwauwau nehayau, naseduhuu daunāene hadahenau havaehayaudenau heee haudauhauganedaunenau, nau havanadenenau, nau haunauethaunenau nuu henaede, nau henee hese de hadgauduanaāna hau hadnethauwae-nava. <sup>35</sup> Hanau waude nauyaudenau hadnauauchaau vahee hathāethaēugude dasee hathāhauwava. <sup>36</sup> Haunauyauhauwauwau henaheee, nau hevevethahee dajauanee, henee nananena hadehenau-guana hadegauchuhauwuna vahee nuu hayauhuhau henee hadnauauchuu, nau haddetheauguna hathāhede Heau henane. <sup>37</sup> Nau hesenee haechauhauthethā vadanauwuu; nau hāeveeyanee haenauā, nau haeadāne hauanee henee neseeyāgu hauanee Olives. <sup>38</sup> Nau vahee henanedanede haejevanauchaudene naugusāje daunauganenee hadaude vadannauwuu, heee dauhujaathēhāde.

## 22

<sup>1</sup> Wauhā hadneevasevenerē janenesaunauchauanauhuu jauaujaunau haeayānauaucha, Hadavechaude neseāgu. <sup>2</sup> Nau najanau vevethahevahehau nau wauthaunauhāhehauau haegaugauanadauwunenau hadnesenaāde; hau haedauwu henanedanede. <sup>3</sup> Hanaāējedāde Haujau Judas hejaveede Iscariot, haenethaneda vadauchunesenee. <sup>4</sup> Nau hanaāējethāhāde, nau haeanadetha najanau vevethahevahehau nau haunauyauhauthāhehau, hadnesevedaunaauwaude. <sup>5</sup> Nau haeneethajanaunau, nau dechachuuwuhadethee hadvenāde vāejethā. <sup>6</sup> Nau haesayānehetha, nau haeunauyauhauwauwau hadneeneavedaunaunauwaude henanedanede. <sup>7</sup> Hanaāenauauchaau hese de janenesaunauchauanauhuu jauaujaunau nana hadavechauthau hadnāede. <sup>8</sup> Nau hanaāauthēawaude Pedaheau nau Jauneau, Najesaa hadesaanudeva hadavechauthāde, hadevethenauau, hathāhaugaanee. <sup>9</sup> Nau hanaāēdauwunauthē, Daudu hadauvathēhāne hadnedausaanuu? <sup>10</sup> Nau hanaāēdauwunaude, Naune, hāejedānē hadan, hena henane hadnuchauāna, hadnewauunauau hauānau hadjaāsanenee naje; hadethauguhauva hauauwuu hadnedaujedāde. <sup>11</sup> Nau hadethauva henane hedauuwunede, Hechauhauthethāhe nejeethāne, daudu jādanauwuu hadnedauvethenauau hadavechauthāde naugu nāthauguhādaunau? <sup>12</sup> Nau hadnauhauthēhāna vanasaanee dachauuwuu hadnesewaudeanee: hadnesaanuhuu. <sup>13</sup> Nau hanaāeyehauthē, nau haeevedenauau neethāedauwunaude: nau hanaāesaanudethee hadavechauthāde. <sup>14</sup> Nau hāenauauchaanee, hanaāējanaugude naugu vadauchunesenee hevadauhanau. <sup>15</sup> Nau hanaāēdauwunaude, hethauwuvadauvethenau nuu hadavechauthāde naugu nananena hajesejasauwuwuthānau: <sup>16</sup> Hanau nāedauwunathana, Nadnethauwauthēvethē nuu, haunaude hadnauauchaau henajane de Hejavaneauthau. <sup>17</sup> Nau hanaāedanauau vāenau, nau hanaāēvāde vaveenede, nau hanaāenehede, Hedanauwuu nuu, nau hadjaanauwauva nehayau: <sup>18</sup> Hanau nāedauwunathana, Naudnethauwuvanethē de dadajevenenaje, hanaude henajane de Hejavaneauthau nauauchauyāgu. <sup>19</sup> Nau hanaāedanauau jauaujau, nau hanaāēvāde vaveenede, nau haejeane, nau haevēna, Nuu nana nadanayau havanadenenau: nuu hadneejenauneethadaunena, hathauhuk. <sup>20</sup> Naasauau jea vāenau hāesethunevethēhedaunee, Nuu vāenau waunauyauau hesānave de Navaevaa, hanedaunauwunana, hathauhuk. <sup>21</sup> Hau nauhauvaa, hejadenā henee haneavedaunaude nananenauau nanedaugvānauau vethēhedaunaa. <sup>22</sup> Nau hethauwuu Heau henane hadjathāhāde, neesedaunaunde: hau naunauthanee henee henane haneavedaunaundenenee. <sup>23</sup> Nau hanaāenaunaudeaunadethee nehayau, hanaāede hadnesedaude nuu. <sup>24</sup> Nau hena jea haeneenayaudenauau, hanaāede hadjavaāvasāthaa. <sup>25</sup> Nau hanaāēdauwunaude, Nenauchuwuthee Neauthuu haevahadahethēdauwu; nau henee nanethenuu naudahede nanadee hesenaedehehauau neseadagaanee. <sup>26</sup> Hau jevanaathāhee: hau henee havasāthawaunādaunenau, hadenahavaewauva; nau henee naja waude henee henechauthāhehau. <sup>27</sup> Hanaa vanasāthaa, henee vanethēde, wauāthe henee henechauthāhe? gaujenane henee vanethēde? hau hanedaunathana waude henee henechauthāhe. <sup>28</sup> Nananena daudajauanenethaunena denaunaunauchauthēhanau. <sup>29</sup> Nau janenanauwunathana najanede, waude Nāsaunau nejeesejenanauwunānau; <sup>30</sup> Hadevethēhena nau hadevaveyāna navethēhedaunaa Nanajanedaunaa, nau hadetheaugudaunau najatheaugudaunau hadnauchuwuhauna vadauchunesenee jajaesenanedanede Israel. <sup>31</sup> Nau Vahadāde hanaāenehede, Simon, Simon, nauhauwune, Haujau nevadaunethēnāne, hadvachuuguthāne waude thauuhanewauchaunau: <sup>32</sup> Hau nevevethasathane, henee hadethauwuthajauade hadjenadegaunauau: nau hāejauaugauthethajauane

hadedæwaunauau hahauwauauau. <sup>33</sup> Nau haenehetha, Vahadāhene, Nananenau hanesaanunau hadnenedethaunathane, nesauna duguhunauuwuu, nau gaujauaudahedaunaa. <sup>34</sup> Nau haeædauwuna, hædauwunathane, Peda, neauthuneāhe hadnehauwunedu nuu desenene, hajesejenehenaune nasau hadnethedauwaune henee nananene daujanaunene. <sup>35</sup> Nau hanaāædæuwunaude, Deathavejenanathana hæhauwunewauunava nesevæjethāwau, nau newaugusajaānauchu, nau wauaunau, gauhæjvathehāva hayewhu? Hegau, hathauhaugaunee. <sup>36</sup> Hanaāædauwunaude, hau hewaunehaa henee nanethenauau nesevæjethāwau nanehaedanaunau, nau jea heneaugusajaānauchu; nau henee janenethenauau gaugauchu, nanehæaudaunade heddu, nau jeaudaunade gaugauchu. <sup>37</sup> Hanau nædauwunathana, henee nuu wauthaunauhuu hethauwunaathauthaunauhunau, Nau haewauhaunau wauwauwauhuhau; hanau nethauthedauthanau hethauvaa. <sup>38</sup> Nau hathauhaugaunee, Vahadāhene, nauhaudau, heyewnuu hanesæ gaugauthau. Nau haeædauwuna, Naadauchæ. <sup>39</sup> Nau hæjenaua, nau hæjathāu, neseadaude, haa nee Olives; nau hethauguhādaunau jea haethauguhaa. <sup>40</sup> Nau hāanausade, haeædauwuna hevevethahee henee hadejedāna vasehadede. <sup>41</sup> Nau hæjāvesa hehejese nejechauthanenee, nau haechagujanaugu, nau haeevetha, <sup>42</sup> Nāchau, hith Nananene vadausedaunenagu, jegudanauwunee nuu vāenu hehethēe Nananene: hau nāhauwuvathehaa, hau Nananene, hadnaasauau, hathauhuk. <sup>43</sup> Nau haenauhauva hautheaune hehethēe hejavaa, haedadævaa. <sup>44</sup> Nau haeneenajeneethajau haeneenavevetha: nau heguwauau waude davathejaneauthēe vaewauau dejanesee vedauuwuu. <sup>45</sup> Nau hæegauhāde hehethēe devevethahede, nau hæjeedasa hethauguhādaunau, Hæveena haeseenauhaunenuu hee haudauwuthajade, <sup>46</sup> Nau hæædauwuna, Naudu haenaugauhuna? gauhæ nau vevethahee, hadejedāna vasehadede. <sup>47</sup> Nau hajesanadede, haenauhuu havathenanedanede, nau henee Judas neseade, jasaa vadadauchunesenee, haenedauva, nau hæeyædasa Hejavaneauthusaun hadnedanaude. <sup>48</sup> Hau Hejavaneauthusaun hathāhuk, Judas, gauhæavedauna Heau henane gauhadneenedanau? <sup>49</sup> Hæene henethauguvādaunau daunauhaudauwunethe hadnesehade, Vahadāhene, gauhadjedauwauunauau hee gaugauchu? hathauhaugaunee. <sup>50</sup> Nau hanesæ hædaunau hewaunawunenee vasaunene vevethahevahew, nau hægaudathāhe hejavese. <sup>51</sup> Nau Hejavaneauthusaun hæaechuhananadetha, Hauwaa naneseadaunuu. Nau hævasane henaunauunene, nau hæenayauha. <sup>52</sup> Hejavaneauthusaun hanaāenehethaude najavevethahevahew, nau haunauyauhauthāhew vadannauuwuu, nau vachaugananenuu, hejewaunedasādaunau, Gauhæjauva, waude hee havedehe, nauuu gaugauthau nau vachau? <sup>53</sup> Denethenaedevathana hayauwunenee vadannauuwuu, nananena hæhauwudathane: hau nuu nauauchaunau, nau naunauthauau vaneeyauau. <sup>54</sup> Hanaāædanauthēe, nau hæjathēchauhauauau, nau hæjedananauau Vasenajene vevethahevahew hedauuwunene. Nau Peda hæjesedauchuu. <sup>55</sup> Nau hæsewauwunathēe nahethāe hadauvasenejesauau, nau hæauājanaugunauau, Peda hæjanaugudauna. <sup>56</sup> Hau jasae hesāhedæyaune haenauhauvaa daujanaugudaunau hejava hesedaa, nau haenaunauhaudauhauvaa, nau hathāhuk, Naa henane jea nanethenaedewaude. <sup>57</sup> Nau hæethedauwautha, Hesā, nahauwaenauau, hathauhuk. <sup>58</sup> Nau naunade jachau haenauhauvaa, nau hathāhuk, Nananene jea hanehedāhene. Nau Peda hahagu, Henane, nananenuu hegu. <sup>59</sup> Nau hee jasaye denauachauau waunee jachau hæethauwunehene, hathāhuk, hethauwuu naa jea nanethenaedewaude; hanau nananede Gananaean. <sup>60</sup> Nau Peda hahagu, Henane, Nāhauwaene daun nesenehene. Nau chauchauu, daunausunanadede, neauthuneāhe haenedu. <sup>61</sup> Nau Vahadāde hæjaagu, nau haenāuhauva Pedaheau. Nau Peda haethauchtahajade hedanadedauunene Vahadāhenith, neesenehethāde, Hajesejeneduhede neauthuneāhe, nananene hadnethedauwunene nasauna. <sup>62</sup> Nau Peda haenau, nau haeneenavewau. <sup>63</sup> Nau hanenauau henee daunauthēe Hejavaneauthusaun hævavavauhaunauau, nau haedaunauvaa. <sup>64</sup> Nau hæsaæjæjethauthēe, hæanadeāhenauau, nau haenaunauwunathane, Hæyāhe, hanaa henee haudauwunau? nethāhuk, <sup>65</sup> Nau wauthane hæewauwauwunau nanāsanadethāde. <sup>66</sup> Nau chauchauu hasenauwunathane, vachaugananenuu hanenedanede nau najanauau vevethahevahew nau wauthaunauhāhewau hæauāchadaunauau, nau hæjedananauau hadauhanadethēe, <sup>67</sup> Gauhanane Chris? jeædauwunāa, hathauhaugaunee. Nau hæædauwuna, Hith Nananenuu hædauwunathanagu, nananena hanājethauwunathane: <sup>68</sup> Nau hith nananenuu jea nauwunathane, nananena hanājauhaunathane, wauāthe hanājējenanenuu. <sup>69</sup> Hæwauwunathane henee Heau henane hadtheaugude hejavese nauwunathane Hejavaneauthu. <sup>70</sup> Hanaāenehethēe vahee, Gauhanane Heau Hejavaneauthu? Nau hæædauwuna, Hasenehena Nananenuu. <sup>71</sup> Nau hahagaunee, Hehauwauthēhāhanau nauwunathane? hanau nehayau nanadanaunauau Nehayau hedena.



## 23

<sup>1</sup> Nau haunauude henanedanede haegauhādene, nau haeyehaudaunanauau Pinade. <sup>2</sup> Nau hanaāevavasevāde, Vaneenaunauau naa gauchuhuchaudede jajaesenanedanede, nau nedauduwaude hadjevenauthee hauāyāunau Caesar, daunahagu Chris Nenauchuwunede, nethadede, hathauhau-gaunee. <sup>3</sup> Nau Pinade haenaūdedauna, Gauhanane Dauhunauchuwuhunene Jews? hathauhuk, Nau haeauchuhanāedauwunaa, Hethauvāne. <sup>4</sup> Hanaāēdauwunau Pinade najanau vevethahehehau nau henanedanede, Nāhauwuveedenaune wausaunee naa Henane. <sup>5</sup> Nau haenaunauchauthedauhādene, wauwauyauchiedede henanedanede, hanechauhauthethāde hehethee vahee Jewsevedauwuu, jejas-eesee hehethee Gananane nauuu nuu vedauwuu, hathauhaugaunee. <sup>6</sup> Hāene Pinade nedauwauthade Ganane, haenedadauva wauau hagananenane. <sup>7</sup> Nau chauchaunu hāesaenauau henee daunaādēde Herod hadaunajavanethe, haethavenane Herod, jea haenedau Dādaunedan hena hese. <sup>8</sup> Nau hāene Herod nauhauwaude Hejavaneauthusaun haevaseneethajau: heee devadaunauhauwaude dajauaunee hanau dauhuwauthanedauwauthade; nau haevadaunauhādauwuu jasaa venauneguthau hadnesedau-nith. <sup>9</sup> Haenaunaūdedauna hauwauhuu hanadedauunau; hau haejauhahananadethaa. <sup>10</sup> Nau najanau vevethahehehau nau wauthaunauhāhehau haetheaugunenau nau haenaunaunauchauthevaa. <sup>11</sup> Nau Herod nauuu vauānenau haegenananaugaugaūyauve, nau haevavavanauchuhanauau, nau haeneenuhanauau neudahenenee hu, nau haevenanaūau jea Pinade. <sup>12</sup> Nau hajesene-nee Pinade nau Herod haenedaehāvadenuau nesauuu: hanau nedauwuu haesaūnavadenuau nehayau. <sup>13</sup> Nau Pinade, hāesaūnadethade najanau vevethahehehau nau hauchuwunanenu nau henanedanede, <sup>14</sup> Haeēdauwuna, Nananena nauuchadaunena naa Henane, nanahagu he-nee gauchuhuchaudede henanedanede: nau, naune, nananenau, haunauchuwuhauu hathaāhena, nāhauwuveedenaune wausaunee naa henane heee henee hayauhuhau nanāsevasewana: <sup>15</sup> Hegau, hehauwune Herod: hanau neathavejenanaūwunathane; nau naune, hehauwunenauau hehauwu-gaudauwudau. <sup>16</sup> Hadnesegauhaa, nau hadjenanaūau. <sup>17</sup> (Hanau hadnaugauhusenaasedaude hadjenanaude hanesāhenethe vasevethedeauneagu.) <sup>18</sup> Nau haunauude haevasaūnadenuau jasānee, Hausāguthaa naa, nau jejenanaūwunāā Barabbas, hahagaune: <sup>19</sup> (Nanadede hanau jasaa nejaevauāde hedan, nau hanau nenaade, nethānade duguhunauwuu.) <sup>20</sup> Pinade henaheee, haevadaūjenana Hejavaneauthusaun, haenanadetha jea. <sup>21</sup> Nau haenānaune, Saethechuhuu, Saethechuhuu, hahagaunee. <sup>22</sup> Nau haeēdauwuna nanaūwauve, Dusee, dusewauwudau? Nāhauwuveedenaune hadneegaujauauthehade: Hadnaūsedanaū hadnesegauhaa, nau hadnaējenanaūau. <sup>23</sup> Nau haeneenasānadenuau, haeneenavadaūsaethechuhunauau. Nau haenānadenuau nau najanau vevethahehehau haechauwauuauwunauau. <sup>24</sup> Nau Pinade haechuwaūdā henee hadnaūsaunee hasevathethāthe. <sup>25</sup> Nau haegenanaūwuna nanadede henee hanau nejaevauāde nau nenaade haethāna duguhunauwuu; nanadede heenedauwadenenu; hau haevā Hejavaneauthusaun hathanaūwau-thee. <sup>26</sup> Nau hāejathechauhauthee, haedananaūau hanesāhenith Simoneau, hehethee Cyrenene, hananeedesade vedauwuu, nau hananene haenehanaūwunanaūau naugauchū, henee hadnanewaunauwunith thaugu Hejavaneauthusaun. <sup>27</sup> Nau hena haethaugu hahavathenedanede, nau hesānaū, haeaudauwuthajauha nau haevewahunauau heee. <sup>28</sup> Nau Hejavaneauthusaun haejaaāne haeēdauwuna, Dādaunedan hedaunauhau, jevahevewahuu heee Nananenu, nau heevewahuu nehayau, nau heee hadēyaunevenau. <sup>29</sup> Hanau, naune, hese janāduu, hadneehedaunee, Hau-nauwuthajauau jenesaūnehehauau, nau henaūdaunenau henee nejethauujanesāthee, nau hethanenau hehauwunethuaunenau. <sup>30</sup> Heee hadnaējaseseneheduu hauane, Gaudaunānauau; naa jauaudane, gaudauyauhauau. <sup>31</sup> Hanau hith heenesedaūhaugaunee nuu hayauhuhau janadanegaūhaeyau-gaune hauhādene, hadneedusedaune wautheyaugu? <sup>32</sup> Nau hena haenesenuau gauchuhunee jea, wauwauwuhuhau, haenethaūna hadnaūgaūnaade. <sup>33</sup> Nau hāene hāedadu, Calvary hanaasee, hena haesaethechuhunauau, nau wauwauwuhuhau, hanesāhenith hejave, nau jachau nauwauthe. <sup>34</sup> Haenaānehede Hejavaneauthusaun, Nāchau jaegudanaūwunene; hanau daujāenuu hasedauthee. Nau haejanaūwunenu, hedāchaunene, nau haehēdaūdaūsaūdaunenau. <sup>35</sup> Nau henanedanede haetheaugudaune dauhasauhauvade. Nau hauchuwunanenu jea nauuu haeauchadanaū, hasenehayaūgaune, Nenayauhade hauthauau; Nanehanehanenayauhadede hethauwuu Chrisdeyau, Neayānāde Hejavaneauthe. <sup>36</sup> Nau vananenau jea haenaūgaūthedaūnaa, haedasa, nau haevenaa naneūjadenenee dadajevenene, <sup>37</sup> Nau hathāhuk, Hethauwunajawau-naudagaunee Jews, henayuhade nehayau. <sup>38</sup> Nau haewauthaunau jea haewauthaunauhune he-javaa hedanadedanene Greek, nau Latin, nau Hebrew, Naa Nanajawaūnaude Jews. <sup>39</sup> Nau jachau wauwauwuhuhau chaunaūnaūwunith haewauwauwuhuhau, Hethauwuu Chrisdenagu, henayuhade Nehayau nau nananee, hathāhuk. <sup>40</sup> Nau jachau haeauhahananadene haedaūduva, Gauhajeadaūnaū Hejavaneauthe, hanau nananene nanesadee hathaūchuwuhane? hathauhuk, <sup>41</sup> Nau neehanaūau; hanau hanesedananaūwunau nanāsedanaūau: hau Naa hehauwauwuhuhau. <sup>42</sup> Nau hanaāene-

hethaude Hejaneauthusaun,\* Vahadāhene, dauyewuwuthedaune hāanaususanaune Hanajanede. <sup>43</sup> Nau Hejavaneauthusaun hathāhuk. Hethauwuu hāedauwunathane, Nuu desenee hadnethenaedevene Paradise. <sup>44</sup> Nau hāethauthaunesade, nau hanaāeveeyauu nanadee vahee hathāauauvaa haunaude nanasuusee hāenauchauau. <sup>45</sup> Nau hesee haeevenenauu, nau hauguthau Vadannauauwuu haethauwunauu nahethāe. <sup>46</sup> Nau Hejavaneauthusaun hāevasānadede, Nāchau, hajadena hadaunaunehau Navadathuwu, hahagu: nau hāesenehede nuu, haevadauwauthauwu. <sup>47</sup> Wauhā vanenenaja hāenaухаудauu hasedaundenenee, Haeauwauadauna Hejavaneauthu, Hethauwuu naa chaunuvāde Henane, hahagu. <sup>48</sup> Nau vahee henanedanede henee hathāejeauānuusathee hadnauhauwuthee, haenauhauwuu hanasedaundenenee, haenanadesejāhedenaauu, nau haejaajegauhudaune. <sup>49</sup> Nau vahee henedaehauhau, nau hesānuu hethāethauguhādaunau hehethēe Gananee, haetheaugunenau vavāaune, haenauhauwuu nuu. <sup>50</sup> Nau, naune, henane Joseph haeseee, najananadehe; nau haeethā, nau haechuvā: <sup>51</sup> (Naa haejochuwardā hasenehedaunenēe nau hasedaunethe); haenaadāde Arimathaea, hedan Jews: nananede jea nehayau haejeauwuwude henajanaedaunene Hejavaneauthu. <sup>52</sup> Naa haeyehau Pinade, nau haenedauwau hēdanayaunene Hejavaneauthusaun. <sup>53</sup> Nau haejanana, nau haeauyauuna naunaujānaunee, nau haejenana nedauthānavathe gaujauadahehehau haunauāgāe, haunauu henane haejethaujenanau. <sup>54</sup> Nau hena hesee haesaanudaune, nau vadanesee dayānauchauau. <sup>55</sup> Nau hesānuu jea, hejenauunethaunādaunau hehethēe Gananee, haethauguhāa, nau haenauhauwuu hadausaesenanethe, nau hēdanayaunene hathaudanee. <sup>56</sup> Nau haejaenauthau, nau haesaanudenauu hathāeneevaudenee nau chauayaunau; nau haedauyānusenaunau vadanesee hasauu nanavaavede.

## 24

<sup>1</sup> Wauhā nanedaunauwau hese hauchauvadede, hajesejevesesanith haejeedadauwu hadausaesenanith, haenauchaudenaunau hathāeneevaudenee heesaanuthaunau, nau jasae hauthauu nauugu. <sup>2</sup> Nau haenauhauvanauu haunauāgane haeausānene hehethēe hadausaesee. <sup>3</sup> Nau haejedānaunau, nau haejevedenaunau hēdanayaunene Vahadāhenith Hejavaneauthusaun. <sup>4</sup> Nau hethauwuu daugaudauwuthajauthee hee, naune, hansenethe henanenau haetheaugudaunā haenauasāaunenau hēdāchaunene: <sup>5</sup> Nau daunāthajauthee, nau haenaunaugunauu vedauuwwu, haeēdauwunā, Naudu nananena haenaudehauna hanenaededaunau nehee gaujauadahehehau? <sup>6</sup> Hehauwanedau hede, nau jaegauhāde: dauyewuwuu neethāedauwunā denausanadaude Gananee, <sup>7</sup> Neesenehede, Heau henane hadvenavathe hejadenene wauwauhudaunanenau, nau hadsaethechauhude, nau nasese hadjaegauhāde. <sup>8</sup> Nau haedauyewuwunauu hēdanadedaunene, <sup>9</sup> Nau haenauwuu hehethēe needausaesenanith, nau haethaunauwuu vahee nuu hayauhuhau jasānee, nau vahee hauthauu. <sup>10</sup> Haenane Mare Magdalene, nau Joanna, nau Mare henaune James, nau hauthauuauu hesānaunau henee henethaunādaunenau, neauthedaunauthee nuu hayauhuhau vaduhanau. <sup>11</sup> Nau hēdanadedaunenau hathanadauwuyaugaune gaugauyaune, nau haejethauwauadaunaunauu. <sup>12</sup> Hanaāegauhāde Peda, nau haeyeseneegau hadausaesenanith, nau haeewauguu, haenauhau naunaujānaunee haeānadaunau jessaa, nau haenaude, haegauguanade hasaunee. <sup>13</sup> Nau, naune, hansenethe haeyehaunau henee hajesesenee hajasee hauauwudan Emmaus haseagu, hehethēe Dādaunenau wauu nesaudauchu nau gauu daugauha. <sup>14</sup> Nau haenanadenuu wauhaunee vahee nuu hayauhuhau hasaunee. <sup>15</sup> Nau hethauwuu, henee, dauanadethee wauhaunee nau haenaunaudedaunadenauu, Hejavaneauthusaun Nehayau haeauchauna, nau haenethauna. <sup>16</sup> Hau hesesānenau haedunenenuu henee hadjaenaunauthee. <sup>17</sup> Nau haeēdauwuna, Hayewnau hadanadedaunenau nuu henee nananena hānegudaunenau, daujajāwauanadena, nau daudaneāna? <sup>18</sup> Nau jasaa hanaaseede Cleopas, haeauchuhanadethaa, Gauhanane vavade dauhadavesane nuu Dādaunenau, nau gauhajaene hayauhuhau hasedaunee hena nuu hese? <sup>19</sup> Nau haeēdauwuna, Hayewnau? Nau haeēdauwuna, Hee Hejavaneauthusaun Nazareth, nananede Haeyāhe naunaudāde hanasedaude nau hēdanadede hathāāhenith Hejavaneauthu nau vahee henanedanede: <sup>20</sup> Nau najanaunau vevethahevahehauu nau hadauchuwunanevne neesevānethe gaujauadahehede hadneachuwuhade, nau nesaethechauhude. <sup>21</sup> Hau nejauwuwuhauunau Nananede hadnenayauwude Israel: nau nauugu vahee nuu, desenee nanasāe hese hāesenesedaunee. <sup>22</sup> Haa, nau jasae hesānaunau jea hadahenauu nenāvānaunau, nauugsāge neanedauthee hadausaesenanith; <sup>23</sup> Nau dejevēdethee hēdanayaunene, nejenuusathee, neauthedathee, henee jea haenauhauvanauu hauthaunau neethāhaugaunee henee daujaenaedeyaugaune. <sup>24</sup> Nau hauthauu hānethaunādaunene deyehaunauu hadausaesee, nau haeevedenaunau vavade hesānaunau neesenehenethe: hau haejenauhauvanauu. <sup>25</sup> Hanaāēdauwunaude, Hau hāhauwae-nava nau gauanauu hadahenuu hethauwaudanee vahee henee haeyāhehauu nethauthedathee:

\* 23:42 "Hejaneauthusaun" possibly should be "Hejavaneauthusaun". (See note for 18:19.)

<sup>26</sup> Naasauau Chris hadnasenede nuu, nau hadjedāde hadnedaugasāthaa. <sup>27</sup> Nau jeejesesee Mosese nau vahee haeyāhehauau, neevavesāedauwunaude heee vahee hanathauthaunauhunee hayauhuhau hadnesenaedede Nehayau. <sup>28</sup> Nau haeeauchauwu hajasee hauauwudan hasesathee; nau nehayau haenatedauneha hadjavesade. <sup>29</sup> Hau haeenadaunanauau, hathauhaugaanee, Hanedaunaunāa: hayānaesade, nau heseē hayāenauwusanauau. Nau haejedā hadnatedaunaude. <sup>30</sup> Nau hethauwuu, daujanaugude haenethevethheeva, Haedane jauaujau, nau haevaveene, nau haetjeane, nau haevana. <sup>31</sup> Nau hesesānenau haegaunanenenau, nau hanaāaenauauthee; nau haeeyauhauudenauau. <sup>32</sup> Nau hadāhene gauhauchāe hethauvaa, hanathadagaanee jaeē, deanadethānauau jāthee, nau hāegaunauwunānauau wauthaunauhanau? <sup>33</sup> Nau haegauhānauau chauchaunu nau haetjeyehaunauau Dādaunedan, nau haevēhanauau jāsānee haeaunauudaunāhenenau, nau hauthauau heneē hanedaunaunādaunenau, <sup>34</sup> Vahadāde gauhāde hethauwuu, nau haenauhauthēha Simon, hathahaugaanee.\* <sup>35</sup> Nau haeauthedanauau hayauhuhau hanasedaunith hadesathee, nau hasaenaunāde daujeanauu jauaujau. <sup>36</sup> Nau daunausunanadethee, Hejavaneauthusau Nehayau haetheaugu nahethāe hadauthee, nau hathāhaugaanee, Danādauyauau vanenathana. <sup>37</sup> Hau haenānauaunauau nau haenāthajaunauau, nau hasethajauhaugaanee heneē haenauhauvanauau vadathu. <sup>38</sup> Nau hathauhuk, Naudu nananena haenāthajauna, nau nau du haegaugauuthajauna gauhānauha hadahenau? <sup>39</sup> Nauhau dauwuu Najadenau nau Nauaudau, heneē Nananenau nehayau: Vasanee, nau nauhauwuu; hanau vadathau hehauwudausānune nau hehauwudechaunave, hathauhauwuna. <sup>40</sup> Nau dauhanadede, haenauhauthēha hejadenau nau heaudau. <sup>41</sup> Nau haejethauwuthajaunauau heee haunauwuthajaude, nau haegaugauuthajaunauau, Haeāedauwuna, Gauhajevevetheneva hede? <sup>42</sup> Nau haevanauau hanesāhenith nauwu haEAUJUNENE, nau gauhauaugunaugaye. <sup>43</sup> Nau haedane, nau haevethe hathaājenethe. <sup>44</sup> Nau haeāedauwuna, Nuu nanāe hanadedau nau hāauthedaunathadenenau, denausunethenaedevathana, heneē vahee hayauhuhau hadnethauwunauaachu, hanathauthaunauhuu henanavaavede Mosese, nau haeyāhehauau, nau psalms heee Nananenau. <sup>45</sup> Hanaāegaunauwunaude hadnaenauwunethe, heneē hadnaenauwunethe wauthaunauhanau, <sup>46</sup> Nau haeāedauwuna, Hathauthau nau nau nau Chris hadnasenede, nau hadjaegauhāde hehethee gaujauaudahede nasese: <sup>47</sup> Nau heneē haugauthegaugauuthajaude nau hadjaegudanee wauchudaunenau hadnautheduhunee heee Heneseede nanadeē jajaesenanedane, hehethee Dādaunedan. <sup>48</sup> Nau nananena haenauwuna nuu hayauhuhau. <sup>49</sup> Nau, naune, Nananenau vanenathana sayānee Nāsaunau hau theauguu hedan Dādaunedan, haunau nananena hāchauwunagu nau guu nau dahede hehethee hejavaa. <sup>50</sup> Nau haejasenedauwauna hajechedanee Bethany, nau haegauha, nau haevēvethasa. <sup>51</sup> Nau hethauwuu, daunau suvethauchaude, Haenautha, nau haeejechauhau jethee hejavaa. <sup>52</sup> Nau haevēvethedaunauau, nau haetjeyehaunauau Dādaunedan nau guu vaseneethajaude: <sup>53</sup> Nau dajauaunee haenedaunauau jedauwuu Vadannauwuu, hauwunede nau haevēvethedaunauau Hejavaneauthu. Hethauvaa.

\* 24:34 The last word of the verse is unclear and could be “hathahaugaanee” or “hathahaugahee”. The former was chosen as being closer to what is used in other instances of direct speech.